







264
V B E R T I
F O L I E T A E
C L A R O R V M
L I G V R V M
E L O G I A .

A D I O A N N E M A N D R E A M
A V R I A M D V C E M
C L A R I S S I M V M .



Domus

St. Pantaleoni

Polani



Prato

R O M A E , Apud heredes Antonii Bladii
Impressores Camerales.
M . D . L X X I I I .



Ex hared Fran^{ci} de Ruben

V B E R T I F O L I E T A E
A V C T O R I S .

Te pietas , te religio , te Martia virtus ,
 Ciuilesq. artes sydera ad alta ferunt.
Te summi Reges ornant , nomenq. verendum est
 Omnibus in terris vrbs veneranda tuum.
Tu late imperium profers , te Numina, sollersque
 Ingenium æternis amplificat opibus .
Tu salubri cæloq. aurisq. salubribus vtens
 Fata hominum extremum protrahis in senium.
Littora perpetuo viridantia , floribus horti
 Vernantes violisq. ipsa bieme in media.
Immanes moles , & tecta æquantia cælum
 Defigunt oculos , qui te adeunt , hominum .
Si nihil o Patria hæc possunt incondita scripta
 Nostra tuis tantis laudibus adijcere .
Ast eadem studium saltem testantia nostrum
 Accipe tu , pietas quæ tibi nostra dicat.

PAVLVS MANVTIVS

VBERTO FOLIETAE

S. D.



E Si tu is es, cuius ingeniū, et uirtus neque meum,
 neque cuiusquā omnino testimonium desideret,
 me tamen uel amor in te meus, uel ipsa ueritas
 adduxit, ut extare uellem de tuis Elogijs indicū
 meum, non tam apud te, qui te ipsum egregie nosti, quam apud
 omnes gentes, atque adeo apud ipsam posteritatē, quae de studijs
 ingenijsq. nostris expers amoris & odij, pro cuiusque merito
 sententiam feret. Ego enim tua scripta et legeram ante multos
 annos, et ita probaram, ut ex ijs, qui tunc excellere putabantur,
 tibi neminem anteferre, nunc, ut uerē dicam, non ut gratiae
 causa tuis auribus largiri quidquā uelim, haec de tuis Liguribus
 illustris, & diligens, & ornata commemoratio ita mihi placuit,
 ut qui conferri tecum hoc in genere possit, prorsus neminem esse
 indicauerim. nam ex vniuersa Italia, aut ex multis prouincijs
 multarum virtutum exempla colligere, id quod ex veteribus
 multi, ex recentioribus nonnulli fecerunt, haud sane magni negotij
 uidetur esse: ex una uero ciuitate, et ex una satis angusta regione
 tamquam ex uberrimo fonte multos haurire, qui uitae sanctitatem
 te, qui militari gloria, qui Reipublicae administrandae scientia,
 qui sollertia, & inuestigandi rerum nouarum, nouarumq. gen-
 tium studio, qui etiam litteris & eloquentia floruerint, hodieq.

A 2 *floreant*

floreant, & admirandum quiddam est, & immortali laude dignissimum. in qua cogitatione dum versor, non tam equidem patriæ tuæ gratulor, quod eos ciues tulerit, qui tantas res gererent, aut qui insigni aliqua laude inter ceteros emerent, quam quod tu incredibili quodam erga tuos amore incensus ad eorum memoriam ab interitu vindicandam ingenium artemq. contuleris. Viuent enim nomina consumptis corporibus excellenti scriptorum industria, & si præconem virtus inuenit, elucet, eo si caret, obscuratur, & extinguitur. Quocirca uel ijs ipsis, qui ornati a te sunt, quorum hodie nonnulli sua gloria uiui perfruuntur, uel eorum posteris tanti debet esse munus officiumq. tuum, quanti semper a fortibus ac sapientibus uiris æstimatam non inis æternitatem uidemus, qui eam non modo laboribus ac periculis, uerum etiam uita ac sanguine querendam putarunt. Et ut aliquid de meo sensu, cum Matibæuin Senaregam alumnū disciplinæ meæ præstanti uirum ingenio, natum maximis rebus, dicendi scribendiq. facultate nemini prorsus ætate nostra concedentem proprij Elogij laude decorasti, & si debitum in eo uirtuti præmium persoluisti, me tamen pro mea in illum singulari beneuolentia qua uoluptate lætitiq. affeceris, quo tibi beneficio deuinxeris, nec mihi uerbis exprimere, nec tibi cogitatione consequi facillimum sit. Actu quidem materiam cepisti nobilem, & præclaram. Sed ut ea speciosior, & iucundior, & ut ita dicam, se ipsa maior sit, eloquentiæ tuæ præstantia consequeris. Omitto reliqua, ne sum nimius. nam sua quæque laude dignum est, sed in principijs tam multis tantā uarietate, tam splendidam, tam elegantē quis

non admiretur, aut quis uidit umquam? in ceteris enim Elogio-
rum partibus tui numquam non similis, idest gravis, & subli-
mis, & ornatus, in hac uero tantus es, ut in illis certare cum
alijs, in hac te ipsum uincere uoluisse uidearis. Maeste nix inge-
nio, atque uirtute, optime de Patria merite, cui tot ciues, tot he-
roes, tot Principes communi fatorum lege ereptos, uel temporis
iniuriam timentes restituis atque conseruas, nunc illa te suae stu-
diosum dignitatis, publici cupidum commodi, uereque suum alim-
num agnoscit: nunc amplectitur absentem, nunc incolumem, flo-
rentem, beatum exoptat. quæ tibi merces una pietatis in illam
perpetua præstantissima uidetur. 1 Vale. Romæ ex ædibus
pridie k. l. Dec. M D LXX II.

HIPPOLYTI CAPILVPII EPISCOPI
PHANENSIS.

Illustres animæ Ligurum, quas Martia virtus
Nota mari & terra sydera ad alta talit,
Quæque sacrum Musis potuistis scandere montem,
Et celeri immensum currere mente polum.
Vestra Ligur chartis intexuit ætæ Latinis,
Et uigil æternum reddidit auctor opus.
Sic docta artificis gemmas manus inserit auro,
Atque illis ingens adiicit arte decus.
Quo Ciuem Patria ergo suum celebrabit honore,
Qui uetat illius splendida facta morie

IO. FRANCISCI FERRARII.

Vrbs inuicta caput Ligurum, illustrata quæ alumnis

Tot tantisq. parens clarior usque micat.

Egregijs hominum uirtutibus inclita debes,

His tibi non paruum nam peperere decus.

Et pace, & bello quoniam castisue, foroue

Quæ gessere, tuum nomen in astra ferunt.

Non minus at docto Folietæ excelsa teneris,

Qui Ligurum cecinit tot beneficia Ducum.

Quin magis huic uni debes obnoxia alumno,

Quam reliquis de te, qui meruere boni.

Parta tibi est etenim mortalis gloria ab illis,

Et quæ Letbæis mersa feratur aquis.

Iste sed immemori scriptis felicibus æno

Hanc rapit, æternus, perpetuamq. facit.

ANTONII HORTENSII.

Magnanimi Heroes Ligurum, quos inclita virtus,

Magnus & in patriam nobilitavit amor.

En vos Vbertus scriptis intexuit aureis,

Vt nis nulla queat, nulla abolere dies.

Ergo vos illi debetis, patria nobis,

Vel potius vobis patria eique simul.

Vos patriam auxistis meritis, Vbertus & illam

Et vos æterno consecrat eloquio.

IOANNIS VERSOSÆ.

Vt uester Folieta simul victurus honores

Æternis uestros tradidit historiis,

Heroes Ligure, vos dein uita inclita sæclis,

Vos dein fama ullis non moritura manet.

1
V BERTI FOLIETAE
CLARORVM LIGVRVM
ELOGIA
AD IOANNEM ANDREAM AVRIAM
DVCEM, CLARISSIMVM.



AGNO animo, & excellenti ingenio viri Ioānes Andrea Auria, cam esse patriæ charitatē statuerunt, quæ nullis iniurijs posset exhauriri: nullisq; quamuis grauib; offensionibus egregios homines a Republica debere abduci existimarunt. Illorum ego vestigijs instans is semper fui, cuius incensa in patriā studia exilij poena, qua me ciues mei affecerunt, numquā aut extinxerit, aut labefactarit, quin contra omnes curas in eius salutem & dignitatem tuendam, augendā, ornandam, quantum pro virili parte possem, perpetuo intentas habuerim. quāquā facere non poteram, quin vicem meam interea dolerē, quod me ita om-

2
nia fefellissent, ut quam sem mihi laudi & premio pu-
taram fore, in eā crimen vel grauissimum perduellio-
nis constitutum esset. Verum perpetui mei in patriā
studij haud contēnendum, ni fallor, inter cetera spe-
cimen fuerint hæc, quæ nunc edere decreui, Clarorū
Ligurum Elogia, ad quæ scribenda illa me in primis
impulit causa, quod ad inuidiam, quā ciuitati no-
stræ nonnullorum maleuolentia & obrectatio con-
flare studet, leuandam, & extinguendam id plurimū
valere existimaui. Sunt enim, qui Genuenses homi-
nes totos mercaturæ & quæstui deditos nihil magnū
aut amplum spectare, nihilq. nisi humile & submis-
sum habere cōtendant; eaq. ratione de nationis no-
stræ nobilitate, quantū possunt, detrahere nitantur.
Quorum maleuolētia & inscitia cum testimonio no-
stræ ætatis, quæ tot claros Duces tulit, tum omnium
temporum cōtestata Genuensium virtute refellitur.
Illud enim plane constat, in nulla Italiæ ciuitate bel-
lica studia aut vehementius, aut diutius, quā Genuæ
viguissē; nullamq. esse nationem de Italis, quæ post
occasum Romanæ virtutis ad naualem Genuensium
gloriam, rerumq. gestarum magnitudinem (absit
verbo inuidia) possit aspirare. Venetias clarissimum
Italiæ lumen semper excipio. Cui nunc vrbi, ut de im-
perio & de dignitate facile concedimus, ita in pari
cū illa bellicę virtutis & rerum gestarum gloria nos
versari, ne ipsi quidem Veneti magnopere abnuūt,
aut iniquo animo ferunt. illa tantū re inferiores su-
mus

mus; quod res Genuensium magnæ ac præclaræ lū-
ce historię & egregij scriptoris ingenio carentes ob-
scuriore sunt. Cui Ciuitatis nostræ parti claudican-
ti ego quantum ingenio & eloquētia possem (utrāq;
autem rem exilem & pertenuem in me esse intelligo)
subuenire, sæpe in animo habui. verum omni opera
occupata; totoq; animo intento in vniuersa nostro-
rum temporum historia conscribenda, quæ res im-
mensi operis ac laboris est, sit, vt in tot partes nostra
distrahi non possit industria. Sed tamen non ita om-
ni opera mea patriam desertam volui, vt quod tem-
pus maioribus occupationibus, quamq; operæ sub-
ficiuæ partem eripere potui, eam non illi tribuerem,
quique vniuersam illius historiam amplecti non po-
tui, hos tamquam flosculos carptim collegi; in par-
uoq; hoc opere Ligurum, qui vel militari gloria; vel
ciuilibus artibus floruerunt, veluti in exigua tabella
adumbratas imagines ante oculos hominum posui,
quorumq; res gestas plane explicare, iustæ historiæ
opus fuerit, eas hac elogiorum breuitate attigisse, ac
veluti indicasse, haud leue operæ pretium putauī. Vt
& Clarorum Virorum memoria ab hominum obli-
uione scriptis nostris vindicaretur; nec patria nostra
ca laude, quam illi tot ciuium suorum virtus & inge-
uium conciliat, omnino careret: hocq; extaret sin-
gularis nostræ pietatis in illam monumentum; cum
eos tantum hoc honore comprehenderimus, quorū
nomen rerum gestarū magnitudine, clarissimarūq;

victoriarum gloria, aut magno aliquo memorabili q̄.
 facinore præfulget. præter quos plus septingenti Li-
 gures cum apud annalium nostrorum, tum exterorū
 scriptorum incorrupta monumenta numerātur bel-
 li pacisq. artibus conspecti. innumeri enim fuerunt
 haud contemnendarum classium, haudq. contem-
 nendi nauium numeri Præfecti; ad hoc non pauci su-
 perioris generis ordinum Ductores, alijsq. honorifi-
 centissimis terrestris militiæ muneribus vti. vel vna
 gens tua Auria præter eos, quos suis sigillatim Elogijs
 decorauimus summi fastigij viros, plus sexaginta tur-
 lit terra mariq. insignes homines, qui consilio, virtute,
 audacia, rebus gestis nomen suum immortalitati
 commendarunt. Vt gens Auria ex omni temporum
 memoria Ciuitati nostræ feracissimū Ducum & Præ-
 fectorum seminarium fuerit. De togatis vero Liguri-
 bus quadringenti Episcopi & eo amplius recēsentur.
 Atque ego credo nō nullos non de ceteris modo, sed
 de ciuibz ipsis quoque nostris fore, qui Ciuitatis no-
 stræ priscorum temporū potentiam mirentur, quæq.
 de maiorum nostrorum rebus tradūtur, ea vix credi-
 bilia putent: magnopereq. ex nobis querant, qui fie-
 ri posset, vt Ciuitas tum dimidio, quam nunc est, mi-
 nor, longeq. minore ciuium & incolarū numero fre-
 quentata, eorumq. minus locupletium; ad hoc angu-
 stioribus finibus vtens, cuiq. publica uectigalia mul-
 tis partibus essent tenuiora, qui igitur fieri posset, vt
 Ciuitas, apud quam omnia, quæ ad magnas classes
 parandas

parandas & instruendas, paratasq. & instructas tuen-
das necessaria sint, tam exilia essent, tantas, tam vali-
das, tam crebras classes, idq. tam facile, tamq. bre-
ui tempore compararet, & ornaret. Illud enim con-
stanter traditur, in prima expeditione sacri belli, cu-
ius Dux fuit Gotosfredus Bollionius, septem ingen-
tes & praevalidas classes, quarum nulla numero se-
ptuaginta triremiū minor fuit, omni nautico instru-
mento, omniq. bellico apparatu instructas, ad hoc
ingenti egregiorum bellatorum copia refertas trede-
cim annorum curriculo subsidio Christianarum re-
rum in Syriam submissas. Et in vno ex bellis Pi-
sanis septem annorum spatio, quod bellum illud
duravit, sexcentas viginti sex naues longas varij ge-
neris e portu Genuensi pluribus com meatibus exiisse.
quam rem grauissimus illorum temporum æqua-
lis & scriptor Iacobus Auria, cui negotium scribēdo-
rum annalium publice datū est, pro explorata & cō-
perta tradit, cum sibi studium fuisse dicat, numerum
nauium recensendi. Iam vero quis non horreat secū
reputans mēsis spatio classem centum sexaginta par-
tim triremium, partim maioris formę longarum na-
uium, quas tunc Taridas vocabant, nunc Galeatias
appellamus, comparatam & instructam? quam duo
& quadraginta bellatorū millia omnes Ligustici no-
minis conscenderunt. quam rem Varagineus tradit
certissimus scriptor, & sanctissimus Annistes, qui rei
interfuit, numerumq. nauium selemisse scribit gen-
uili

tili tuo Vberto Auria, eo qui memorabili illa clade
 Pisfanorum opes fregit, Præfecto e portu Genuensi
 contra Venetos emissam? Auget admirationem ac fi-
 dem labefactat nostrorum temporum comparatio.
 in quibus nō modo Ciuitas nostra quamuis frequē-
 tia ciuium, omniq. opum copia, ad hoc finium lati-
 tudine longe superior, sed ne opulentissima quidē
 Regna tantis classes possint armare, aut armatas diu
 tueri. Vel ipsæ Venetiæ, quæ ciuitas tot opulētas ac
 claras Italiæ vrbes imperio subiunctas habet, ad hoc
 latissime patentem Illyrici oram quamplurimasque
 insulas oppidis, vicis, populis frequentissimas, locu-
 pletissimaque vectigalia possidet, amplissimaq. ha-
 bet naualia nauigijs omniq. bellici apparatus copia
 referta, naualemq. rem præ ceteris colit, in eaq. glo-
 ria sibi primas vindicat, perraro atque omnibus ui-
 ribus connixa tantum nauium numerum vix cōfice-
 re potest. Quæ singula secum animo agitantes mul-
 tos, vt dixi video fore, qui scriptis nostris fidē abro-
 gent, idque non omnino temere, cū ea res me quo-
 que dubium sæpenumero & nutantem fecerit. Verū
 cum animum in eam cogitationem & inuestigatio-
 nem acriter intendissem, veterumque scripta dilige-
 ter considerassem, exterorumq. monumēta multis
 ex locis collecta cum nostris annalibus accurate con-
 tulissem, re diu ac multum quæsita, animoque agita-
 ta ad veritatem me peruenisse credo, eaque allaturū
 spero, quæ omnem prorsus dubitationem tollant,
 scriptis

scriptisque nostris stabilem fidem adiungant. Petimus igitur ab ijs, qui scripta hæc nostra in manus sument, ne susceptæ contrariæ opinionis, si forte menti hæsit, pertinaciter retinentes sint, candidoque animo rem mecum momentis suis ponderare ne grauentur. Principio cum tres omnino sint quærendi victus viæ, tresque rei familiaris tuendæ & augendæ rationes agricultura, opificium, mercatura, a duabus superioribus Genuenses & Ligures homines plane abstinebant. neque enim durum & asperum solum, regioque sterilis, nulliusque fere rei victui & quotidiano cultui necessariæ ferax agriculturæ magnopere locum dabat: & opificia tamquã sordidam rem & libero homine indignam aspernabantur; textrinaque & cetera sellulariorum artificia ab exteris Genuam ea de causa commigrantibus exercebantur. cuius rei etiam ætate nostra illa non leuia extant vestigia, quod textrinam facientes Tusci; rerumque ad muliebrem ornatum & ad elegantio rem cultum pertinentium opifices Mediolanenses vocantur, nominibus videlicet nationum, quæ eiusmodi opificia a Genuensibus spreta Genuæ exercebant, ad opificia ipsa translatis. Mercaturæ porro duo sunt genera, alterum, quod in re numaria, & scænebri tractada, pecuniarijs permutationibus faciendis, vectigalibus publicis conducendis, & exercendis uersatur. quarum rerum causa societates instituuntur, domiciliaque in exteris provincijs collocantur, a quo genere maiores nostri semper

per abhorrerunt, nullaque illis erant in alienis provincijs negotiationis mercatoriae domicilia praeter perpaucam in nonnullis maritimis urbibus ad ea, quae ad com meatus & maritima commercia expedienda pertinebant, instituta. Quo circa a ceteris omnibus exercitationibus, & quaestibus libera Genuensium opera tota in re nauali ponebatur, huicq. vni studio Genuensium ingenia erant intenta, atque huic vni operi & labori omnis illorum insudabat industria, cuius nemo omnino optimis illis temporibus expertus erat; simileque quiddam eius, quod in Romanis olim valebat, in Liguribus tum suscipi poterat, ut quemadmodum qui Romanus, idem miles esset, ita qui Ligur, idem quoque esset nauticus. Quo fiebat, ut quemadmodum nunc publicanis & opificibus urbem referam habemus, ita tum nautarum omnia plena essent; Genuensesq. homines, qui nunc extrinsecus, aut numulariam faciunt, omnes tum nauiculariae se dederent. Illud porro erat nauticae huius exercitationis genus, quod homines non minus bello quam nauticae industriae aptos faceret. nam cum quatuor tum populi mediterranei maris potentes essent Venetus, Genuensis, Pisanus, Catalanus, ingentesque classes singuli armarent, fiebat ut aemulae virtutis, & eiusdem professionis stimuli odia & inimicitias inter eas nationes alerent & incenderent, quae ipsas in armis perpetuo habebant, ac non classes modo ad bellum armatas sed naues etiam privatae negotiationis causa domo profectas

9
fectas preliis sæpenumero inter se cōmittebat; ad hoc
mare Pyratarum excursionibus & latrocinijs conti-
nenter infesto fiebat, vt illorum temporum negotia-
toribus altera manu clauus esset regendus, altera gla-
dius stringendus. quibus exercitationibus homines
assuefacti, quemadmodum ex bonis olim agricolis,
ita ex bonis tum nautis boni milites fiebant. quæ res
acriter in illam intuentibus admirationē illam de nu-
mero nautarum & bellatorum plane tollit, docetq.
liquido pro singulis nunc hominibus rei nauali ac
bellicæ aptis centenos tum Genuæ & in ora Ligusti-
ca numerari potuisse. Remigium porro, quæ res dif-
ficilis in primis nunc est, præsto & ad manus affatim
erat, cum infimi homines in suæ fortis ministerium
Reipublicæ operam nauare non grauarentur, cum
præsertim neque loris aut fuste cederentur liberi vide-
licet homines, ac voluntariam operam Reipublicæ
professi, neque ijs iniquitatibus, quibus nunc serui re-
mo alligati, vexarentur, neque grauior aut laborio-
sior esset remi, quam ligonis aut pectinis tractatio, fru-
ctuosissimusq; esset is quæstus præda & spolijs inter
omnes pro fortunæ & ministerij portione diuidi so-
litis; nullumq. fere aliud esset tenuiorum hominum
opus, quo vitam tolerarent. Nauiū vero numerus,
quæ altera fuerat maxima admirandi causa, multo
minus dubius esse potest, si quis cogitauerit, priuatā
negotiationem nō tum onerarijs & corbitis, vt nūc,
sed nauibus longis omnis generis fere exerceri soli-

tam. quarum maxima pars triremes erant, aut etiam
 maioris formæ Taridæ. Eæ a priuatis hominibus pri-
 uato sumptu parabantur, quarum ingētem fuisse nu-
 merum, haud dubitādū est, quippe quæ minoris on-
 ris capaces essent, onerariaque mediocris quatuor
 aut quinque & eo amplius triremiū onus uehat. quo
 fiebat, vt minor capacitas numero suppleretur, cum-
 que Patrum & nostra quoq; memoria plus centum
 quinquaginta onerarias in Ligustica ora ipsi videri-
 mus, quis sano iudicio vtens negauerit, plus sexcētas
 longas naues, quarum haud exigua pars triremes es-
 sent, in Ligustica ora, vt minimum fuisse? cum nullū
 esset tam exiguum oppidum ac tenue, quod non v-
 nam saltem aut alteram triremem armaret, id quod
 ex innumerabilibus annalium monumentis manife-
 ste apparet. quæ res eo etiam minus mira videri de-
 bet, quod longe minoris triremes quam onerariæ cō-
 stabant, tum cum nullus esset bombardarum vsus,
 neque seruis in remigium vteremur, quæ duæ res im-
 penso parantur pretio, illisque demptis minimi im-
 pendij sit præ oneraria & corbita triremis cōparatio
 & instructio. Neque vero ea nos moueat res, quod
 oram Ligusticam, id quod non in postremis mirum
 videbatur, non nisi minima ex parte imperio possi-
 debamus, quæ compluribus Dominis parebat. Om-
 nia enim Liguriæ oppida quæcumque Varo & Ma-
 cræ fluuijs interiectum accolunt mare, Cæsarū lege
 & decreto Ciuitati nostræ, cum instruēda & armāda
 esset

esset classis, contributa erant, graui fraude Dominis constituta fiduciario iure & dominatu excidendi, si impedimēto fuissent: & ipsi suis priuatim viribus infirmi singuli populi, atque ideo exterorū iniurijs obnoxij & expositi sese in fidem prepotentis Ciuitatis vltro tradebant, viresque cum illa libenter, nulloque adacti imperio cōiungebant, quæ ipsos, ipsorūq. cōmercia tuta redderet, quā rem olim maritimas Græciæ ciuitates fecisse accepimus viribus cum Atheniensi populo coniunctis, vti impotenti Lacedæmoniorū dominatu sese eximerejūt. Iam vero pecuniarū ratio, quæ perdifficilis & impedita semper fuit, vt nō parua atq; haud scio, an omnium maximam admi rationem, ita perfacilem habet respōsionem: neque enim ingentes illæ classes ære publico, nisi parua ex parte, parabantur, aut alebantur, sed a priuatis hominibus tam principis vrbis, quam ceterorum oppidorum armabantur, ac Reipublicæ commodabantur. quibus ciuitatis Magistratus Præfectos & Duces Genueses ciues præficiebat, quibusque ciuitas cū tempora Reipublicæ & vsus belli postulabāt, pro suis utebatur, omnibus certatim ac libenter vires conferentibus, cum non decus tantummodo, & officium, ac communis Patriæ charitas, sed priuatæ quoque vtilitatis ratio homines ad opcram Reipublicæ alacriter nauandam incitaret, quippe quod ex victorijs partibus hostilibusque conatibus compressis tutior & minus infesta redderetur priuata nauigatio. neque tum

om:

G 2 stipendijs

stipendijs merebant homines, sed gratuitam operā,
 quæ priuatim quoque utilis esset, Reipublicæ naua-
 bant. quod non nouum, neque primi fecerūt maio-
 res nostri, sed is mos uetustissimus fuit apud eos fere
 populos, qui impetu & non perseuerantia bella gere-
 bant, quemadmodum omnes erant maiorū nostrō-
 rum vnius ætatis expeditiones. Quare Romani mi-
 lites non prius stipendia acceperunt, quā vltimo bel-
 lo Veienti, quod fuit trecentis quin quaginta circiter
 annis post Romam conditam, quod crescente impē-
 rio bella diutius duci necesse esset, cum prius in bre-
 uibus illis expeditionibus gratis meruissent. Vt nemi-
 ni mirum videri debeat, illorum temporum Genuē-
 ses ciues bimestrem aut summum trimestrem operā,
 quæ in priuatam quoque vtilitatem tantopere redū-
 daret, Reipublicæ gratuitam haud grauate commo-
 dare solitos. Quæ singula si quis animo & cogitatio-
 ne circumspexerit, contrariam opinionem quamuis
 animo penitus cōprehensam facile ac non retractan-
 ter deponet, neque nos in Patriæ laudibus plus illius
 amoris indulgisse, quam veritati tribuisse existimabit.
 Longe autem omnium difficillima nostra ratio fuit;
 eoque iniquiore cōditione hoc opus agressi sumus,
 quam ceteri, qui ætate nostra simile argumētum tra-
 ctarunt, quod illi omnem terrarum orbem, omniū-
 que nationum, atque omnium professionum homi-
 nes amplexi materiam amplam & copiosam habue-
 runt, in qua ipsorum ingeniū & industria expatiari,
 ipso-

ipsorumque eloquentia posset excurrere, cum no-
 ster contra labor angustis finibus inclusus vna ciuita-
 te, atque vna natione terminetur. ad hoc illi nō vnū
 aliquod tantummodò clarorum virorum factum il-
 lustrandum susceperunt, sed simul illorum vitam, il-
 lorumque casus breuī narratione perstrixerunt; quo
 fit, vt opus tam varium, ac multiplex, totque veluti
 amœnitatibus refertum & distinctum miras habeat
 delectationes, iucundaque quadam suauitate legen-
 tium animos perfundat, cum nos, qui vitas exponē-
 das non suscepimus, neq; enim nobis illę præter pau-
 cas notæ esse potuerunt, quique in eodem fere argu-
 mento in singulis classibus versamur, quibusq; de re-
 bus tanta similitudine inter se coniunctis, vt eadē pe-
 ne esse videantur, perpetuo scribendum fuit, tantū
 abest, vt vlla varietate animos legentium tenere nos
 posse speremus, vt præclare nobiscum actū putemus,
 si satietatem vitauerimus. Petimus igitur ab ijs, qui
 scripta hæc nostra legere non grauabuntur, ne quod
 in re ipsa est incommodum, id ingenij vitio & oratio-
 nis ieiunitati tribuant. quam rem nos ab illorū æqui-
 tate facile impetraturos confidimus, si in scripta no-
 stra perpendenda animum acriter intenderint. Ne-
 mini autem quam tibi Ioannes Andrea hoc opus in-
 scribi verius fuit. neque enim vllius familiæ virtus in
 patriæ salute & dignitate tuenda & amplificanda ma-
 gis quam gentis Aurię eluxit, aut maiora sunt omniū
 temporum in patriam merita; pluraque in hoc opere

Aurię

Auriæ quam ceterarum familiarum Elogia legentur. Ex ipsius porro Aurijs multis de causis te potissimum delegi, cui libellum hunc nuncuparem. nam plus priuata domui tuæ, quam ceteris Aurijs ciuitas nostra debet ab Andrea patruo magno tuo tanto, tamque immortalis beneficio affecta; & tu is extitisti, qui in ipso ineuntis adolescentiæ flore tot maiorum indolem præclaris cōsilijs, fortitudinis, virtutis multis locis editis facinoribus explesseris. Vt gentis Auriæ numquā senescens gloria nunc cum maxime in te uiuat, ac vi-geat: appareatque te non minora ornamenta maiorum tuorum nomini, si vita suppetet, redditurū, quā quantum ipse ab illorum memoria acceperis splendoris. Accedunt egregia tua in me merita, suscepraque salutis & afflictæ fortunæ meæ propugnatio, ut tantā in me tuendo atque ornando voluntatis tuæ significationem sempiterna recordatione mihi colendam intelligam. Si quis autem huius nostri laboris futurus est fructus, eius gratia non tam mihi, quā viro amplissimo Hippolyto Estio Cardinali Ferrariensi debetur. Cuius, ut omittam in præsentia reliquas præstantes virtutes, atque eximias ingenij & prudentiæ laudes Italiæ & Galliæ, atque adeo toti Europæ in multis ac grauib. Reipublicæ partibus administrandis cognitæ & perspectas, Regia liberalitas cū in omni magnificentiæ genere sese copiose ostēdit, tum vero in præclaris artibus fouendis & amplectendis veluti clarissimum lumē in his sæculi tenebris elucet, eiusque domus

mus omnium hominum egregia aliqua in re præstan-
 tium, in primis vero doctrinæ & eloquentiæ gloria cō-
 mendatorum receptaculum semper fuit. in quibus il-
 le mea studia complexus, meque in familiarium nume-
 rum receptum liberalitate sua sustentat. Utigitur ad
 inceptum redeā, is est a nobis ordo seruatus, vt prin-
 cipem locum obtineāt ij, qui ob Diuinas virtutes in
 Beatorum sedes recepti sunt, quique ad summum re-
 rum humanarum fastigium & imperiū peruenerunt;
 proximum ab ijs illi, qui bellica laude sunt insignes.
 hos consequentur ciuiliū artium, & literarū glō-
 ria clari. Postremi erunt ij, qui opibus suis ad magnā
 amplitudinem, & populorum dominatum perue-
 nerunt.

DE IIS QVI IN DIVORVM
 NVMERVM SVNT RELATI
 QVIQVE AD SVMMVM
 RERV FASTIGIVM
 PERVENERVNT.



DIVI FELIX. SYRVS. VALENTINVS.
 ROMVLVS.



Quibus felicioribus augustioribusue
 initijs nostra Clarorum Ligurum Elo-
 gia, quam a cælestibus & Diuinis viris
 auspicari possumus? Docuerunt Felix,
 Syrus, Valentinus, Romulus Genuen-
 sis Vrbis ciues iidemq. Pontifices in Beatorû sedes re-
 cepti, Genuensium hominum virtutem nō humanis
 tantū rebus fluxis & caducis, ac vitæ huius gloriâ bre-
 ui interitura terminari, sed cælum ipsum cōscendere.
 Horum virorum continentia, innocentia, pietas, rel-
 ligio, perpetuusque vitæ cursus ab omni vitiorû con-
 tagione puræ atque integræ quâ Diuino Numini sue-
 rit acceptus, illud ipsum Numē multis insignibus mi-
 raculis declarauit, quæ per viros sanctissimos nō vi-
 uentes

PRINCIPES:

17

uentes modo, sed post eorum quoque obitum edidit. Siquidem eorum subito contactu complures a grauissimis & insanabilibus morbis sæpenumero liberatos constat.

FVLVII CARDVLI.

*Ante potens opibus Genua, & victricibus armis
Implebat terras nomine & alta suo.
Sanctorum nunc illa parens sæcunda virorum
Implebit terras nomine, prole polum.*

DIVVS DESIDERIVS.

AT Desiderij laudes ideo a ceteris separandæ fuerunt, ac suo ipsæ Elogio decorandæ, quod ad superiorum virtutes, ac miraculorum splendorē, quibus nō minus ipse quoque clarus fuit, multa eximia addita sunt, quibus sanctissimi viri gloria præfulget. In ignobili enim pago prope Genuam urbē ortus a Lingonibus Galliæ populis, quos nunc Burgūdos appellamus, tanto terrarum tractu ad Pontificatum ascitus est, cum illis de pastore in demortui locū sufficiendo sollicitis Diuinum responsum clarissimis verbis redditum esset, Desiderium Episcopum lōge alia regione illis esse quærendum. In quem diu errabundi, atque ignari, quem Desiderium, aut quo loco peterent, cum eodem ipso Numine Duce tandē

D inci-

incidissent, Diuino mandato exposito, ab aratro ad Pontificatum translatus est Desiderius. cuius in commisso populo regēdo ita omnia Pastoralis muneris, multiplicisq. ac Diuinæ virtutis officia constiterunt, vt Lingones ad nostra vsque tempora viri Sancti memoriam omni veneratione colentes Desiderium cū Apostolorum ipsorum fere laudibus coniungere nō dubitent, neque id ea solū de causā, quod pro Christiana religione cōfistenda & defendenda extremū supplicium fortissime subiit, omnibus prius intolerandis patientiæ humanæ cruciatibus ab immanissimis Barbaris laceratus, sed quod ex indocto agricola, omnisq. eruditionis experte, atque in omni literarū genere ita rudi, vt ne prima quidem elemēta nosset, subito clarissimus Diuinæ legis Doctor, ac sacrorum Mysteriorum egregius interpres euaserit; doctri-
na videlicet purissimæ menti, id quod post ipsos Apostolos aut nulli, aut quampaucissimis accidit, Diuinitus indita.

P E T R I M A G N I.

*Quis Desiderio similis? quem rure paterno
Ignotum sibi Rectorem Burgundia poscit?
Quem non peruigili studio, non arte magistra
Erudere homines, sed cælo infusus ab alio
Spiritus omnigenas docuit Diuinitus artes.*

I N N O.

INNOCENTIUS QUARTUS.

Proximum a viris Diuinis locum tenent ij, qui ip-
sius Diuini Numinis locum & potestatem inter
mortales obtinuerunt. In quibus Innocentius Quar-
tus e nobili Fliscorum gente vetusto Lauanien-
tum titulo insigni multorum Romanorum Pontificum
laudes, quorum pietas & prudentia in Republica ge-
renda enituit, profecto superauit. Siquidem illorum
duntaxat viuentium merita rebus Ecclesie profuerunt,
Innocentij uirtus & ingenium non viuentis modo,
sed mortui quoque omnibus seculorum ætatibus Pon-
tificio solio summo vsui & decori fuit, atque erit. Et
multorum nomen alterutra tantum laude, hoc est, vel
virtutis & probitatis, vel doctrinæ fere clarum est; in
Innocentio eximia utraque res fuit. nam nemo illo
acrior Pontificiæ & Sacerdotalis dignitatis ac liber-
tatis propugnator & assertor fuit; illiusque potentissi-
mis oppugnationibus constantius restitit, quippe qui
priuatæ necessitudinis causis Rempublicam præferens
Fridericum secundo rerum cursu elatum immodi-
cisq. fortunæ opibus inflatum in res Ecclesiæ grassan-
tem compescuit, quem in concilio Lugdunensi gra-
uissimis criminibus accusatum, & compertum e pio-
rum cœtu exterminauit; tandemq. ad erroris reco-
gnouendi, veniæq. efflagitandæ necessitatem adegit.
Ingenio vero & doctrina, quæ non uiuo illo tantum

viguit, sed litterarum monumentis æternitati cōse-
crata est, ita Pōtificias leges illustravit, vt nullius au-
dioritas ad hæc vsque tempora in forēsibus caussis sa-
crarumq. rerum iudicijs maioris esse ponderis existi-
metur. Quibus ille virtutibus & meritis id assecutus
est, vt Friderico mortuo nobilissimum & opulentissi-
mum Neapolitanum Regnum in Romanæ Ecclesiæ
imperium cessurum fuerit summa Procerum volun-
tate. qua de caussa cum Neapolim sese cōtulisset, mul-
tæq. iam vrbes atque oppida in illius ditionem & po-
testatem venissent, luctuoso Romanæ Ecclesiæ fato
tantarum rerum inchoata & ad exitum haud dubie
perducenda initia eius obitu conciderunt; tantæq.
gloriæ cursus est interruptus.

P E T R I M A G N I.

*Elisee decus, patriæ Gbssli gregis optime vindex.
Iustitiæ legumque opifex, terrorque Tyranni.
Te Capuæ soboles, te pulchra Neapolis unum
Inuocat, agnoscitque Ducem, ni linquere terras,
Ni partum meritis properes ascendre olympum.*

H A D R I A N V S Q V I N C T V S .

Gentilis decoris æmulus profecto faturus fuit Ha-
drianus Quinctus eadem Fliscorum familia ori-
tus, atque Innocētij Patruī memorię non minori or-
namento

namento virtute sua futurus, quā quantum ipse ab illius gloria commendaretur. Ea enim in Cardinalatu sui documenta dederat, is in grauibus & arduis negotijs tractandis, maximis legationibus obeundis extiterat, ut quem immensæ opes, atque ingentis patruī venerabile nomen cōspectum faciebat, eundem virtutis & ingenij fama longe faceret conspectiorē; magnique ac iusti Principis in illo indoles appareret, si præclara consilia explicare potuisset, ac ni fata tātā commotam expectationem in ipso Pōtificatus limine præcidissent, Hadriano intra quadagesimū diem sublato.

*Te ostendere, simul rapueruntque inuida fata,
Nec gentile sinunt Elisæe referre decus.*

NICOLAVS QVINCTVS.

EO magis in Nicolao Quinto præstantium virtutum & ingenij gloria suspicienda est, quod is nullo maiorum splendore commendatus, nullisque fortunæ opibus subnixus, sed suis ipse meritorū momentis ad celsissimam illam honoris & dignitatis sedem conscendit. Ex oppido enim Sergiano eius Liguriæ regionis, quam Lunensem vocant, loco ita obscuro ortus est, ut nomen familiæ ignoraretur, nullumq. esset gentis insigne, ab oppidoq. Thomas Sergianus appellaretur: Pontifexq. factus claus Pontificiās

ficias pro gentili insigni ediderit. Thomas igitur cū litterarum studijs sese dedidisset, eos in omni genere eruditionis progressus fecit, vt docēdi munus illi publice sit mandatum. in quo multa cum ingenij & doctrinæ laude aliquandiu versatus Romam ad amplioris fortunæ initia Numine ducente commigravit. In qua vrbe viri industria ab inferioribus procurationibus exorsa per omnes munerum gradus breui in notitiæ & familiaritatis iura apud Eugenium peruenit. a quo multas & graues Reipublicæ partes sibi mandatas magna cum prudentiæ, & integritatis ac doctrinæ laude sustinuit. Nam doctrinæ clarissimum specimē in concilio Florentino eluxit in controuersijs de religionis rebus inter Latinos & Græcos. Et prudentiam ostenderunt duæ Legationes, altera in Germaniam ad Schisma tollēdum Germanosq. qui medios se se inter Eugenium & Felicem gerendo neutras partes profitebantur, ad Eugenium colendum traducēdos; altera Ferrariam ad pacem inter Principes Italos, quorum Legati in eam urbē conuenerant, componendam. Quæ vtræque legatio quāuis effectu caruerit, tamen omnia illarum munera Thomā cumulate impleſſe declarauit summus honor redcūti a Pōtifice habitus, qui aduenientem in sacrum Senatū legit amplissimi ordinis uestibus & insignibus illi ad portam missis, vt illis cōspectus Urbem ingrederetur. Quam rem Diuino consilio factam credo, vt vterque honos ipsius Pontificatui reseruaretur. Ad quē mox peruenit

peruenit mortuo Eugenio succedens. In qua re duo fuerunt ad omnem posteritatis memoriam insignia; alterum incredibilis modérationis ac neutiquā vulgatæ virtutis specimen, quod retractans ac diu recusans ad Pontificatum a Cardinalibus pertractus est, cum sese tantò munerì parem cōstanter negaret, Cardinalesq. sedulo moneret, vt rebus Ecclesiæ melius consulerent; alterum quod anni curriculo ex priuata sorte ad episcopatū Bononiensem, Cardinalatus honorem, & Pontificatum Maximum peruenit, benigni Numinis fauore virtutum & meritorum gratiā prosequente. Tantam clarissimis virtutibus excitatam expectationē Pontificatus egregie sustinuit. in quo quæ plurima edidit documenta pietatis, religionis, continentię, māsuetudinis, iustitię, comitatis, in primis vero multiplicis liberalitatis in egentium inopia subleuanda, in magnificis sacrarū ædium & alijs substruccionibus, in amplissimis templorum donarijs, in litterarum studijs fouendis, in prestantium virorū ingenijs amplectēdis, ac præmijs & honoribus extolendis; diligentię vero, consilij, prudentię in schismate extinguendo, intermissisque pacis consilijs repetēdis, & ad exitum perducendis, hæc singula persequi infiniti & superuacanei operis fuerit, cum omnia ex historijs, cuiusq. vita cognosci possint. obiisse vir pius constanter creditus est mœrore ex Constantinopoli a Turcis capta confectus.

IOANNIS BAPTISTAE FONTEII
PRIMIONIS.

Obscuri generis cum falsa insignia Thomas
 Magnanime, ac fastustemneret arma levis,
 E cælo virtus, sic fies nobilis, inquit:
 Iam cape clauigeri stemmata sola Petri.
 Tum sacro tristes deiecit culmine mores
 Vox Quin& tum ingeminans optima Nicoleon.
 Non docto ignaros potis exul gratia turpis,
 Pontificiue malos insinuare probō.
 Illius ornarunt ergo inclyta tempora Regum
 Hinc pietas, illinc ars noua chalcotypa.

XYSTVS QVARTVS

ADmirales multiplicesque Xysti Quarti laudes eg-
 fuerunt, vt in illo ornando cum Diuina volun-
 tate Natura conspirasse videatur. adeo omnia bona
 in illum cumulate congesta sunt. Diuini enim numi
 nis benignitas hominem ad summū rerum fastigiū,
 extulit. neque ea res fortunæ est assignanda, quin po-
 tius ipse suo sibi ingenio & industria fortunam fecis-
 se dicendus est. Quippe qui Cellis obscuro Ligusticę
 oræ Vico Ciue Saonēsi in tenui & humili sorte ortus,
 quamuis gens Roboreia nobilis ac peruetusta sit ex
 subalpinis Taurinis oriunda, vnde maiores Xysti
 Saonam commigrarunt, in eaque Vrbe Sedes ac do-
 micilium

micilium sibi constituerunt. humili igitur loco ortus
 Xistus, atque in Franciscanorum disciplinam pueri-
 tiæ annos nondum egressus a parentibus traditus,
 ac cum in ætatem venit, Franciscana instituta ex vo-
 to professus, tantam animi contentionem in sapien-
 tiæ & sacræ doctrinæ studijs adhibuit, vt breui ad at-
 tissimū in illis famæ & gloriæ locum perueniret; ado-
 lescentiamque nondum egressus docēdi publice im-
 positum munus in celeberrimis Italiæ Gymnasijs ea
 cum ingenij & doctrinæ laude exercuit, vt fama no-
 minis sui omnem Christianum orbē impleret. quod
 non viui tantum enituit; sed eo quoque mortuo vi-
 uit ac vigeat doctissimis scriptis æternitati consecra-
 tum. Vniuersi denique Franciscani ordinis summus
 Minister creat⁹ viuidi animi impetu ad maxima quæ-
 que illum ducente, ac viam expediente, breui tempō-
 ris curriculo a primo hoc honoris initiū gradu, Cardī-
 nalatus titulo medio, ad summum Pontificatū ascen-
 derit. At Natura acerrimam ac prope Diuinam inge-
 nij vim, eximiam animi magnitudinem, Regiam ma-
 gnificentiam & liberalitatem, singularem religionē
 dedit. Quarum virtutum cum in omni vita tum vero
 in Pontificatu innumerabilia edita sunt documenta.
 Atque ingenium quidem in doctrinæ studijs, vt dixi-
 mus, in primis apparuit. animi vero magnitudo ac
 pietas cū in ipso statim initio tum in toto Pontificatu
 conspecta est, cū omnes curas & cogitationes in Tur-
 carum impetus compescendos contulit, legatis ipsis



Senatus luminibus in omnes Europæ provincias cir-
cummissis ad dissidentes Regum Christianorum ani-
mos inter se conciliandos, atque in Turcam incitan-
dos, foederēq. cum Venetis & cum Neapolitano Re-
ge sancto compluribus expeditionibus in Turcas cū
infinito sumptu factis; & cum dignitatis Pontificij so-
lij constantissimus ac perpetuus assertor fuit, contem-
ptusq. sui acerrimus vindex, grauissimis bellis ea de
caussa tam contra exteros Principes, quam contra
contumaces ac parum imperijs obediētes susceptis.
Regia vero magnificētia cum summa religione con-
iuncta eluxit cum in pauperum inopia subleuanda;
xenodochijs reficiendis, & amplissimis vectigalibus
dotandis, litteratis hominibus amplectendis ac fortu-
nis honestandis, amicis ditandis, beneficijs etiā in hū-
miliore fortuna acceptis ac meritis vel tenuissimis lar-
ge remunerandis illorum memoriā grato animo lon-
ge repetēdo, tum vero in immanibus sacrarum ædiū,
bibliothecarum, pontium alijsq. publicis exstructio-
nibus, quibus Urbem exornauit, ac veluti e cœno &
sordibus extractam in augustam speciem redegit vijs
etiam directis & stratis. Vt iure in bibliotheca vatica-
na hoc carmen eius imagini subscriptum sit.



*Templa, domum expositis, vicos, fora, mœnia, pontem,
Vir gineam Trivia quod repararis aquam,
Prisca licet nautis statuas dare comoda portus,*

Et

Et Vaticanum cingere Xyste iugum,
 Plus tamen vrbs debet. nam quæ squalore iacebat,
 Cernitur in celebri bibliopæca loco.

INNOCENTIVS OCTAVVS.

Innocentium octauum e nobili gēte Cibo modera-
 tionis, clementiæ, animi ab omni contentione re-
 moti ac pacis & concordiæ studiosi famâ ad Pontifi-
 catus Maximi honorem omnium humanorum altis-
 simum extulit. quem ille iisdem artibus exercuit, quî-
 bus per omnes honorum gradus conscendens adep-
 tus est. Duæ enim inter se contrariæ insignesque vir-
 tutes in eodem ornando conuenerunt, summa seu-
 ritas, & ea, quam diximus, eximia clementia. nam ne-
 mo acrius maleficia puniuit, sub nulloque Pontifice
 Vrbs pacatior aut quietior fuit, minusque furtis, cædi-
 bus, maleficijs infesta; ingenio vero ita miti ac clemē-
 ti fuit, ut Ioannem Baluum Cardinalem Andegauen-
 sem ab ipsomet in Senatū lectum, a quo per summā
 perfidiam oppugnatus est, quippe qui concilium cō-
 tra ipsum constare studuerit, tantæ iniuriæ oblitus ve-
 niam petentem nihil retractans in gratiam receperit.
 Ut merito nullius Pontificis mors ex multorum sæcu-
 lorū memoria maiori luctui ac mœrori, totī Aulæ om-
 nibusque pijs fuerit; cum ob incredibilem humani-
 tatem, morumque suauitatem, ac singularem innocē-
 tiā omnibus summis, & infimis æque charus ac vene-

rabilis esset. Initia Pontificatus nonnihil inquieta & infesta habuit ad bellum Neapolitanū a Proceribus illius Regni attractus, inani spe ostensa Ditionis & dignitatis Pontificiæ amplificandæ. qua spe elusus molestum negotiū, ab ipsiusq. natura & professione alienum mox deposuit; posteaque ab omni amorū tractatione perpetuo abhorruit; totaque Pontificatus mens fuit, pacem & concordiam inter Christianos Principes conciliare. in quibus in Turcas Christiana Regna occupantes assidue incitandis, nullum umquam optimi parentis, ac seduli Pastoris officium prætermisit.

POMPEII ARNOLPHINI.

Suscepta inuito posuit bella, aspera bella

Sponte sua, & pacis nobile struxit opus.

Scilicet ut Christi melius defenderet agnos

Tutius & niueas pascere posset oves.

Quin etiam procul a stabulis gregesque rapaces

Arcuit, & rabidos monstra inimica lupos;

Innocuosque cibos pecori, fontesque salubres

Præbuit, Ambrosios nunc capit ipse cibos.

IULIUS SECVNDVS.

EGo vero te clarissimum Italiæ lumē Iulī Maxime, quem eadem, quæ Xystum patrum Robore regens tulit, quo nomine appellem, incertum habeo;

tot illud meritorum ac multiplicis virtutis tituli insigni faciunt. An Italicę libertatis acerrimum vindicę vocem? an Pontificię dignitatis constantissimū propugnatorem? an Sacerdotalis dignitatis perpetuum assertorem? an Ditionis Romanę Ecclesię omnis fere amissę recuperatorem? an Pontificij imperij propagatorem duabus opulentissimis & nobilissimis Cispadanę Gallię vrbibus Parma & Placentia illi adiectis? Quid vero magis miremur, rerum ne gestarum magnitudinem, an Diuinam & multiplicem in illis gerendis virtutem, tot consilij, fortitudinis, audaciz, cōstantię, animi nullis terroribus infracti, nullisque periculis vñquam deterriti editis exemplis? Nec minor cōtinentię animiq. ab omni sordeliberi laus, quam Heroica hęc virtus ac rerum gestarum gloria nomen tuum commendat, qui bonorum publicorū tam diligens & relligiosus custos & conseruator fueris, nullis vñquā largitionibus in tuos factis. Iam vero innumere cum omnis generis, tum in primis arcium substructiones Regio sumptu excitatę, quibus Ditionem Pontificiam vbique firmasti & ornasti, quę tandem gloriam nomini tuo conciliant? in quibus Vaticanum templum a fundamentis excitatum, quod contemplantium animos horrore perfundit, declarant, te Romanam animorum magnitudinē, quę duabus rebus, hoc est virtute bello inuicta, atque immanium substructionum portentosa specie in primis cōspecta est, hac quoque parte tanto sæculorum intervallo

uallo vnum nobis rettulisse. Beatum vero Italiam, ac beatum Pontificium solium, in quod augendū & ornandum omnes curas perpetuo intendisti, nisi nos Diuina virtute tua humanæ cōditionis necessitas nimis cito orbasset. Profecto ad summum aliquod rerū fastigium illud extulisses. quā rē te moliri, incredibilis animi tui magnitudo, ardensq. Patrię charitas haud dubium faciebat. Vno igitur nomine laudes tuas cōplectar: teque Italię ac Romanę Ecclesię parentem iure nominabo; omnisque nobis ac posteris nostris tātis a te beneficijs acceptis ætaserit in meritis ac laudibus tuis prædicandis, memoriaque tua veluti Numinis cuiusdam colenda.

P E T R I M A G N I

*Iulus haud vlli Ligurum virtute secundus,
Seu pacem, seu bella gerens, acerrimus hostis
Desidię, probrique vrbes ditione tuetur,
Amissas recipit, captas inflaurat, et auget,
Inuictus, solters, obseruantissimus æqui.*

AELIVS PERTINAX.

S Acrosanctos Christi Vicarios subsequuntur ij, qui ad summum rerum humanarum fastigium, atque ad orbis terrarum imperium elati sunt. quod Aelio Pertinaci in Martis villa haud procul a vadis Sabatijs humili

humili loco orto virtus per omnes publicorum mun-
nerum ac militiæ gradus & dedit & ademit. Optimū
enim Principem ac priscam disciplinā seueritate, par
firmos, continentia, iustitia longo intervallo referē
tem cum corrupta sæcula non ferrent, Pratoriani cō
scelerata conspiratione interfecerunt, cum quinque
& octoginta tantum dies in imperio fuisset. Ceterū
clarissimarum virtutum memoria Diuinitate a Sena-
tu decreta, flamineque & Aelianis sodalibus additis
decorata est.

ANTONII VACCAE.

*Sancte senex, sub quo antiquis virtutibus olim
Romanam rem restitui, quæ sæda iacebat,
Et collapsa malis, spes certa illuxerat orbi.
Quid prius, aut quid posterius mirarier in te
Mens valeat, tamquam solis stupefacta nitore?
An suprema loco ex humili ad fastigia uectum
Te referam? an corpus tolerans animumque laborum
Cunctorum? an parcam & sollertem ante omnia vitam?
Ut tibi auaritiæ nomen inureret id, quod
Laus propria atque bono virtus in Principe habetur.
Tu leges, tu militiam, tu munera pacis,
Ac belli, tu iustitiæ & pietatis honorem
(Quod caput est) Princeps sic & priuatus obisti,
Sanctius ut nemo quam tu, aut sollertius umquam.*

Inuidia

Invidia ingratis velut ignis alta penetrans
 Testata id scelere est, testatur gloria gratis,
 Immortale tibi servans per sæcula nomen.
 Illa necem, hæc desiderium, famamque rependit
 Aeternam, ac tantum se auget, quantum illa senescit.
 Propensi in Ligures salve decus Apennini.
 Quo se cumque addant natæ ad miracula gentis.
 Temporis exigui imperio qui plura dedisti,
 Et maiora, alij multo quam tempore multi.
 Fortuna ab tenui tibi scilicet imperitare
 Nec mala per frangi teneris bene doctus ab annis;
 Dum fortis tendis, dumque assuetudine uincis.
 Vnde tibi ex vero et dictum cognomen adhæret.
 Nempe bonæ exemplum ut patriæ moremque secutus
 Cunctorum fieres meritis composque bonorum,
 Perpetuaque ausint petere idem sorte nepotes.

CHRISTOPHORVS COLVMBVS.

Salve Ligurum ac Genuæ Patriæ sempiternum de
 Scus Christophore Columbe. Salve ex omniū gen
 tium & sæculorum memoria mortalium longe prin
 ceps (eos viros semper excipio, quos pietas ac Chri
 stiana religio caste sancteque culta in beatorum su
 stulit sedes) si te mortali nomine vocare volumus.
 nam si veterum more fabulari liberet, atque ad eorū
 instituta nos accommodare fas esset, cæleste ingeniū
 &

& Diuina in hominum genus beneficia te ex mortaliū sorte eximere, & in Deorum sedibus locare dicemus. in quibus tibi tanto augustiorē & celsiorē locum, quam Libero, Herculi, Aesculapio, & ceteris, quos antiquitas accepta beneficia grata recordatione remunerans in cælum extulit, iure daremus, quanto immensius ac Diuinius virtutis opus fuit, nouum atque alterum orbem inuenisse, quam inuentum legibus, institutis, varijsque artibus excoluisse. Quinetiā si quis rem vere existimare velit, non vnus tantū orbis, sed duorum inuentor fuisse dicendus es. neque enim minus illi inuento a te orbi, nostrum orbem, quam nostro illum adiecisti: nec minus illius incolis nostrum, quam nobis illorum orbem aperuisti, & in lucem protulisti. Sed is quoque laudibus, quibus veterum Heroum nomen ac fama cælum conscendit, tantum abest, vt careas, vt illos etiam longē superes. Cum vterque orbis summa tibi beneficia sigillatim debeat; ille, quod Christiana religione humanæ salutis præside, nostrisq. moribus atque artibus in illum inductis innumeris nationibus iter ad sempiternam beatitudinem patefecisti, illasque ad hūc humanum cultum traduxisti; atque vt immanem feritatem exure humanitatē induerent, fecisti. quo beneficio nulum excogitari potest maius. at noster, quod tantorum commerciorum ac tantarum opum, quātas ne Romani quidem ipsi omnibus triumphis suis in Italiam congefserunt; nos compotes feceris, eo etiā mā-

iore cum emolumento, quod opes a Romanis inue-
 ctæ breui finem inuenerunt, cum orbe perdomito vi-
 ctoriarum ac triumphorum materies defuit. at quæ
 te auctore continenter importatur auri & argenti im-
 manis vis, nullis sæculis exhaurietur. Iam vero quan-
 tum Deus immortalis ingēnium meritorum gratiam
 cumulant ea, quæ in præclaro consilio exequendo
 pertulisti? ad quæ ut mentem & cogitationem cōuen-
 tamus, cuius animus non horreat immentos a te ex-
 haustos labores? cæli iniurias, atrocissimas tempesta-
 res, quibus sæpe pene es obrutus? assiduas vigilias,
 quibus vsum luminum sæpe amisisti? prælia cū bar-
 baris & ignotis gentibus commissæ amicorum & so-
 ciorum infidelitates, quibus perpetuo conflictatus
 es? partim ab illis in medijs discriminibus satietate
 & tedio deficientibus desertus, partim insidijs & cō-
 sceleratis conspirationibus appetitus? inuidorum &
 obtrectatorum perpetuas calumnias, quæ te rerum
 gerendarum cursu interrupto ad causam dicendam
 tanto maris ac terrarum tractu in Hispaniam nonnū-
 quam auocarunt? Aduersus quæ omnia inuicta stetit
 virtus tua; omnesq. hominum & cæli iniurias viu-
 da vi sua prostrauit & perfregit. Quas res si quis ani-
 mo circumspiciat, ac momentis suis ponderet, profe-
 cto statuatur, tantarum rerum gestarum tantorumque
 meritorum non maiorem gratiam sollertis ac Diuini
 ingenij aciei, quam solidæ ac constanti virtuti a pos-
 teritate deberi. Ac ne quid tibi de summis laudibus
 decisset,

decesset, Patriæ charitas, quam etiam extremo spiritu
 retinuisti, Diuinarum virtutum gloriam comitatur.
 quippe qui amplissimarum opum tuis laboribus par-
 tarum decumam partem Reipublicæ Genuësi legaue-
 ris, id quod Antonius Gallus egregius historiari scri-
 ptor, qui æqualis illorum temporum fuit, quique vi-
 tam tuam conscripsit, testatur. Nullarum igitur gen-
 tium nullorumue temporum gloria tuæ æquabitur.
 quæ eo etiam est celebrior, quod ceterorum homi-
 num nomen & merita angustis Herculei freti termi-
 nis includuntur, tua fama tuaque beneficia vtrūque
 orbem complexa, nullisque coercita finibus omnes
 maris ac terrarum tractus, omniaque cæli climata ma-
 gnitudine sua complerunt.

**HIPPOLITI CAPILVPII EPISCOPI
 PHANENSIS.**

O Ligur Italiæ decus, & lux certa Columbe,

Heu breuis extinxi te quoque testa capit.

Te modo non potuit terras qui amplectitur omnes

Oceanus magno continuisse sinu.

Illius es fines ultra rate vedius ad Indos

Quo prius band pennis fama tetendit iter.

F 2 DE

DE VIRIS MILITARI
VIRITUTE
ILLVSTRIBVS.



POPVLVS GENVENSIS.



Nunc huius quoq; secundæ classis, quâ militari virtuti assignauimus, splendidius exordium, quam a pietate & religione duci potuit. Bellica enim Genuensium virtus non modo ad gloriâ nomini conciliandam, & ad Rempublicam tutandam atq; amplificandam valuit, sed quod longe præstabilius est, in Christiana religione propaganda in primis conspecta est. Genuenses enim classe & viribus cum Pisanis coniunctis (neque enim quamuis æmulum populû debite laudis præconio fraudare candoris nostri fuerit) Genuenses igitur Pisanis adiunctis Sardiniam insulam perdomuerunt Mosaitoque Rege Mauro victo ac capto, Genuamque adducto, atque inde ad Cæsarem misso non modo tantâ insulam ditioni cû Pisanis communicatę adiecerunt, quæ res postea (vt parum fida parumque stabilis imperij societas semper fuit) præpotentes & vicinos populos diuturnis inter-

internecinisque bellis inter se commisit, verum, quæ longe præstantior meriti gratia fuit, impia Mahumetana superstitione exterminata Christianam religionem in eam insulam induxerunt. Qui Dux tantæ rei gerendæ præfuerit temporum vitio, quæ diligenti scriptore caruerunt, incognitum est. quæ res in bonum vertere cõlenda est, vt tanta laus Cunctæ Ciuitatis cõmunis potius sit, quàm vni nominatim viro, aut vni familiæ assignetur. Neque nos ullo modo hanc historiam omittere debuimus. nam præterquam quod in patriam ipsam ingrati & iniuriosi plane fuisset, si qui tot Ciuium nostrorum virtutem suis sigillatim laudibus pro cuiusque merito persecuti sumus, vniuersam ipsam Ciuitatem debito præconio præterisset, priuatam quoque singulorum gloriã haud parum imminuisse existimaremur. quæ mirum quantũ a Ciuitatis dignitate augeatur & illustretur.

FVLVI CARDVLI.

Subicit imperio ac cælo populosque feroces

Vrbs Ligurum princeps, magnanimosque Duces.

Dicere sic non est, fuerit studysne Gradiui,

An Christi maior religione Ligur,

G V L I E L M Y S E M B R I A C V S,

Nobilis & peruetusta Embriacorum gens fatali humanarum rerum conditione extincta quidē est, ceterum gloria viget, ac perpetuo vigeat clarorum virorum, quos permultos tulit, laboribus & rebus gestis immortalitati consecrata. quorum virtus cū multis locis enituit, tum vero in bello sacro maxime conspecta est. in quo Gulielmi nomen in primis clarum fuit. qui praevalidae Genuensis classis Praefectus cum classe in terram subducta ipse cum omnibus tam militum quam sociorum navalium copijs, omni bellico apparatu & machinarum genere, quibus rebus classis instructissima fuit, ad exercitum sacrae Urbis circumfidentem se contulisset, fortissimam operam Christianae Reipublice nauavit; magnaue in illo & in adductis copijs toto oppugnationis tempore opportunitatis pars, plurimusque usus rebus gerendis fuit. Eius enim in primis consilio, Genuensiumque opera & industria sacram urbem captam non Genuensium modo Annales, sed exteri quoque illarum rerum, illorumque temporum scriptores tradunt, turri ingentis magnitudinis mirique artificij ipso auctore & Genuensium industria fabricata, cuius cacumen cū libuisset, flecteretur, stabilisque pontis usum pugnantibus preberet. ex qua moenibus admota in Urbem transcensum est; illaque tandē Christiani potiti sunt.

A N-

ANGELI FOSCARDI.

Discite nostra viri bello quos parturit ætas,
 Infestum Christo vincere posse genus,
 Huius nam tandem indefesso pectore & armis
 Sancta olim nobis reddita terra fuit
 Turribus & ponte superatis oppida muris
 Sternere quem docuit religionis amor.

ANSA LDVS ET HVGO EMBRIACI

Glielmi gloriâ Anfaldus & Hugo Embriaci fra-
 tres gentilis virtutis æmulj rebus a se gestis sub-
 secuti sunt. incredibilique huius gentis felicitate fa-
 ctum est, vt cum bellica virtute pietatis quoq; & reli-
 gionis commendatio coniungeretur. Hi etenim vi-
 ri classis septuaginta triremium Præfecti præter mul-
 ta alia insignia edita facinora urbem Biblium in Phœ-
 nicia ad deditionis necessitatem adactam Gentien-
 sitioni adiecerunt. Quæ amborum & ceterorû Em-
 briacorum merita amplissimis præmijs Patria remu-
 neranda duxit, omnibus urbibus atq; oppidis, quæ in
 ora Syriæ possidebat, Embriacorum virtute in primis
 partis, nobilissimæ genti omniq; posteritati fiducia-
 rijs concessis.

.FVLVII CARDVLLA

Vestra quoque Embriacæ genti, patriæque pararunt
 Ansalde atque Hugo facta perenne decus.
 Publica nos pietas senos gemit in hostes;
 Credidit & fidei robur, opesque suas.
 Tum vires Ligurum & validas Phœnicia pappes
 Sensit, & Embriacum nomen & imperium.

POPVLVS GENVENSIS.

QUæ tres res ad magnas vrbes illustrandas plurimū
 valent religio, potentia, virtus, eas omnes Ci-
 uitas nostra, cum multis locis, tum. vëro in hoc ipso
 bello sacro, quod in manibus habemus, declarauit,
 nam & religio in nullis laboribus, nullisque discrimi-
 nibus pro Christiani nominis gloria, proque Christia-
 na re augenda, recusandis cōspecta est, & ex mix po-
 tentiæ argumento, fuerūt septem ingentes classes cū
 magno bellatorum numero tredecim annorum cur-
 riculo Christianarum rerum subsidio Genua subnuif-
 fas, & virtutis in preliis urbiumq. expugnationibus
 clarissima ac quam plurima documenta edita sunt.
 Præter enim eas vrbes, quæ in Elogio, quod nationi
 nostræ a Balduino Rege datum hic adscribemus, no-
 minantur, Tripolim quoque, Beritum, Aconem, Bi-
 blium maiorem, Ioppam, Ascalonē a Genuensibus
 partim

partim solis, partim copijs Balduini Regis a diunctis fuisse expugnatas constat. Diploma autē in Genuē si Tabulario adseruatum ipsi vidimus. Neq; vero cō silium nostrum reprehendendum putamus, aut fidē nobis abrogatum iri speramus, quod Elogiū ipsum paulo ieiunius, inconditoque illo & rudi eorum tēporum orationis genere conscriptū copiosius & politius sententia nihil mutata aut variata explicauerimus. Est autem huiusmodi.

Quod populus Genuēsis pro eius perpetua & cōtestate pietate ac religione, toto sacro bello præpotētibz classibus, firmissimisq; terrestribz copijs Christianam rem iuuerit, in sacraque vrbe Hierosolyma, Antiochia, Laodicea, Dertusia expugnandis plurima opportunitatis atque operę pars in illius virtute & industria fuerit, solique Genuenses celebres vrbes Cæsaream, Ascalonem, Solimum, Biblium, Hierosolymitano imperio, sacroq; Christi sepulchro adiunxerint, summos labores exhauferint, maxima discrimina subierint, sanguinem profuderint, mortem fortiter optetierint, nullis impensis pepercierint, nullis difficultatibus sint debilitati, nullis iacturis infracti; sed aduersus omnia mala inuictam virtutem & patiētiam præstiterint, ut a nullo omnino Christiano populo præptior, fidelior, constantior, magis multiplex opera Christo Domino, Christianæque Reipublicæ nauata sit. Hęc tot, ac tanta merita Balduinus Rex inuictus Damberto Patriarcha laudante atque approbante,

& præclaro Elogio ad memoriæ æternitatem testâda, & amplissimis præmijs remuneranda cefsuit, tertia Di-
tionis & vectigalium parte vrbium Cæsareæ, Aconis,
Assuris in perpetuum concessa, ad hoc singulis vicis
in vrbibus Hierosolyma & Ioppa cum iurisdictione
illi tributis. Datum in vrbe sacra decimo Kal. Maias
anno a verbo homine facto millesimo centesimo
quinto.

POPVLVS GENVENSIS.

MVLtis de causis, multisque vtrinque illatis ini-
rijs Genuensium & Pisanorum animis inter se
irritatis, cum non de prophanis modo rebus, sed de
sacris quoque esset contentio, vtroq; populo ius in-
augurandi Corlos Episcopos, ac Metropolitanam iu-
risdictionem suo Antistiti in sua vrbe vendicante, Ro-
manorumque Pontificum fauore modo in hunc, mo-
do in illum propendente, quâ rem claris populis mul-
to sanguine steterisse Calistus Pontifex tradit, cum diu
compressa odia in apertas inimicitias tandem erupis-
sent, illasque primo populatiõibus, direptionibus, ra-
pinis, excursionibus, quibus omnia circa maria late
fuerunt infesta, exercuissent, ad extremum Genuen-
ses omnibus viribus connixi classem nauium & bel-
latorum numero ac genere præualidâ compararunt.
Octoginta enim triremes fuerunt, ac quatuor inge-
tis magnitudinis corbitæ, ad hoc amplius sexaginta
minora

minora varij generis varijque nominis rostrata nauī
gia, duoque & viginti bellatorum millia. cumque nul
lam Pisanorum classem obuiam habuissent, copijs in
terram expositis Pisanos intra mœnia compulsos ar
ctissima annua obsidiōe, vt Volaterranus tradit, pres
sos ad pacē petendam, & ad suas conditiones de om
nibus controuersis rebus adegerunt. quos etiam ad
ignominiaē testimonium humilioribus ædibus vti vo
luerunt, superioribus cœnaculis deiectis. cuius tātæ
rei gestæ laus cum nullus vnus certus Dux ab Annali
bus prodatur, tota populo ipsi vniuerso ipsa quoq;
tribuetur.

HORTENTII TORCELLINI.

Non tulit iniuriam Ligur, ac ius quæsit armis
Arma dabunt, inquit quod dare iura negant.
Improuisus adest, inimicamque obsidet urbem,
Nec prius oppressos obsidione leuat,
Quam litem incidit, quam culmina summa domorum
Disturbat, quam hostis corda superba domat.
Sic decuit Pisani animos domuisse superbos,
Ne se humili in tectō tollere deinde queat.

ANSALDVS AVRIA. VBERTVS TVRRIVS.
 PHILIPPVS LONGVS. ANSALDVS PIZO.
 BALDVINVS. INGO.

VTres communiter gestæ sunt, ita clarorum virorum laus vno communiq[ue] elogio nobis cōprehendenda fuit. neque multitudine minuitur compositum gloria, sed Ciuitatis nostræ mirifice augetur dignitas, quæ egregiorum virorum copia tam diues semper fuisse appareat. nam quamquam splendor in vnum collectus fulgētior est, idem partitione subobscurari & ueluti hebescere videtur, tamen ingentis apparatus rerumque gestarum magnitudo tāta est, quæ vel in multos distributa singulos memorabiles atque elogio dignos faciat. Hi fuerunt Ansaldus Auria, Vbertus Turrius, Philippus Longus, quæ gens nunc Iustiniana est, Ansaldus Pizo, Balduinus, Ingo. qui duo postremi familiæ nomine apud Annales carent; ingentis ac præpotētis classis Præfecti. tres enim & sexaginta triremes fuerunt, quibus addita sunt centum & sexaginta alia minora nauigia; Commeatuū vero ac nautici instrumenti, ad hoc machinarū & tormentorum ad expugnandas vrbes omnisque bellici apparatus tanta copia, quodque caput est, tantus delectorum bellatorum numerus, vt nullam classē validiorē aut instructiorem a Genuensibus littoribus vquam soluisse constet. Tantis conatibus digni exitus responderunt, Almeria maritima Regni Granatæ & Dertusia

Dertusia citerioris Hispaniæ opulētis vrbibus, quæ à Mauris tenebātur, post longos exhaustos labores expugnatis, cū expugnatio Dertusiæ sex menses extracta sit, multoque sanguine Genuensibus steterit, ingenti que hostium multitudine cæsa. quibus vrbibus altera Castellæ Regi, altera Comiti Barchinonēsi ex pacto traditis ipsi pleni gloriæ atque ingenti onusti præda Genuam reuerſi sunt.

ANTONII FOSCARDI.

Cui pareant acies, poscit cum prælia Maiors,

Vrbs vni confert quælibet arma Duci.

At Ligorum vrbs Senos armat, qui tergo cæso

Maure tuo in patriam sfolia opima ferant.

Scilicet vt doceat (tanta illi bellica virtus)

Agmina magnanimum mittere posse Ducum.

Felix prole virum, proles atque aurea felix,

Quam virtus recto tramite ad astra veabit.

Atque o his felix, famam nam dentibus æui

Diisino Vbertus eripit eloquio.

POPVLVS GENVENSIS.

Portentosa Guelfarum & Gibellinarum partium rabies animos hominum multa sæcula ita agitauit, vt tota Italia omnis generis cladibus grassata cōpluribus populis miserabili exitio fuerit. quippe que
non

non modo eius prouinciæ vrbes acerrimis internecio-
nisque bellis inter se committeret, sed vnus eiusdēq.
Ciuitatis incolæ, quin etiam eiusdem cognationis, y-
niusque & eiusdem domus & familiæ homines in cō-
traria studia distraheret. quo fiebat, vt animis Ciuiū
hostili execrabiliq; odio inter se dissidentibus, om-
nia turbis, seditionibus, rapinis, direptionibus, cædi-
bus, domorum euerfionibus, sacrarum ædium incen-
dijs miscerentur, cum vefanus furor nō modo alterā
factionem in alteram incitaret, sed omni pietatis & hu-
manitatis iure perfracto fratrum in fratres, atque ipso
rum parentū in filios, filiorumq; in parentes dextas
armaret; pluraque inhumanæ crudelitatis facinora
eiusdem vrbis inter se ederent incolæ, nulla patrij so-
li charitate inexpressibilia ardentiaque odia mitigante,
quam vlla immanis Barbaries ardore pugnæ irritata
in victos edidisset. quæ dissidia & insanientium ani-
morum certamina cum nullis non locis aut tempori-
bus exercebantur, tum vero in honorum & magistra-
tum contentionibus in primis apparebant. qui nō
iam præsationibus, suffragationibus, allegationibus,
largitionibus, sed ferro & sanguine petebantur; resq;
sæpe a iurgijs, verborumque certaminibus ad manus
reuocabatur, omnia factionibus ad se & ad suos tra-
hentibus. Cui malo vnum illud salubre quidem, cete-
rum parum honorificum remedium inuentum est, vt
ipsi se Ciues Reipublicæ administratiōe atque hono-
ribus priuarent, peregrinumque Prætorem sibi asci-
scent,

ferent, cui summam Rempubicam, summumq. in Ciuitate imperium committerent. quæ contagio cū omnes fere Italię vrbes insecisset, nemini mirum videri debet; si illa ne Ciuitas quidem nostra intacta fuerit; eidemque necessitati peregrino homini annuam Reipublicę administrationem tradendū parere coacta. Neque tamen res a populo Genuensi exteris Prætoribus res vrbanas moderantibus & regentibus gestę, victorięque nostris hominibus, armis, classibus, opibus, consilijs, laboribus; discriminibus partę peregrino homini ad eam tantummodo remascito, vt discordiarum nostrarum arbiter & disceptator esset, potius, quam ipsi Ciuitati sunt assignandę, quamuis Genuensi homine summo Duce caruerint. quales fuerunt duę expeditiones, quas mox suis singulas elogijs prosequemur. Genuenses igitur cū amicitia tum precibus & ingētibus pollicitationibus Hęcrici Cæsaris inducti, qui ea de caussa Genuam se se cōtulerat, omnemque victorię fructuum cum Genuensibus partiturum fidem dederat, ingētem classem armarunt, cuius nauium & bellatorum numerus ab auditoribus non traditur, sed ingentem fuisse ex rebus gestis haud dubitandum est. In expugnatione igitur vrbis Caietę, quod primum illius expeditionis opus fuit, tantā in Genuensi classe & adductis copijs momenta fuerunt, vt Caietani urbem tradētes. nō in Cæsaris modo, sed in Genuensis quoque populi imperia, vicario ipso Cæsaris præsentē, remque a quo ani-

mo ferente & approbante iuravit. Et in Sicilia Catinæ urbis, quæ iam in Ditionem Henrici concesserat, obsidionem soluerunt Mauris suis & fugatis, qui eam urbem pro Regina Tancredi Regis mortui uxore re-petebant; Et nobilissimam celeberrimique nominis Urbem Siracusas expugnarunt. Quorum laborum cum fructum perceperunt, ut ingentia merita Henricus (id quod plerumque fit) fidei & promissorum obligatus ingenti memorabilique ingrati animi exemplo remuneratus sit: nihilque non modo promissorum fecerit, sed Genuenses omnibus iniquitatibus omnibusque iniurijs ultro affecerit. Quas tamen iniurias Genuenses haud multo post ultro sunt, eadem urbe per occasionem Henrico, ijsque, quibus illam Henricus fruendam dederat, adempta, & Alemano Comiti populi Genuensis fiduciario tradita.

HORTENSII TORCELLINI.

*Elatus Theuto successu pacta negavit,
Præmiaque, immeritos expulit & Ligures.
Verum quæ potuit virtuti pacta negare,
Tollere non potuit dextra maligna decus.*

POPVLVS GENVENSIS.

NE huius quidem anni rerum gestarum gloriam vnus alicuius priuatim hominis, sed vniuersæ Ciuitatis eadem de causa esse necesse est. Fridericus
secundus

secundus Cæsar idem Romanæ Ecclesiæ & Genuensis nominis infensissimus hostis validis maritimis, ac terrestribus copijs Genuenses vrgebat; iamque maximam partem mariæ oræ, quæ ad orientem spectat, occuparat. Contra quæ iugens classis triû & octoginta triremium ac tredecim Taridarum (eæ sunt naues longæ maioris formæ, quas nunc Galeatiæ appellamus) educta est delectis bellatoribus referta. quæ non modo hostem finibus Genuensibus expulit, amissaque loca recuperavit, sed hostilem classem in fugam versam, certamenque detrectantem vsque ad Stichadas insulas insecuta est. neque insequendi finem prius fecit, quam hostis sese in portum Saonæ, quæ vrbs toto eo bello sedes belli fuit, recepisset, ac vallis ostio portus clauto aditum Genuensibus irrumpentibus exclusisset. qui pugnae spe deiecti in sua concesserunt. At hostis metu liberatus e portu iterum cum exisset, circumiectaque maria excursionibus & rapinis infecta faceret ex templo altera septuaginta triremium classis e Genuensi portu prodijt; hostisque congressum vitans classem iterum intra vallum Saonensis portus subduxit.

SIGISMVNDI DONATI.

*In te dum, nemo contraria tela ferebat,
Sulcabas tumidus cærulei alta maris.
At cum vidisti Ligurum Friderice cohortes,*

H Diceris

Diceris effusa terga dedisse fuga.
 Siccine te inducto certamine posse putabas
 Victorem hostili ponere castra solo?
 Sic puto totum orbem domisses viribus istis,
 Si nullus toto miles in orbe foret.

BERTVS AVRIA

N Vllam sane labem Vberti Auria gloriæ aspergit,
 quod ipse vna cū Vberto Spinula collega Principum
 sibi in Patria pararit. nam ea res potius duarū
 clarissimarum familiarum summam indicat potētiā,
 quam ambitionem, aut regnandi coarguit cupidita-
 tem. Ciuitate enim in cōtraria Guelfarum & Gibelli-
 narum partium studia scissa, quibus sæculum illud
 ita corruptum fuit, vt nemo omnino ab ea contagio-
 ne integer aut sincerus esset, Auriam & Spinulā gen-
 tes factionum, quas tollere non poterant, capita suis
 se, gloriæ potius & splendori, quā inuidiæ esse debet.
 Verum hæc in præsentia nobis sunt omittenda, qui-
 bus illud tantum propositum est, rerum præclare ge-
 starum memoriam debitis Elogijs ab interitu viuifi-
 care. in quibus Vbertus altissimum locum tenet na-
 uali prælio ad portum Pisenum cum Pisanis commis-
 so victor. in quo vtraque præpotens classis, quæ præ-
 ter cetera varij generis nauigia amplius octogena-
 rum triremium fuit, quidquid floris, quidquid roboris,
 quidquid nobilitatis in vtraq; natione fuit, in armis
 habuit.

habuit, cum etiam aureis & purpureis vestibus, omnique splendide fortunę opulentię rem nobilitassent; ingentesque globorum cumuli purpurea fascia velatorum in classe Pisana sint reperti, quos illi a superbia & contemptu sese in portum Genuensem iaculatuuros non minus ridiculo ac puerili consilio, quam vana ferocia iactauerant. quod prælium diu anceps ira atrox & cruentum fuit, ut mare ab immensa effusi cruoris vilate circa rubrum factum sit; natantiumque passim scutorum, galearum, telorum, cadauerum, confectorum remorum, & omnis generis naualium armamentorum fuerit refertum. Septem hostium triremes suppressę sunt, octo & viginti captę; tantusque captiuorum numerus Genuam adductus est, ut una cum reliquis, qui varijs casibus multisque temporibus antea capti fuerant, in custodiaque adseruabantur, ad nouem Pisanorum millia carcere inclusi sint. Ut non minus vere quam contumeliose in Pisanos dictum illud apud Herulicos multis seculis usurpatum sit, Genuam eundem, si quis Pisas cernere cupiat. In captiuis fuit Vbertus, Maurocenus Venetus, quem Pisani ob virtutis rerumque naualium famam Prætores sibi, classisque Præfectum vltimam spem tentaturi, omniaque extrema conaturi, ascuerant. Sacro igitur solemni anniuersario ad ædem Xysti atque aurei Aulæi dono tantę victorię memoriam perpetuo colendam esse decretum est.

IDEM VBERTVS AVRIA.

CUm hominis, tum rei magnitudo fecit, ut vnus Vbertus Auria inter ceteros Ligures duplici gloria a nobis ornandus uisus sit. vir re quidē gesta, clarissimaque victoria de Pisanis parta, quā modo suis laudibus prosecuti sumus, memorabilis, ceterum re non gesta (neque id quisquam miretur, priusquam quale sit cognouerit) memorabilior. de quo viro Patria ita ampla iudicia fecerit, ut illū prae ceteris elegerit, cuius spectata virtuti, rei bellicae scientie, consilio non modo quidquid uirium, quidquid opū habuit, atque adeo totam se ipsam, omnemque Rēpublicam, sed quod longe maius, & praestabilius est, famam & existimationem suam crediderit. Nam cum Veneti clade a Spinula accepta ira & indignatione ardentes sese omnia Ligurię littora nauibus completuros, eaque classe ostium ipsius Genuēsis portus infesturos, cuius Genuenses nō modo impetū, sed ne aspectum quidem possent ferre, contemptim superbeque iactassent; Genuenses verborum ferociam rebus retundendam censentes, ex templo certo homine misso, Venetis nuntiarunt, latari se vehementer, illorum verbis sibi occasionem dari, praelio experiēdi, vtrā natio bello sit melior; seque laborem longioris itineris illis adempturos. Siciliam enim insulam vtrique vtrūbi interiectam, parique fere ab vtraque distantē interuallo

teruallo campum delegisse, in quo præclarâ hanc æ-
 raulæ virtutis & potentie contentionem communis
 Mars decerneret. Nauibusque ex omni Ligustica
 ora corrogatis classem centum & sexaginta triremiû
 mensis curriculo compararunt, omnique nautico in-
 strumento, atq; omni bellico apparatu instruxerunt.
 in quam duo & quadraginta bellatorum millia præ-
 ter remigium conscenderunt. qui omnes ligures fue-
 runt, omnibus alienigenis, quos fama Genuensisque
 nominis amicitia, & cupido ostentandæ virtutis Ge-
 nuam attraxerat, in tam splendidum certamē nomi-
 na certatim dantibus, repudiatis. quâ rem Iacobus
 Varagineus illorum temporum æqualis grauiissimus
 & sanctissimus Antistes, idemque certissimus scriptor
 tradit, qui rei interfuit, & classem ipsam conspexit, nu-
 merumque nauium se se recensuisse affirmat. Cû qua
 classe Vbertus cum insulam certamini destinatam te-
 nuisset, ac circiter mensem in anchoris stetisset hoste
 expectans, suosq. ad optatam pugnam omnibus in-
 citamentis exacuens, Veneti. nusquam appareret,
 Genuenses Diuos hominesq. ac cælum ipsum & ma-
 ria contestati, certamen ultro a se oblatum, ab hosti-
 bus detrectatum, Genuam reuersi sunt tanto plenio-
 res gloriæ ex hoste non conspecto, quam ex eodem
 victo, quanto ingentius fortitudinis specimen fuit, ip-
 sorum virtutem adeo hosti terribilem fuisse, vt is illâ
 prælio attingere ausus non sit, quam si congressus fu-
 sus aut captus fuisset. Alterius classis septuaginta tri-
 remium

remium hic ipse Vbertus Præfectus fuit. Ut appareat
rem Genuensem illis temporibus illius virtute & con-
filio in primis stetit.

POMPEII ARNOLPHINI.

Clara Iouis soboles, & uiuida Martis imago
Vberte, antiqua quem nobilitate decora
Auria gens auro insignem sceproque potentem
Regnasse, & patriæ uidit dare iura uolenti.
Vnde tuas canere incipiam Dux maxime laudes?
Iustitiam ne prius & sacra munera pacis,
Queis olim grata ciues ditione regebas,
Commemorem, & sacra intexam tua tempora oliua
An potius duētos Pisano ex hoste triumphos,
Quos non ulla queat sæclorum abolere uetustas
Expediam, & uiridi cingam tua tempora lauro?
Tu patriæ charus pariter, pariterque tremendus
Hostibus æ ternis illam clarisque trophæis
Ornasti, atque horum fastusque animosque minaces
Fregisti, & uictos ingenti clade domasti,
Testis Tyrrhenis Arnus qui illabitur undis,
Quem referunt rubro stupefactum gurgite aquarum
Frenasse irriguæ sinuosa uolumina Lymphæ
Atque iterum a tergo fontes petiisse relictos,
Gorgonis & testis, proprio quæ in littore uidit

Mucronus

*Mucrones galeasque leues, clypeosque natantes,
Armatoſque humeros, & pectora luce carentum.*

LAMBAS AVRIA.

Non minore quam Vbertus victoria, atque haud scio an ideo maiore, quia de clariore hoste parata est, nomen suum illustrauit, ac familiae decus cumulauit paucis post annis, ut eorumdem temporum æquales fuisse ambo dicendi sint, Lambas Auria in eodẽ; in quo Vbertus imperio, eodemque titulo positus. Is igitur octo & octoginta triremium Praefectus Adriaticum sinum ingressus ad urbem Cursulam cum Venetorum classe numero superiore (septem enim & nonaginta triremium fuit) congressus longo & cruento praelio illos tandem vicit; tota fere classe capta, cum duodecim tantum naues fuga se se exitio subtraxissent. ex qua septem & sexaginta iussu Lambæ cõbustæ sunt; reliquæ decem & octo Genuam cum captis in praelio adductæ. fuerunt autem septem millia quadringenti. in quibus fuit ipse classis Praefectus. quem Annales tradunt, a rabie capite ad asserem illiso ignominie dolorem morte finiuisse. Anniversario igitur perpetuo sacro ad ardem Matthæi, atque Aulæ aurci dono tantæ victoriae memoria decreto publico ipsa quoque decorata est. Quæ hoc quoque addito carmine ab homine mihi amicissimo est ornata.

Qualis

Qualis præcipiti corusca flamma
 Rumpit fulmineo fragore lampas,
 Lambas Auria præpotentior
 Irrupit Venetum repente classem!
 Ipsoque in propriam necem coactis
 Hostium Duce, patrias in oras
 Captiui innumeras agens catervas
 Victricem spolijs refertit urbem.

PAGANVS AVRIA.

Vos præstâtes Duces cum iisdem ambos iustitiæ
 & continentia laudibus insignes, tū bellica glo-
 ria in primis claros eadem ætas tulit Paganū Auriam
 & Simonem Vignosium. quorum singulorum egre-
 gias virtutes, egregiasq. res gestas singulis elogijs per-
 sequemur, initium facientes a Pagano. Cuius nomē
 non minus clarum facit excelsus animus aduersus as-
 siduum & intestinum cupiditatum bellum perpetuo
 inuictus, diuitiarumque adeo cōtēnens, vt mortuus
 de publico sit elatus, quam duabus clarissimis victo-
 rijs partis bis triumphasse. Altera fuit in Hellesponto
 prope urbem Constantinopolim classe Venetorum,
 Catalanorū, ac Græcorum foederatorū vnus & octo
 ginta triremium profligata & deleta, octo & quadra-
 ginta ex illis captis, reliquis partim suppressis, partim
 in fugam coniectis; hostiumque plus quatuor milli-
 bus caesis, cum de Genuensibus non plus septingēti
 ceciderint,

cecidierint, ac perpaucae naues sint desideratae, Victo-
riae gloriam auget, quod numero nauium inferior (se-
xaginta enim tantummodo habuit) congressus est lon-
go & atrocissimo praelio, quod ingentibus animis ac-
censum, ipsoque certamine crescens, cum veteris odij
& perpetuae emulationis acres stimuli vtriusque par-
tis animos incitarent, ne nox quidem interueniens
diremit. Postmeridiano enim tempore commissum ad
insequentem primam lucem varia fortuna extractum
est, cum initia foederatis secundiora fuissent. Altera
fuit in Ionio ad Oenusas, quam insulam Sapientiae po-
steriores appellarunt haud procul Messeniaco sinu de
eisdem hostibus minore mole, minoreque discrimine
minusque obstinato praelio parta, cum pari vtrinque
quinque & triginta triremium numero concursus sit,
quamuis Foederati quinque onerariis ingentis magni-
tudinis superiores essent: tota classe hostium capta,
Nicolao Pisano Praefecto, ac quinque hostium milli-
bus Genuam captiuis adductis. Quarum victoriarum
memoriam sacro, anniuersario solemni in Aede Mat-
thaei, aureique Aulæi dono a Magistratu publice de-
ferendi quorannis recolere placuit.

THOMAE CORREAE.

Quem triremes, aequoris arbuer

vidit prementem fluctibus Hadriae,

Dum vela contra vertit in te

I Dux

Dux Venetus, sociique ad arma
 Acciti Hædei fluminis accola.
 Aerata nec tot carbasæ sufficis
 Contra mouentes bella, cum sis
 Tu numero inferior quid audes?
 Tunc signa Triton classica, & hostium
 Vidit natæ caesa cadauera, &
 Colla reluctanti catenas
 Injicere, & Genuam reduci.
 Tunc fama verax utraque littora
 Neptuni. & ora latior ultimas
 Telluris impleuit trophæis,
 Et uarios rettulit triumphos.
 At tu super hos nil titulos stupens
 Gazaſque, honoresque exigis cubas
 Tectus sepulcro. namque egenti
 Aere dato posuit Senatus

SIMON VIGNOSIUS.

PAR continentia & iustitia animique ab omni for
 de integri specimen in omni vita præbuit Simon
 Vignosius (ea fuit postea gens Franca) cuius duo il
 la in primis memorabilia prætereunda non sunt. alte
 rum, quod cum Genuensis classis nouē & triginta tri
 remium Præfectus ad Euboeā insulam in classem sex
 & viginti nauium, quarum maxima pars venetæ erāt,
 incidisset,

incidisset, quam Ingibertus Delfinus Vien næ ducebat: Delfinusque oratione primo & precibus, deinde ingenti promisso anniuersarij vectigalis decemmilliũ auroꝝ numum reuocare Simonem contendisset ab incepto celebris nominis insulæ Chij, quam vna cum Smyrna Asiæ vrbe Michael Palæologus Genuenti populo donarat, armis repetendæ, cuius insulæ commercijs tam opportunę imperio ipse quâquã alia in speciẽ præferens hianti cupiditate imminēbat, Simon foedẽ rei mentionẽ auribus aspernatus in incepto perstitit, institutumque iter prosecutus est. alterum quod cum vrbe Chio potitus ingressum in Ciuium prædia militibus edicto interdixisset, vnicius filius paterna indulgentia se se aduersus edicti seueritatem satis munitum ratus; cuiusdamque Ciuis fundũ temere ac per lasciuia ingressus nonnullis vuẽ racemis asportatis, comprehensus, racemisq. collo ad maiorem ignominia notam suspensus, palam virgis cæsus tota vrbe iussu parētis circumductus est, memora bili rigidi atque inuidi animi exemplo, omnemq. paterni amoris sensum in Ducum imperijs, militariq. disciplina & obedientia sancienda superantis. Bellicæ vero laudes Simonis eæ fuerunt, vt si rerum gestarum magnitudo publicæ vtilitatis momentis est ponderanda, perpauci illius gloriæ possint equari. quippe qui urbem Chium post lōgam & difficilem oppugnationem captam, nobilissimamque insulam, ad hoc vtramque Phocæam, quæ Ionię vrbes Foliæ nouę &

veteres vulgo appellantur, Genuensium imperio
adiunxerit.

BAPTISTAE GVARINI.

Argolicis clarus *Æolijs* Vignosus heros,
Nec minus eloquio clarus Vberte tuo,
Phocæam patriæ subiecit uictor utramque
Claraque in Aegeo est hoc Duce parta Chios.
At non parta foret, si ferro inuicta, fuisset
Auro magnanimi dextera uicta Ducis,
Supplicio nati nec ius uiolauit amoris,
Ansus enim fuerat ius violare patris.
Dura quidem pietatis, nimio quæ indulget amori,
Si magis ille pius, non pius ille foret.

PETRVS FVLGOSIVS.

Non decori modo & ornamento genti suæ & Ge-
nuæ Patriæ sed magno quoque fructui & emo-
lumento Petri Fulgosij dupliciter virtus fuit. quippe
qui grauissimas Ciuium suorum iniurias ultus natio-
nis Genuensis incolumitatem memorabili documē-
to sanxerit, & opulētæ urbis dititione adiecta imperiū
populi Genuensis propagarit. Contentione enim in
Insula Cypro in solemni Regij diadematis accipiēdi
de superioris honoris loco inter Venetos & Genuen-
ses orta cum instinctu fauentium rebus Venetis Rex
Petrus secundum Venetos decreuisset, Genuēses ac-
ceptæ

ceptæ contumeliæ intolerantes cum dignitatem suâ armis, quando in iudicij æquitate parum præsidij experti essent, vindicare decreuissent, occultis gladijs se præcingunt, vt Venetos se præferentes interficiant. Quam rem rescientes Veneti factum Regi aperiunt, Genuensesque in ipsius Regis caput & vitam arma sumpsisse criminantur. Facile suis puerilem ætatem cum sua sponte infirmam & credulam, tum ab oblectamentis Genuensium obsessam circumuenire. Quare ingenti ira commotus Rex Genuenses Regiam ingressos cum armis tectis comprehensos non quæsito, quæ de causa se se gladijs cinxissent, sed tamquam manifesti patricidij ac maiestatis compertos crudelissimo mortis genere affecit e summa turri præcipitados, suppositarumque hastarum erectis cuspidibus indutos: omnesque Genuenses tota insula cõquisitos necari iussit. Quæ re cognita Genuenses dolore Ciuium suorum necatorum ardentes, tantæque atrocitatis iniuriam haudquaquam inultam sinendum statuentes, præpotentem classem trium & quadraginta triremium ac magni nauium corbitarum numeri breui compararunt. in quam quatuordecim bellatorum millia conscenderunt, Cui omnibus rebus instructæ, omni que machinarum & bellicorum apparatus copia refertæ præfectus est Petrus Fulgosius Dominici Ducis frater. Is igitur magna celeritate tantum maris spatium emensus cum insulam tenuisset, copijs expositis Famagustam urbem Regni emporium circûfessam primo aduentu

uentu ad deditionis necessitatem adegit, Regina Regis pueri matre urbem tradente, cum non suarum virum eam dimicationem cerneret. Qua urbe potitus Petrus morte tristi ex primoribus Proceribus, quibus instigantibus Rex in Genuenses saeuierat, necatorum Ciuium iniuriam ultus est. Totaque insula cum victore exercitu peruagatus, cum omnia loca, quaecumque adiret, Genuensium Ditionis faceret, Regem in angulum Regni compulsum, & in summas angustias adductum, intelligentemque non sibi esse cum Genuensi prepotente populo par certamen, ad suas conditiones adduxit. Famagusta enim urbe Genuensibus celsa sit; vectigaleque Regnum insuper in multos annos fecit. Petrus tanta victoria parta plenus gloriae cum Iacobobo Lusinianno uno ex Regis patruis, duobusque parulis natis Principis Antiocheni, qui alter erat Regis patruus, captis & obsidibus Genuam reuertitur. At Genuenses clarissimae victoriae memoriam anniuersario sacro solemni ad eandem Diui Francisci decreto cum dono aurei Aulei consecrarunt. Iacobus tam diu Genuae in custodia est adseruatus donec Petro mortuo ipse in Regnum successit. tum a Genuensibus dimissus pacta & foedera cum illis renouauit, filiumque Genuae natum, ut amicitiam & animorum coniunctionem nomine ipso praeferreret, Ianum appellauit. Corruptus enim Genuensis populi multorum saeculorum usus Genuam urbem veluti a Iano conditam Ianuam appellauit. Genuensium Antiquum fidem secutus a Genuen-

Genuensibus Ciuibus munere publico mandato cōscriptorum, qui equales illorum temporum Iacobū ipsum Genuæ viderunt, sæpeque cum illo collocuti sunt, Iacobum Genuam adductum scripsi, non autē Regem ipsum, vt Pius secundus tradit. Cum etiā pacis & amicitie fœdere cum Rege sancito nulla caussa reliqua esset cur Regē captiuum tenerēt, verōq. propius sit, propinquos Regis obseruādę pacis obsides retentos. nam quæ tandem pax & amicitia cum Rege conuenire potuisset ipso non liberato ac dimisso?

RAINALDI CORSI.

Fulgosius ipse Venerem alloquitur.

Quod tua Regna petam fax o pulcherrima, amorque
Calicolum, atque hominum, tuus idem me trahit ardor,
Ac flamma in patriam, quæ me feliciter vrit.
Non odio certare velim, non sanguine Regis
Tingier antiqui, non claram excindere gentem,
Quamquam nos Procerum cumulata iniuria pulsat.
Virtutem Ligurum egregiam, quæ nescia prorsus
Turpe pati, aut alijs inferre, et fortia facta
Extendisse sat est. Salamin, Amatbunta, Cyberam
Et florens quidquid Cypri complectitur ora,
Præclaro Genuæ Iacobus manere hebetor.

BLASIVS AXERETVS.

Sive hostis, cum quo dimicatum est, nobilitatem
 & Spectes, siue virtutem & fortitudinem in memora-
 bili re gerenda tecum repares, siue rei gesta & victo-
 riæ splendorem intuerare, quem tandem Ducē ex mul-
 torum sæculorum memoria cum Blasio Axereto con-
 ferre ausus fueris? Hostis enim inelytus Alphonfus
 Aragonius fuit, tot Regnorū, quibus imperabat, opi-
 bus conspectus, ceterum rerum gestarū & clarissima-
 rum virtutum gloria longē conspectior. Neque in re
 gerenda maius virtutis documentum edi potuit, quā
 præpotentem classē numero nauium superiorē, ad
 hoc omni bellico apparatu instructissimā (quodq;
 caput est) tantā clarorum Ducū summorumq; Pro-
 cecurum, ac primæ nobilitatis virorum copia, tantæque
 acerrimorum bellatorum multitudine refertam a pri-
 uatę tenuisque sortis Ciuib; pauperibusque nautis
 ad insulam Pontiam longē atrocissimoque prælio vi-
 ctam. Iam vero clarissimę victoriæ fulgor an non lu-
 mine suo multarum splendorem præstringere censē-
 dus sit, si quis animo & cogitationi pulcherrimā spe-
 ciem subijciat, Alfonsi ipsius ac duorum Regis fratrum,
 quorum alter Ioannes fuit ipse quoq; Rex Nauarræ,
 alter Henricus magnus Magister sancti Iacobi Regi-
 bus ipsis maiestate equandus; simulq; tantę illustriū
 Heroum multitudinis captæ. in quibus fuerunt Ioan-

nes Antonius Princeps Tarētinus, Ioānes Antonius Dux Sueſſanus, ac centum amplius Proceres dominatu populorum inſignes: Quo loco illud genti Iuſtiniā ad poſteritatis memoriam perhonorificū nullo modo prætereundum fuit, quod Rex Nauarchorū conditione, qui ex omnibus ordinibus fuerunt, diligenter cognita Iacobum Iuſtinianum delegit, cui deditionem faceret. Ceterum Blaſius naualem triumphum omnium, qui vñquam acti ſint, ſpecioſiorem acturus fuit, ſi aut iſmos ea ætate fuiſſet, aut Patrię afflicta fortuna eiſmodi ſpectaculo locū dedidiſſet. Par deinde tantę partę glorię per omnem vitam fuit egregia ac forti opera Philippo Mediolanē ſiū Duci aduerſus Venetōs in naualibus pugnis perpetuo nauata. Quę merita Philippus ampliffimis remunerans præmijs, in quibus fuit Ditio & celebris nominis arx Serrauallēſis, nomen gentis inſigni titulo nobilitauit. Omnibus igitur ſummis ſtudijs ac ſempiterna veneratione Blaſij Axereti memoriā Genua Patria colere debet, qui Genuenſium glorię tot victorijs diu paulatimque collectę clariffimum celſiſſimorum Regum captorum ſaſtigium impoſuerit.

BAPTISTAE GVARINI.

*Axeretus Patrię gremio dum ſedet inermis,
Sic Martem fama eſt increpuiſſe virum.
Quid mea cura trabis ualidos inglorius annos?*

K Nibul

Nihil iuuat imbelli parta quiete quies.
 Erubuit monitus, Dinino & concitus æstro
 Arma animo versat, versat & arma manu.
 His Regum domitor Tirrhenis imperat undis,
 Et ducit ad patrios bina trophæa lares.
 Tanta tamen virtus tenebris obscura iaceret,
 Erueret scriptis ni Folieta suis.

L A M B E R T V S C I B O .

Q Vis Ciuitatis nostræ priscorum temporum potē-
 tiam miretur, cum ipsorum priuatorum Ciuiū
 tantæ essent opes, quæ ad iustas classes comparandas
 & instr uendas sufficerent? Id quod Lambertus Cibo
 docuit (eam gentem nobili Græcia oriundam, ac Cu-
 beam olim vocatam Genuam commigrasse snerūt.)
 Qui Mauris piratis mare circum excursionibus & la-
 trocinijs infestū facientibus, classe valida armata Ma-
 uros profligatos & fusos, atque in insulam Caprariā,
 quam sibi arcem delegerant, compulso expugnauit
 ac deleuit; eamque ac circumiectas insulas sibi impe-
 rio subegit. Quam rem ab Annalibus nostris, ut mul-
 ta alia, præteritam Eleutherius Mirabellus illorum
 temporum æqualis & scriptor, atque Annales Pisani
 tradunt.

CAFFA-

CAFFARVS, VBERTVS TVRRIVS.

MIretur quisquam illorum temporum scriptores tam supine negligentes fuisse, vt nomina familiarum in claris viris commemorandis omitterent, cū in maximis victorijs nulla omnino Ducum ipsorum mentio interdum fiat. Hoc igitur stemmate carebit, quæcumque illa est familia, quæ Caffarum vnum ex consulibus habuit (is tum erat summus Ciuitatis Magistratus), qui vnaq; illi adiūctus socius Vbertus Turrius viginti duarum triremium & sex Golabiorū, id tum erat nauigij genus, Præfecti detrimenta accepta a Mauris Balearicis & Almeriensibus, qui eo tempore Piraticam facientes mare excursionibus & prædationibus late infestum faciebant, illis reddiderunt, minore Balearica ferro & igni late vastata, vrbeque ipsa capta & direpta; exsensioneque in continentem facta cum egregiam equitum alam secum haberēt, Almeriaq. circumfessa Regem ad necessitatem se se pecunia redimendi obsidibus acceptis adegerunt: nec minus gloria conspecti quam præda onusti Genuam redierunt.

AMICVS GRILLVS.

EGregios Amici Grilli conatus, quāuis effectu caruerint meriti tñ elogij testimonio carere haud equū est. Neq; enim clari viri fortunā, quæ in manu

nostra non est, sed fidem, diligentiam, vigilantiam, audaciam, consilium, virtutem præstare debuit. Quorum omnium rerum egregia documenta in Amico Grillo conspecta sunt. Bello enim Pisano tum cum maxime ardere, quod Sardiniae & Corsicae ante oculos positarum insularum cupiditas per varias in speciem confictas causas excitabat, quodque saepe pace numquam tamen fida intermissum per leuissimas occasiones renouabatur, utroque præpotente populo insulae imperio imminente, Amicus Grillus ob spectatam virtutem in altera eiusdem anni expeditione quinque & triginta triremium Praefectus aduersus eosdem Pisanos missus, qui urbem Ingaunorum improviso adorti diripuerant & incenderant, indeque se se in provinciam contulerant, & classem in fluuium Rhodanum subduxerant, eundem amnem ingressus ad oppidum sancti Egidij penetrauit omnibus discriminibus se se obijciens. Cumque omnia summa fecisset, ut hostem ad pugnam eliceret; ad extremumque pro comperito cognouisset, oppidanos Comitemque ipsum, atque eos, qui ad mercatum conuenerant, occulta consilia cum Pisanis coniunxisse, insidias, ac ne circumueniretur veritus signauia hosti exprobrata, qui se se in apertum committere, fortunamque pugnae experiri ausus non esset, egregia audacis & experientis Ducis parata laude in Patriam reuersus est.

SIGISMVNDI DONATI.

Est aliquid cautas inimicō texere fraudes,
 Atque hostem teclis vincere posse dolis.
 Sed tamen est maius teclis cognoscere fraudes,
 Nauta uelut fluctus prospicit horribiles.
 Plus ergo meruit veritum Grillus honoris,
 Cum victor Gallis cecit Amicus agris.
 Quam qui tum frustra tentarunt arte Pelasga
 Insidias cauto composuisse Duci.
 Ergo fuit potius fraudes aperire doloſas,
 Non fuit hostiles id trepidare minas.

NICOLAVS SPINVLA.

Nicolaum Spinulam si parum rerum gestarum fama, quę vitio scriptorū illius sæculi ignotę sunt, at maximi Principis amplissima de illo facta iudicia ab obliuione hominū vindicant. Quis enim magnū & memorabilem in primis virum, ac consilijs & factis clarum fuisse cum neget, quem Fridericus Cæsar tantis opibus, tanta potentia Imperator, idemq. rerū gestarum magnitudine ac clarissimarum virtutum gloria præfulgens ultro delegerit, alienigenamque euocavit, cui summam naualium rerum cum insigni Halmitis titulo committeret.

ANDREAE SPINVLAE.

Cum torpere graui scriptorum corda veterno

Spinulidæ virtus Nicolæi aspiceret.

At, dixit, Cæsar Fridericus magnus in armis

Imperium uasti cum tibi det pelagi,

Te quoque, ne dubites, aliquis mirabitur olim,

Et verum huic dicit nominis omen erat.

ANSAIDVS MARIVS.

CLari quidem nominis, magnæq. fortunæ vir, neque ambiguae famæ esse debet Ansaldo Marius. Nam ab Imperatore Cæsare Friderico secundo celsissimo ac potentissimo Principe summam maritimarum rerum obtinuisse cum eodem quo Spinula Halmiro tis titulo, ingentiumque Cæsarianarum classium Præfectum multa cōsilij, audacię, fortitudinis edidisse documenta cum hostilibus classibus vario euentu sæpe congressum, hæc omnia haudquaquam vulgatâ laudem memorabilis viri famæ conciliant. Neque ut rerum imperiti putant, Saona belli sede delecta ex ea Genuam Patriâ arcta obsidione diu pressisse, totâq. Liguriæ oram assiduis incursionibus infestam fecisse, vllam labem rerum gestarum gloriæ aspergit. nō enim contra Patriam venisse merito est dicendus, sed Guefos Cæsaris hostes tum Genuæ rerum potentes dimidia Ciuitatis parte expulsa, hoc est Gibellinis suis oppugnasse Gibellinarum partium acerrimus vindex & assertor :

assertor. quam sententiam nos quoque amplectētes
clarum in primis Ligurum ac memorabilem virū suo
præconio fraudasse liuidi ac maleuoliani fucrit.

ANDREOLVS MARIVS

Patri Andreolus filius suggeritur sine vllō verborū
apparatu. quæcumq; enim de parente dicta sunt,
ea omnia in filium conueniunt. nam eodem honoris
& imperij titulo usus est. quod eadem ratione, consi-
filio, virtute gessit. Vt hi viri non magis natura, quam
vitæ, ingenij, fortunæ similitudine coniuncti videan-
tur. Illud vnum est in Andreolō ad memoriam insi-
gne, quod Guelforum ingentem classem memorabili
multorumque scriptis celebri prælio fudit duabus &
viginti triremibus cum Pontificijs Legatis, sacrisque
Antistitibus, qui Pontificis iussu ad concilium euo-
cati erant, captis.

M. ANTONII LANFRANCI.

*At non minore gloria præcelluit
Ansaldo ille rebus a maritimis
Cognomen obtinens, & eius filius
Claro parente dignus Andreolus.
Ambo secundi Friderici classium
Duces potiti maximis victorijs.
Qui forte si videantur hostes patriæ,
Lares quod olim patrios obsederint,*

*Hi nentiquam fuere, sed miserrima
Premebat urbem Civium discordia.*

IACOBVS MAROCELLVS.

Hic annus humanæ salutis millesimus ducentesi-
mus quadragesimus vnus variante fortuna, se-
cundisque & aduersis rebus luctum & gaudium Ge-
nuæ milcentibus insignis in primis fuit: tribusq; ex-
peditionibus tria egregia edidit documenta, quanta
fuerit maiorum nostrorum religio, quanta animi ma-
gnitudo, quanta Ciuitatis nostræ facultates. Ac præ
religionis quidem studio. Genuensem populum om-
nem terrorem atque omnia discrimina leuia ducere,
prima infelix expeditio docuit. nam cum nullis mi-
nis Friderici secundî, cuius opes ac potentia cunctæ
Italiæ terribilis erat, deterrieri potuissent Genuenses,
quominus Pontificis Romani monitis atque adhor-
tationibus parerent, classem septem & viginti trire-
miam armarunt, Octo postea ad famam ingentis nu-
meri hostilium nauium in supplementû decretis, qua
Legatos Pontificios ac sacros Antistites ad conciliû
euocatos trajcerent. Cuius Præfectus fuit Iacobus
Marocellus. qui quamquam supplemento non ex-
pectato infeliciter rem gessit duabus & viginti trire-
mibus amissis, Legatisque cum maiore parte Antisti-
tum captis, tamen clades hæc a nobjs nullo modo
omittenda fuit, quæ & si partæ victoriæ decus hosti de-
dit, maguam tamen religionis & pietatis gloriâ no-
mini

mini Genuensi conciliauit; nosque in elogijs scriben-
dis non tam virorū, quos laudibus nostris prosequē-
dos ducimus, quam Patriæ ipsius gloriā spectamus.
Quamquam victoriæ quoque laus Genuensis homi-
nis est. Cæsarianæ enim classis Præfectus Andreolus
Marius fuit, is, quem proximo elogio ornaui-
mus.

FVLVII CARDVLI.

Quæ vis, quæ Ligures in aperta pericula mittit,
Et fasces temnit Cæsaris, arma, minas?
Religionis amor, sanctæ ac reuerentiæ sedis
Sors ausis cursum Cæsariana negat.
Egregiis ingens debetur gloria captis,
Et magnum in magnis est voluisse decus.
Euentus spectant mortalia lumina, mentes
Ille hominum ludex, imaque corda videt.

ANSALDVS SOLDANVS IACOBVS
LEVANTVS

AT secunda expeditio docuit, quanta fuerit ma-
iorum nostrorum animi magnitudo, quantæ il-
lorum temporum Ciuitatis nostræ facultates, quam
sollers industria, quā formidolosa uirtus. quæ nihil
clade accepta animis infractis vnus diei ac noctis spa-
tio prælucentibus tædis classem duarum & quinqua-
ginta triremium deduxerit, bellatoribusque refertā,

L & omni

& omni nautico instrumento omnique bellico apparatu instructam e portu emisit Anfaldo Soldano & Iacobo Leuanto Præfectis. Ad cuius primū conspectum Friderici classis repentino ac veluti Panico terrore perculsa extemplo omnibus, quæ tardare cursum poterant, in mare proiectis, turpi fuga certamini se subtraxit.

GVLIELMVS GABERNIA.

Idem decus fugatæ atque in portum Saonensem cōpulsa classis Gulielmus Gabernia tertiæ expeditionis, quæ eundem nauium numerum habuit, Præfectus, rettulit. Vt si quis rem suis momentis pōderet, maiorem eo anno victoriæ gloriam penes Genuenses, quam penes hostem fuisse statuatur. qui cum semel vicerit, bis victus dicendus sit, cum bis de virtute Genuensibus concefferit.

SIGISMVNDI DONATI

Quid te, quid Ligurum iactas Friderice phalanges,
Inuictos bello perdomuisse viros?
Scilicet intrepidam classem quod sponte laceffens
Cepisti aduectos fraude doloque Patres.
Quin potius te fraude pudet viciisse doloque,
Moxque oppugnatum terga dedisse fugæ.
Non semper sacris illum, qui profuit ante

Carceris

*Carceribus, curjuss meta cupua dianci.
Nec semper sauos audax qui primus in hostem
Attollit castus, præmia læta refert.*

VBERTINVS AVRIA.

O Peræ pretium est Ciuitatis nostræ illorum tēporum animum & potentiam considerare. quæ finitimo bello Pisano maximo & internecino implicita, eoque tum cum maxime ardente, quod tanto sanguine totque cladibus vtrique Ciuitati stetit, Urbem Venetias veteris fortunę opulentia abundantē, & perpetua nauali gloria, ac rerum gestarum, imperijque late patentis viribus cūctis gentibus formidolosam hostem sibi adiungere, nouoque se bello onerare non expauerit; eodemque tempore cum duobus potentissimis populis acerrima & continenti dimicatione parique, atq; haud scio, an dicere ausim superiore Marte pluribus illatis, si Annalibus credimus, quam acceptis cladibus contenderit. in quibus Vbertini Aurigæ magnæ audaciæ viri haudquaquam obscura opera fuit; eiusque nomē inter cetera quamplurima Aurigæ gentis stemmata nullo modo omittendum. Qui quinque & triginta triremium Præfectus Ceteam oppidū in Creta insula cepit & incendit, omni circum regione late uastata; sinumque Hadriaticum ingressus cunctaque excursionibus & prædationibus infesta faciendo Venetos ad certamē attrahere frustra est conatus.

In signis ac maxime bellicosus hic annus fuit. tres enim expeditiones factæ sunt. Prima Præfectū habuit Conradum Auriam, quam paulo post cōmemorabimus; postremæ, quæ omnium maxima fuit septuaginta trirremium, Vbertus Auria præfuit Conradi pater summus illorum temporum Dux Pisano prælio victor. media quinque & triginta triremiū. Thomæ Spinulæ ducēda data est. in qua hominis virtus haud mediocriter enituit oppido Planasiæ insulæ occupato, turribusq; prostratis ac compluribus nauibus Pisano captis, prædaque ingenti parata. Quare Genuam reuersus Thomas plus noningentos captiuos, octoque & viginti millia marcarum argenti ex præda redactarum Patriæ tradidit.

ANDREAS SPINULA.

*Spinula Pisanae Thomas ingenti a prædæ
Pondera, captiuum rettulit & numerum,
Et classem, & piæis terrarum victa tabellis,
Omnibus ereptis hostis ut ingemeret.
Ne Ligures aninas, ne fortia temerè gentis
Facta queam, cogis Spinula sola domus.*

HENRICVS MARIVS.

Egregio stemmate gētem suam Mariam perpetua nauali gloria nobilē auxisse existimandus est Hēricus

ricus Marius. qui duarum & viginti triremium Præfectus cum Pisanorum classe numero superiore congressus longo & cruēto prælio egregiam victoriā retulit, tredecim triremibus captis, reliquisque partim suppressis, partim in fugam coniectis; multisque nobilibus Pisanis captiuis Genuam adductis.

CONRADVS AVRIA.

VBerto tanto parente, quo nullus omnino Genuē sium bellica virtute, magnitudineque rerum gestarum clarius fuit, Conradus, qui ei quoque in summo imperio Genuæ successit, duabus insignibus expeditionibus sese dignū ostendit. quibus memorabilis clades superius commemorata interiecta est. prior quæ anno cladē præcessit, vnus & quinquaginta triremium fuit, in qua Pisanos ad Populoniam diu obsessos classe in pugnam directā ad manum conferendam elicere non potuit. Quorum aliquot triremibus per varias occasiones captis, turriq. quam Veronicæ vocant, demolita Genuam reuersus est. Posterior sexto post cladem anno cum Henricus Marius, & Nicolaus Buccanigra classibus coniunctis Iliam insulam cepissent, quadraginta triremium fuit. in qua Conradus ferrea cathena, qua Portus Pisanus munebatur, perfracta, quæ ad hæc vsq; tempora in conipluribus vrbs nostrę locis ad decoris memoriam suspēsa cōspicitur, portumque ingressus turres omnes deiecit;

Libur-

Liburnumque captum evertit, cum sacræ Aedi tantummodo pepercisset.

NICOLAS SPINULA.

Victoria de Venetis a Nicolao Spinula parita non tam numero nauium & copiarū multitudine, quam rei gestæ magnitudine admirabilisque virtutis edito facinore clara in primis & memorabilis est. Is enim cum legationis munere apud Cæsa rem Græcum fungeretur, decem & octo triremiū, quæ Genua negotiationis & mercatorij quæstus causa profectæ Duce carebant, in vrbe Pera a classarijs ipsis & tota Genuæ si colonia ob spectatam virtutem Præfectus creatus, cum pugnam a Venetis oblatam diu detractasset, ne aduersus classem numero tanto superiorem (decem enim nauibus amplior erat) tot Ciuium suorum salutem in tantum discrimen daret, tandem Venetis nullum virgendi finem faciētibus ad necessariam pugnam attractus classe explicata, omni que bellica ratione ad pugnam firmata congressus est. in quo prælio ancipiti & atroci ita Nicolai enituit virtus, illudque Genuæ ses haudquaquam cōparabilis fortitudinis specimen præbuerunt, ut ira & indignatione violatarum induciarum, vltimaque necessitate animos aciente hostilis classis fusa sit, quinque & viginti triremibus, ingenitique hominum numero capto, cum tres tantummodo naues euasissent. quæ victoria cum sacro & auri

Aulæi

Aulæi anniuersario dono decreto publico maximis illis sit æquata, nobis quoque pari elogio decoranda fuit.

ANNA 2710208

GANDVS MARIVS.

EA est virtutis maiestas, vt etiam a felicitatis societate deserta ipsa per se suspicienda sit; nosq. debemus ad amplissima de claris viris a Patria facta iudicia scriptorum nostrorum testimonium accommodare. Cuius igitur viri Gandi Marij spectatæ fidei, cōsilio, audaciæ, virtuti patria tantam Reipublicæ partē committendam duxerit, eum nos debitæ laudis præconio fraudare non debemus. Cum igitur Genuæ esset auditum præualidam Venetorum classem e portu exiisse, Genuenses Gandum delegerunt, quem tanto hosti opponerent, ac quinque & septuaginta triremibus præficerent. qui quamquam præclari conatus effectu caruerunt, quæ tamen partes suæ fuerunt, eas abunde impleuit, hoste multis locis perquisito, quæ ad pugnam attrahere numquam potuit.

SIGISMVNDI DONATI.

*Quid modo Sparta tuum super astra Leonida tollis,
Exornasque virum laudibus immodicis?
En paucò Marius stipatus milite fortes
Oppugnare audax non trepidat Venetos.*

Ille

Ille quidem laudem peperit sed morte perenni;

Hic laudem peperit, nec tam en interijt.

ROSCIUS AVRIA:

Multiplici gloria nomen suum Roscius Auria cōspiciendum fecit. nam militaris virtus, quæ in illo eximia fuit, quæque ad homines illustrandos vna sufficere, atque adeo primas obtinere a veteribus estimata est, exiguam partem in huius viri laudibus occupavit. præfulget enim præcelsi animi, humiliaque hæc despicientis magnitudo; ad hoc pietatis & religionis coruscans fama. quippe qui partarum victoriarum, atque urbium in littore Euxino expugatarum, Andronicique iunioris Græci Cæsaris, sub quo classium Præfectus complures annos stipēdia fecit, imperio adiectarum, nulla aut opum, aut potentia, aut opidorum ditionis, aut humanæ gloriæ breui interitura præmia petijt; quæ ceteri mortales sequi inflammato studio solent, quæq; virtuti & meritis debita a Cæsare ultro deferrebantur, sed Anastasie martyris corpus impetravit. quod Constantinopoli Genuam religiose delatum, atque in Aedem Divi Matthæi illatum ad nostra vsque tempora adservatur. Quanto igitur sublimiorem finem spectavit Roscius, tanto eius nomen altius euolavit; quantumque gentis suæ Aurie perpetuum armorum splendorem pietatis & religionis lōge insigniore addita laude cumulavit, tantūcē in Roscij

in Roscij memoria præceteris colenda studij & venerationis gentem Auriam addere verum est.

IO. PAULI AMANII EPISCOPI
ANGLONENSIS.

Ob captas urbes, & uictos Cæsaris hostes
Euxino in ponto, fuluum non Roscius aurum,
Fluxa nec egregii quæsiuit præmia facti.
Sed pius in patriam sacra, quæ uebat, ossa, colatque
Virtutis monumenta suæ pia Numina poscit,
Certe habet insignes fama gens Auria multos,
At pietas dignum hunc cælesti reddidit honore.

PETRI MAGNI.

Auria, tam claro uero cognomine digne
Auria, post uictos hostes, domitosque rebelles,
Seruatum imperium, Rex omnia detulit, at tu
Dilectæ tantum Diuæ monumenta tulisti,
O & auis, & digne nepotibus Auria tantis

OPICIVS CARRETVS.

Opicium Carretum e nobili Germania oriundū,
atque ab ipsis Cæsaribus originem ducentem, ad
hoc duorum Pontificum Maximorum Innocentij
Quarti & Hadriani Quinti affinitate conspectum. Fili

M scam

scam enim Innocentij fratris filiam, Hadriani sororē in matrimonio habuit, si prudens præterijssēm, improbum sane me admisisse facinus, si imprudens, dissolutæ negligentię crimen subiturum fuisse existimarem. In hoc viro non Liguriæ modo, in qua nobilem Finarij Marchionatum vetusto gentis iure obtinuit, sed toti Italiæ magnum decus & ornamentum fuit. Cui Mediolanenses in turbulentissimis ac laborantibus rebus suis, tum cum omnia ciuilibus discordijs arderent, Diuinaque & humana omnia factionum studijs miscerentur, ab spectatæ prudētię & virtutis fama vltro accersito summam bellicarum & Ciuiliū rerum mādauerunt. ipseque sese tam domi quā militiæ tanto muneri & expectationi parem protinus ostendit. nam factioniosorum audaciam compescuit, resque vrbanas in tranquillum statum redegit, ac Gregorium X. Pontificem Maximum Mediolanensibus implacabili odio infensum mitigauit, cum ille Mediolanū venisset, omnesque Mediolanenses ab ira & indignatione alto animo insidente ab aditu & conspectu suo plane exclusisset, vno admissio Opicio. quo interprete & arbitrores compositæ sunt, Mediolanensesque in Pontificis gratiam redierunt. Nec minora sunt militaria merita multis felicibus expeditionibus susceptis contra circumiectos populos rem Mediolanensem continenter vexantibus Papiensibus & Comensibus sæpe fufis ac domitis. Qui etiam, si id ad viri gloriam cumulādā quidquā pertinet, cęremōnijs Diadematis ab Henrico Cæsare

Cæfare ea in vrbe sumpti præfuit.

Eadem gens Carretta omnibus ætatibus ab Opicij gloria haud deflectentes viros tulit. nam Manfredus egregiam operam in bellis contra seditiosos & rebelles atque aduersus Sabaudia & Montisferacis Principes Genuensi Reipublicæ nauauit.

Et Henricus, qui ab eximia fortitudine & ferocia ipfis summis Principibus formidolosus bellatoris nomen tulit, præter Sabaudia & Montisferacis Principes sæpe repulso, capto Vigleuano Francisci Sfortia summi ac celeberrimi illius ætatis Ducis impetus impaudus sustinuit, urbemque tutatus est.

Et Ioannis Iacobi haud obscura fuerunt bellica opera. Et Alfonso Genuensibus in Corsica recuperanda & domanda virtute & opibus suis haud paruo adiumento fuit.

Denique nulla Ligustica gens hac Carretta stēmatibus numerosior fuit; eiusque numquam consopita virtus illustribus motibus sæpe excitata est. nam præter eos, quos suis sigillatim elogijs decorauimus; Bonifacij, duorum Henricorum parentis & filij, Ioannis, Iacobi, Conradi, Odonini haud obscura fuerunt bellica opera. nostra quoque ætate Ioannes Finarij Marchio in expeditione Africana amplissimorum ordinū ductor foriter dimicans magna que sui relicta expectatione occubuit.

IO. BAPTISTAE FONTEII PRIMIONIS

Qualis priscorum doctis celebrata poetis
 Læta Deum mater Cybele, materque Dearum
 Dicitur & partus & centum amplexa nepotes,
 Historijs talis nostris nostrisque tabellis
 Heroum genitrix stirps hæc Carretta potentum
 Cernitur, insignesque Viros Regesque Ducesque
 Maxima quos Italo uirtus æternet in orbe,
 Alma fouere sinu, & tali deducere curru,
 In quali biugos agitant Diua Leones.
 At quantum Diuos inter fulgebat Apollo
 Insignisque comis, longeque sonante sagitta,
 Tantum Carrettos inter dicendus Obizus
 Complures armis post se & uirtute reliquit.

IACOBVS FLISCVS.

Quo atque amplissimo honoris titulo clarissimã
 gentem suam Fliscam auxit Iacobus a Ludoui-
 co eius nominis nono Gallorum Rege celsissimo Ma-
 gister equitum creatus, quem Marescalum appellat.
 qui honos in rebus militaribus altissimum apud Gal-
 los auctoritatis & existimationis locum tenet. quippe
 in cuius moderatione & arbitrio res bellicæ Gallorũ
 versentur; Omnesque prouinciarũ Præsides & arcium
 Præfecti, ac militiæ Duces Marescalorũ imperiis pareant
 apud

apud Gallos quidē summus hic honoris grad⁹ tanto in pretio est, vti exteris nō nisi in multis sæculorū ætatibus vni aut summū alteri deferatur, ijsq. viris, qui ad summū fastigium summūque nomen in rebus bellicis peruenerunt, id quod Patrum & nostra ætate declarant in Ioanne Iacobo Triuultio; & Petro Strozio vtroque summo in Italia Gallicorum exercituū Duce.

SIGISMVNDI DONATI

*Dum Flisci uirtus nondum perspecta lateret
In tenebris, nullo & nomine clara foret,
Se se ostendebat dignum, qui primus ab ipso
Rege foret, primus qui sequeretur eum.
At simulac iusto fuit exornatus honore
Se ostendit dignum, ut sceptrum uel ipsa gerat.*

PRINCIPALLES FLISCVS.

Iacobi ætati & gloriæ succreuit Princiuales Fliscus ipse quoque ad summos honores a Rodulfo Cæsa re elatus. Vicarius enim in Italia Imperialis fuit. Quæ porro aut qualis fuerit ea procuratio, nobis parū liquet, amplissimam certe fuisse necesse est, quæ tā splendido honoris titulo sit appellata.

FRIDERICVS MARABOTTVS.

Non quidem inter eos viros, qui maximarum classium Præfecti magnas res gesserunt, ingentesque victorias

viſtorias pepererunt, connumerandus eſt Fridericus Marabottus, ſed inter eos, quorum nomen egregio ali quo ſingularis fortitudinis & audacię edito facinore cum ſummi faſtigij Ciuibus cōſcribendum duximus, prætereundus non fuit. qui non in poſtremis docuerit, ad ceteras bellicas laudes & imperatorias artes peracrem quoque eſſe in Genuenſibus hominibus ingenij ſollertiſque animi vim ad ſubita & improuiſa belli celeritate aſtuti cōſilij expedienda. Is enim Gibellinorum claſſe numero longe ſuperiore ad ſe iter tendente procul conſpecta, quam expectare, ac cum illa cōgrædi non iam hominis fuiſſet, fortunam pugnæ tentare, ac communem martem experiri audentis, ſed ſe ſe, ac ſuos, claſſemq; ſibi commiſſam in certam pernicię per ſummam inſaniam præcipitantis, fuga ſaluti cōſuluit. Cumque hoſtis nullum inſequendi finem faceret, validioreq. remigio vtēs propinquus factus ipſum mox aſſecuturus eſſet, ſuperuenientibus tenebris, atq; ea, quæ adminiſtrabantur, regentibus imminens periculum egregio noui ſtratagematis commento diſcuſſit. nocturni enim luminis inſigne ad curſum nauium regendum in Prætoria puppi extolli ſolitum in ſcapham cum paucis remigibus impoſuit, dato mādato, vt proximum littus peterent, ipſeque itinere alio conuerſo, ne naues ſuæ nullo lumine prælato nocturna erratiōe diſſiparentur, nomen certi portus quo curſum dirigerent, triremibus edidit. quo factum eſt, vt inſequenti luce omnes eundem portum quamquam diuerſis itineribus

neribus incolumestenuerint, seque cum Duce cōiunxerint. At hostes lumen sequentes classe omissa, cum ad littus peruenissent, scaphamque in terram eiectam hominibus vacuā cum lumine cōspexissent, sese astu Marabotti Ludificatos intellexerunt.

HORTENSII TORCELLINI.

*Hosti dum cedit Marabottus viribus impar,
Et classē ut seruet, classe premente fugit,
Insultantem hostem ridet, iam iamque uorantem,
Atque nouo fallit nocte fauente dolo.
Hoc summi Ducis & armisque insignis & astu
Seu uirtute hostem uincere, siue dolo.*

SALAGRVS NIGRIVS.

Quod virtutis genus fuit, quod Salagrus Nigrius in præclaro facinore patrando non expresserit? nam quantæ primum constantiæ Deus immortalis, quamque inuicti animi fuit, hostilem Catalanorū classem ad insulas Balearicas deprehensam decē dies aspero fluctibus mari insecutum fuisse? quantæ porro virtutis ac fortitudinis quatuor ingentes onerarias delictorum numero refertas (mille enim & octingenti fuerunt, in hisque centum & octoginta primæ nobilitatis & equestris dignitatis viri) tum cum nullus adhuc bō bardarum vsus esset, cum decem tantummodo trimibus

mibus expugnasse aspectu præsertim coniugum ac natorem, quos Catalani secum vehabant, ardorem pugnae accendentibus? Fortitudinis laudes cumulatissimo filium militarisque astus, quo suorum virtutem Salagrus acuendam cœsivit: qui per speciem expeditius navigandi velocitatemque onerariarum cursu trirremium æquandi una cum reliquis impedimentis annonam in mare proijci iussit. Prælioque ultimo commisso. Si ferum, inquit, horrescitis socij, longe tetriore mortis genere, hoc est, fame vobis pereundum est. annona enim in mare proiecta nullus vobis reliquus est cibus quam quem ex victa classe plena commeatum petatis. Quanta igitur dimicationis quamque acris certaminis rem fuisse putemus, hinc fame Genueses, illinc charissimorum pignorum respectu, a quibus instans servitium & contumeliæ depellendæ erant, Catalanos incitantibus, quibus duobus nulli sunt acriores stimuli. Ceciderunt ex hostibus circiter octingenti; capti sunt centum sexaginta. Nec militari gloriæ singularis continentiae laudes parum addunt splendoris, ut exemplum sit in omnes partes nobile. a matronarum enim corporibus violandis Salagrus graui edicto suos prohibuit, quas excensione in terram facta liberas dimisit, pudori muliebri contumelijs obnoxio parcens vnumque ex captiuis nobilitate insignem compertum, quod coniugem præstanti forma, ne in hostium manus veniret, ab amoris stimulis iugularat, capite mulcavit, quod se non tam puniendi maleficij causa, quam indigna-

indignatione commotū facere dixit, quod ille ipsius
& Genuensis populi continentiae diffidisset. Facinus
igitur tam multiplici virtute commendatum, si rem
verbis æquare volumus, non vno tantum, sed pluribus
elogiis pro dignitate decorandum esset,

IO. BAPTISTAE FONTEII PRIMIONIS.

Egerat hostiles Hispana per æquora naues
In decimum Salacer Nigrius usque diem,
Cum patri Cererem Neptuno credidit, ac si
Nostra carina gravi pondere tarda foret.
Et Subito, O socij, nec equi expectabitis, inquit,
Dum parit auxilium, neue aliunde dapes.
Illa cibos vobis aufert scita classis hibera,
Aut mors fixa fame, aut illa petenda bodie est.

E I V S D E M.

Quam Diuæ Solacer castæ, quam Callidus artes
Duri Mauortis sæuo agitare mari.
Hostibus hic postquam victis & classe subacta
Fœmineum intactum iussit abire chorum.
Coniugis occisori, inquit, diffisse ineorum
Virtutique meæ haud vinere dignus obi.

MARTINVS ZACHARIAS.

Non tam copiarum, quam rerum gestarum magnitudine egregiorum hominū gloria metienda est: Quin etiam haud scio, an exigua manu magna facinora patrasse, maius virtutis robur maioremque animi indolem declaret. Vt nonnullorum Ciuium nostrorū nomina merito præconio prætereunda non fuerint, quos interrupta temporum serie ita elogijs continuādos duximus, vt rei gestæ similitudine, parique rei gerendæ ratione coniuncti sunt, omnes expugnatarum urbium gloria, quæ numerari haud in postremis debet, clari. Hi fuerunt Martinus Zacharias, Philippus Auria, Thomas Murchius, Raphael Adornius, Otho bonus Iustinianus, Petrus Spinula singuli singulis elogijs ornandi, eadem singulis accommodata præfatione. Primus ordine, vt tempore erit Martinus Zacharias, quæ gens nobilis in primis ac præpotens fuit, nunc extincta prorsus est. Is classe Veneta & Pōtificia suæ adiūcta Smirnam inferiorem, quæ a Barbaris Mahumetanæ sectæ tenebatur, cepit, ac Christianæ religioni restituit.

PHILIPPVS AVRIA.

Philippi vero Auriæ gloria duabus Urbibus expugnatis ea fuit, quam splendor maximarum illarū victoriarum a tot ipsius maioribus partarū haudquaquam

quam obscuret. Nam cum Venetorū classis quinque & triginta triremium, quatuordecim Genuenses triremes, quarum Præfectus fuit Nicolaus Magnerres, quæ gens nunc Fræca est, improviso deprehensas profligasset, decem nauibus captis, Philippus Auria cū nouem triremibus a Simone Vignosio Chij Prætore missus, qui iniurias vlcisceretur, acceptaque detrimēta hosti redderet, Insulam Euboeam tenuit. quā populationibus & incendijs perualtauit; ipsamque urbē Chalcidē expugnauit, ac diripuit, pretiosisque captæ urbis spolijs onustus Chium cum tribus & viginti patritij ordinis Ciuibus Venetis captiuis reuersus, captæ urbis clauēs ad memoriā parti decoris supra portas Chij suspendit. quæ ad nostrā vsque tempora cōspiciuntur. Idem Philippus quinquennio post quindecim triremium Præfectus Genua missus claram urbem Tripolim in Libiæ ora cepit, ingensque auri pōdus ex spolijs redactum, magnamque captiuorū vim Genuam adduxit.

THOAMS MVRCHIVS.

AT Thomas Murchius decem triremium Præfectus Insulam Melitam perdomuit, excēssioneq; in Siciliam facta Mazariam urbem cepit. Quæ vrbes & si a Genuensibus retentæ non sunt, memoria tamē egregiorum facinorum clariq. viri Murchij a nobis retinenda est.

RAPHAEL ADORNIVS.

P Ari rei gestæ gloria superiores subsequitur Raphael Adornius : qui ad perpetuum clarissimę gentis suæ Ciuilium rerum decus bellicam quoque laudem adiunxit . Cum igitur fama esset, Regem Tuneti Ciuitatis nostræ hostem classem cōparare, qua Genuen sem nationem & Ligusticam oram uexaret, Genuen ses duodecim triremes repente armarūt . quibus præfectus est Raphael . qui quinque Pisanorum, & tribus Manfredi Claramontij Regni Siculi Halmirotis triremibus sibi adiunctis oram Libiæ tenuit ; Gerborūque insula expugnata & subacta, docuit, eas esse Genuensis Ciuitatis facultates, eam Genuensium hominum virtutem, quæ non ad sua tantum tuenda, neq; ad bellum tantummodo sustinendum & propulsandum, sed ad inferendum quoque valeat ; ac quæ detrimenta quasque clades verbis feroces homines temere comminentur, ad eas in illos ipsos vertendas . Quā insulam tam longe dissitam cum in tātis Ciuilium discordiarum occupationibus minus commode tueri posset, Manfredi ingenti auri pondere accepto ex propinquo commodius defendendam ac possidendam tradidit.

OTHO-

OTHOBONVS IVSTINIANVS.

OThobonus vero Iustinianus, qui primus sue gentis in elogijs nostris locū obtinebit, quindecim triremium Prefectus Urbē Albintimilium, quæ a Genuensibus defecerat, contumaciq. pertinacia in prauo inccepto perseuerabat, Dominici & Bartholemei Auriarum terrestrium copiarum Ducum nō expectato aduentu omnibus viribus adortus expugnauit: Idemque oppidū & portū Talamonem egregie defensum acerrima & cōtinenti duorum dierum oppugnatione tandem cepit.

PETRVS SPINVLA.

Hoc quoque expugnataram urbium decus nobilissimę gentis suę stemmatibus addidit Petrus Spinula viginti quatuor nauium Prefectus. quarum decem longæ ac irremes fuerunt; reliquę corbitæ in gentis magnitudinis, Corcyra diu oppugnata, suburbisq. captis & incensis, ac Naxo & Andro in Aegeo captis, & Genuensi imperio adiunctis. quarū urbium possessio etsi brevis fuit discordijs Ciuilibus Genuenses ab exterarum rerū cura auocantibus, memoriarum tamen & rei gestę memoria debet esse diuturna.

HORTENSII TORCELLINIO

Inflinianos, Murchius, Zacharias
 Adornus, Auria, Spinula insignes Duces
 Cepere bello singuli vrbes singulas,
 Ac spolia teētis intulerunt patrijs.
 Nepotibus monumenta auitæ gloriæ,
 Si se nepotes præbeant dignos auis.

SIMON BVCCANIGRA:

HAud facile nobilius fratrum par inueneris Simo-
 ne & Aegidio Buccanigris, quorum ille domi,
 hic militiæ clarissimus fuit. Sed Simonis amplum qui-
 dem ceterū incertæ existimationis est nomen peracri
 simulque turbulento ingenio viri. Nam quatuor no-
 bilissimas familias Spinulam, Auriam, Grimaldā, Elif-
 cam inueterato dominatu deiecisse, illorumque po-
 tentiam & summam dignitatem tot opibus subnixā,
 tantisque radicibus hærentem fregisse, atque in signē
 Ducatus honorem in Patriam induxisse; popularem-
 que & communem Reipublicæ formā, cuius omnes
 participes essent, instituisse, cum quatuor familiæ om-
 nia superioribus tēporibus ad se attraxissent, memo-
 rabile in primis facilius fuit. Ad hæc tantam dimica-
 tionem non expauisse virum, cui exiguæ opes, nullæ
 clientelæ, nulla maiorum potentia, nullusq; magno
 pere familiæ splēdor animos faceret, sed omnia apud
 illuor

illum tenuia essent; susceptamque contentione vsq;
ad finem vitæ sustinuisse, ac variis iactatum casibus,
& Principatu expulsum nihil aduersis rebus infracto
animo fuisse, Principatumque recuperasse, atque ini-
micis inuitis in eo extremum vitæ diem plenum glo-
riæ clausisse, hæc omnia viuidi ingenij, inuictique ani-
mi opera fuerunt; æque res Simoni non bene gestæ,
verum, quod longe præclarius est, seruata Reipubli-
cæ, ac liberatæ Patriæ clarissimum & haud dubium te-
stimonium darent, ni tantorum meritorum gratiam
nonnulla ambitionis occupatique Regni labes per
speciem tollendarum factionum a nobilitate inducta
ruin, ac communis libertatis asserendæ & constituen-
dæ aspergeret, neque minus insequetium Ducū tem-
pora, quam superiora turbulenta fuissent. quamuis
factiones Ducibus regnantibus non tam internecino
odio exercitæ sint. Ceterum ingētis facinoris memo-
riam, quæ anniuersario sacro ac dono aurei Aulæ de-
creto publico ornata est, quod sacrū perpetuo & nū-
quam interrupto tenore usurpatum ad nostra vsque
tempora perductum vidimus, in nostris elogijs locū
habere, a nemine iniquo animo ferendum est.

AEGIDIVS BVCCANIGRA.

AT Aegidij fratris fama integra est, bellicæq. lau-
des nulla turpi nota deformantur. qui subsidio
Hispaniæ Regis laborantis cum præualida classe missus
ita Maurorum opes fregit, iisque illos affecit cladi-
bus

bus, atque eas res gessit, quarum magnitudinem Rex insigni Halmirotis titulo & peramplę Ditionis dono remunerandam duxit. Quam ditionem ad nostra usque tempora illius posterī in Hispania possident gentile Buccanigrarum nomen retinentes, interque Hispaniæ Principes numerati nobili titulo Comitatus Palmę insignes.

IO. BAPTISTAE FONTEII PRIMIONIS

*En Buccanigra fratres a stirpe profecti,
Liberā quos semper patria terra colat.
Nobilium Sinon qui claustra superba refregit,
Constituens populi feruidus imperium.
Et qui nauali uicit certamine Mauros
Aegidus Regnis additus Hesperij
Vivite uterque decus Ligurum, uestrumque minores
Exemplum uili tollere pergat humo.*

FRANCISCUS CATALVSIVS.

Non modo Petrię, sed exteris quoque maximis Principibus Genuensum virtutem vsui & decori fuisse Franciscus Catalusius inter ceteros clarissimū exemplum est. quippe qui propter eximiam virtutē & fortitudinem, maximum auctoritatis, & potētiae locum apud Gręcum Cæsarem obtinuerit, maritumis rebus cum summo imperio Præfectus. Cuiusq. præter ceteram Cæsari multis locis nauatam operam, cōsilio, virtute.

virtute, cura, vigilantia Cantacuseni conatus ingentibus ac periculosis iniurijs res nouatis sint compressi. Quod egregium promeritum amplissimo præmio remunerans Cæsar Francisci memoriam ac gentis Catalusiæ nomen opulentæ ac celebris nominis insulæ Lesbi, vrbisque Mytilenes ditione nobilitauit, sorore illi in matrimonium data.

RAINALDI CORSI.

Me clara Cæsar donat Lesbo ac Mytilene,

Cæsar, qui Cræto præsidet imperio.

Quo Ligurum terra ac pelago notissima virtus

Præcipuo fiat munere nota magis.

AVRIETA AVRIA.

Non in viris modo, sed in fœminis quoque insita Auria genti bellica virtus illustri documento eluxit. Nam cū Amurathis Tūrcarū Regis ingens classis insulā Lesbū veterū scriptis celebratissimā petijset, copijsq. expositis oppidū arcta obsidiōe præmeret; resque in angustū adductæ essent, atq; oppidani diuturna obsidiōe, crebrisq. oppugnationibus fessi, non cō meatibus modo & ceteris belli apparatib⁹, sed viribus quoq; ipsos deficientibus deditionē spectarēt, Aurietā Auria Catalusio viro insulæ & vrbis domino absente armata in publicum profiliit, hominesque hortata, ne animum desponderent, neue sese, liberos, cōiuges

O in

in teterrimam Barbarorum. seruitutem proderent, se
 que ipsa Principem in præliis professâ, cum acres sti-
 mulos uirorum animis hac adhortatione & exemplo
 audaciæ admouisset, illi ignauis dēdiuōis cōsilijs abie-
 ctis fecinam Ducē secuti, subita eruptione facta tan-
 to impetu se in Turcas inuulerūt, ut illos ipso incur-
 su fuderint; ingentemque illorum ediderint cædem.
 Qua clade Turcæ perculsi soluta obsidione trepida su-
 ga se in naues receperunt, liberamque insulam re-
 liquerunt.

RAINALDI CORSI.

Iniecere faces animo pietasque fidesque:

Atque amor ingenui cura pudica tori.

Quæis crinem galea exornans virgo Auræa serenas

Absenti ciues, mœnia, teque viro.

Segnius haud studio Patriæ nunc ardet Vbertus,

Qui tua ne pereat gloria, totus agit.

ANTONIUS GRIMALDVS.

SEcundæ aduersæque res lucum quidem & gaudiū
 miscere solent, ac famam variare clarorum virorū,
 nequaquam debent. nihil igitur posterior infelix ex-
 peditio de Antonij Grimaldi laude in priore expedi-
 tione parta detrahare debet, sed potius posterioris ad-
 uersæ euentus sensus a priore gloria obrui. Idē igitur
 quod

quod non Patria modo, sed egregij ipsi conatus atq;
 ausus, nos quoque laudibus nostris virtutis & fortitu-
 dinis Antonio Grimaldo testimonium debemus da-
 re. qui in prima expeditione firmissimè quinq; & qua-
 draginta triremium classis Præfectus excensione in ter-
 ram facta maiorem Balearicam & Cataloniã magnis
 cladibus affecit; Regibusq; Aragonio & Balcarico bel-
 lum indixit. Qui ut ferociam Grimaldi retunderent,
 classem duarum & quadraginta triremiũ, ad hoc ma-
 gni numeri longarum nauium varij generis contra il-
 lum miserunt. At Grimaldus e portu minoris Bala-
 ricæ, in quem se illum inclusuros, & obfessuros hostes
 sperarant, impigre egressus tãto impetu illos inuasit,
 ut hostes audacia territi; simulque impressionem non
 sustinentes se se in turpem & præcipitem fugam cõie-
 cerint. Grimaldusque eximium decus Regiarũ elatũ
 suum fugatarum unaque ingentem prædam in Patriã
 rettulit. Spectatæ Antonij virtutũ vno & vigesimo post
 anno Patria sexaginta triremium classem commisit.
 qui cum Veneti & Catalani fœderati classem octogin-
 ta triremium coniũxissent, non timuit fiducia virtu-
 tis & superiore felici rerum successu elatũ prælium cũ
 classe numero tanto superiore cõmittere. in quo diu
 sustinendo quamquã omnia, quæ imperatorij mu-
 neris fuerunt, abunde præstitit, is tamen pugne exitus
 fuit, ut ingenti clade accepta documento posteris
 fuerit, neminem ita suæ ac suorum uirtutũ fidere;
 atque hostem quamuis sæpe victum & fugatum con-

temnere debere, vt non incerta humanorum casuum, & fortunæ vicissitudinem secum reputet.

LANFRANCVS VSVSMARIVS.

IN rebus quidem gerendis magnâ proculdubio partem fortunam obtinere veteres putarunt. quam nisi comitem habeat virtus perraro egregia consilia ad effectum perducantur. At in claris viris laudandis nullus esse debet fortunæ locus. Omnia enim virtus occupat. quorum igitur virtus, excelluit, eorum memoria nullo modo extingui debet, quâuis nullum illis campum dederit, fortuna, in quo excurrere posset virtus. Quis igitur Lanfrancum Vsfumarium inter memorabiles Ligures immerito locatum dicat, aut quis consilium nostrum reprehendendum ducat, quod ad amplissima de illo a Patria facta iudicia nos quoque præconij nostri testimonium accommodauerimus? quæ nisi spectatæ Lanfranci fidei, virtuti, audaciæ, consilio tantam sui partem, tantasque suas vires, quibus amissis haud facile alias esset recuperatura, nunquâ commisisset. Atque ego funestæ rei abominandam mentionem libenter omissem, ne vulneribus Patriæ obductam cicatricem attrectâdo refricarem, ni ne in clari viri famam eiusque posteritatem iniuriosus fuisse existimarer, virtus essem. Cum igitur partium furor eo vesaniæ processisset, vt præpotentis Genuensis populi vires in se conuerse mutuis secladibus ipsæ cõficerent, Guelphis Genuæ rerum potentibus, ac dimidia ciuitatis parte urbe

be extorre. Friderici secundi perpetui Genuensis nominis hostis Classis Gbellinorum Genuensium classe sibi adiuncta Ligustica littora incēdijs, excursionibus, rapinis continenter infesta faceret, Lanfrancus Guel forum, Præfectus quamquam numero nauium par, genere tamen longe inferior, octo enim & sexaginta triremium classis Friderici fuit, cum in Genuensi classe totidem quidem uumero, uerum minoris formæ multa essent nauigia, hostili classi obuius factus certamē nō detrectauit. quod hostis committere ausus non est. Vt non vulgatæ virtutis specimen censendum sit, imparē viribus, conditione parē discessisse.

LVCIANVS AVRIA.

LVciani Auriæ nomē eo clarius est, quo minoribus copijs ingentem ac cuius æquandam victoriam peperit. Duarum enim & viginti triremium Præfectus cum totidem Venetis quamuis bellatorū numero aucto firmatis congressus longo & cruento prælio, in quo ipse fortiter pugnans cecidit, illos vicit, quindecim nauibus ac duobus millibus & quadrigētis hominibus captis, cum circumstantes primores in eius locū alium iisdem armis & insignibus subornassent, ne pugnantes, si sensus Ducis interfecti ad illos peruenisset; cuius virtute maxime confidebant, animis caderent. Res bellicas æquarunt & ornarunt eximia humanitas & liberalitas, singularisque Ciuium suorum charitas. quippe

quippe qui militum inopiam argēto, suppellectili atque omnibus suis vēditis sepe subleuarit, ac militi cui dam ad genua procumbenti, seque fame deficere clamanti fibulam argenteā a cingulo præcisam, cum nihil reliquum esset, donarit. Vt Luciani mortui, qui cū anima rem quoque familiarem Reipublicę donasset, liberis de publico subueniendū fuerit. Iure igitur Genueses partæ victoriæ, ac clari viri memoriā sacro anniuersario, atque aurei Aulę dono ad posteritatē cōtstatam esse voluerunt.

IO. BAPTISTAE FONTEII PRIMIONIS

Lucianus Venetum quadriremes Auria quondam

Idem æque turpem vicit avaritiam.

Nec bello ipse Ducein quam maluit esse parentem,

Se sua concedens omnia militibus.

Cedite Frabritij, Romani cedite, si quos

Sumptus in extremo funere destituit.

Nam stipe collata sobolem Respublica egentem

Luciani fuit grata memorque sui.

PETRVS AVRIA.

Innisigne in vtramque partem Petrus Auria posteris documentum fuit, nemini suę gentis rerum gestarū magnitudine secundus futurus, si ad bellicam virtutē moderationis quoque, atque animi fortunæ vicissitudinum,

dinum, humanorumque casuum memoris laudem ad iūxisset, ac ni gloriam bello partam superbia & arrogātia deformasset. quam turpitudinē aūget Luciani gentilis sui proxima cōparatio, cui ille in imperio succēssit. Quid enim gloriosius fuisset, quam Clodia vi expugnata, sex hostium millibus acriter urbem defende tibus cēsis, opulentissimam urbem Venetias, rerumq; gestarum atq; impērij magnitudine inter ceteras Europæ clarissimam veluti faucibus oppressam ad necessitatem pacis perēda, legesq. a victore accipiendi supplicem adegisse? ni animus secundo rerum cursu clatus, fortunæq. insolentia vltra omnes officij fines prouectus eas conditiones tulisset, quas pudeat referre. Quæ conditiones legatione renuntiata adeo iram & indignationem Venetorum accenderunt, vt in rabie versi, omniq. pacis cogitatione deposita sese ad omnia vltima experienda compararint. quo factum est, vt præclaris inijs ea, quæ consecuta sunt, minime responderint, nomenque Petri, qui maximo bello fortasse confecto plenus gloriæ in Patriam redire potuerit, paulatim consenuerit, tantarumque rerum felicissima initia tractu in dies duriora, exitu irrita fuerint.

THOMAE CORREAE.

*Sapit fauente sorte qui modum tenet,
Nec fidit auris prosperis sibi imperans,
Licet secunda suppetant. Quid aureus*

Aceruus

*Aceruus, & quid ampla Regna te iuuant,
 Et quid trophæa parta, nulla si ex tuo
 Honore gloria extat? Exempla inspicere
 Mutationis, vmbra, imago, somnium
 Humana gens, Deæque instabilis iocus.
 Sors nulla libera omnibus molestijs
 Amandus exitus tamen, nil pulchrius,
 Quam in omnibus modum tenere statibus.*

GASPAR SPINULA.

Venetorū bella seges victoriarū ac gloriæ Genuen-
 sibus fuerunt, vt sæpe de illis mentio facienda no-
 bis sit. nihil enim rerum Clodianarū successu Genuē-
 ses animis infracti Gasparem Spinulam, quem nō mo-
 do nobilissimæ ac præpotētis familiæ splendor, sed spe-
 ctata etiam virtus conspectum faciebat, Auræ succes-
 sorem cum præualida triginta tritemium classe mise-
 runt. qui Hadriaticum sinum ingressus Matthæo Mar-
 ruffo, qui cū parte classis præmissus egregias ipse quo-
 que res gesserat, sibi adiuncto ad intimum sinū pene-
 trauit, in ipsoq. Veneti portus ostio classe explicata
 & in pugnam directa copiam pugnādi hostibus fecit,
 Venetisque certameu detrectantibus totā ditionis Ve-
 netæ ora peruagatus, copiisque sæpe in terram exposi-
 tis complures Venetorum clari nominis vrbes expu-
 gnauit ac diripuit. in quibus fuerunt Iustjinopolis, &
 Pola; Tergestum quoque ad deditionis necessitatem
 adauctum,

adauctum, ac Patriarchæ Aquilegenſi donatum. Gen-
 uamque reuerſus ingenti parta gloria, ac præda onu-
 ſtus nō tam rerum pretio, quam religionis veneratio-
 ne conſpicienda compluribus Diuorum reliquijs e ca-
 ptis vrbibus aduectis. quæ in Aedes ſacras adſeruan-
 deſq; diſtributæ ſunt.

IO. HIERONYMI CATENAE.

Afflictus ſtudent rebus ſuccurrere Caſſar,
 Deleſtaſque acies, & merſas littore puppes
 Inſtaurat, Venetoſque ciet, ſegnēſque fatigat.
 At poſtquam bello non commouet, oppida cepit,
 Hadriacumque ſinum uexans, hoſtilia ſigna
 Rettulit, et prædas, egitque ex hoſte triumphum.

MEGOLVS LERCARIVS.

QVipriuatae ſortis homines iniurias ſuas occultis
 conſilijs & coniurationibus in maximos Princi-
 pes vel vlti ſint, vel vlcifci infelici auſu tentarint, non-
 nulli omnibus ætatibus inuenti ſunt. At Megolus Ler-
 carius Ciuis Genuēſis nobili & peruetuſto genere or-
 tus nouo atque haud ſcio, an vnico incredibilis auda-
 ciæ & fortitudinis edito facinore virtutem priuatorū
 hominum ipsis etiā Regibus & ſummis Principibus
 alia quoque de cauſſa verendam & formidoloſam fe-
 cit. quippe quos docuerit aperta quoque vi, armisq.

P vltro

ultro inferendis iniuriarum & contemptus sui interdū vindices esse. Is enim inter Aulicos Cæsaris Trapezūtij cū esset, Lusuque, vt fit, pomeridianas horas traduceret, in altercatione & iurgio ab homine, qui magnū gratiæ locum apud Cæsarem obtinebat, colapho cæsus, cum iniuria sua a Cæsare neglecta esset, omnē iracundię & generosę indignationis impetum humilitate auctoris sprete in ipsū Cæsarem contulit. Genuā enim Patriam cum venisset, animi moestitiam squalore atq; habitu corporis præferēs, iniuria amicis & propinquis exposita, illorū opibus adiutus, duas triremes comparauit & instruxit. Cum quibus egregia florentis ætatis bellatorum omnisque naualis instrumenti & bellici apparatus copia refertis tanta maris emēsus spatia Euxinum ingressus, non populationibus modo, incendijs, vastationibus omnem Cæsarianę ditionis oram breuī infestam fecit, sed vim implacabilis animi memoriamque & iram alte insidentis iniuriæ volentis in miseros a se captos foedo supplicij genere expromebat. quos naribus & auribus defectis dimittebat, vt videlicet contumeliam in ore acceptam illa oris deformitate reddenda vlciſci videretur. Quibus acerbitatibus impulsus tandem Cæsar quatuor triremes in illum armauit. quas Megolus, cum aperta vi imparem se intelligeret, astu sollerti que consilio elusas vicit. Simulata enim fuga cū Cæsarianæ omnibus remigij viribus connixæ fugientes insequerentur, disparique celebritate aliæ alias anteirent, Megolus respiciens cū astū sibi

sibi processisse, pugnaq. illorum segregata imbecilliores fore illos cerneret, in duas proximas conuersus reliquis longo interuallo sequētibz, easque adortus ipso impetu & incurſu oppressas cepit. quo exemplo reliquæ perterrefactæ fuga salutem expediuerunt. At Megolus triremibus suppressis vſitata deformadi oris exempla in captos edidit. quos dimittēs nuntiare Cæsari iussit, vnam illi tantummodo esse, se se ac populos suos a tantis cladibus eximendi rationem, si eum, qui ipsum iniuria affecisset, sibi in manus daret. aliter sibi de iniuria satisfieri non posse. Quod cum Cæsar malis & populorum fremitu victus fecisset, Megolus hominem ad se adductum calce prius in consensu triremis in ore percussam ad genua in humiles fletus proiectum, ac mortem quidem tam audacis superbiæ & arrogantia facinori debitam fatentem, sed tormenta & cruciatus deprecantē benigne allocutus bono animo esse iussit, cum addidisset egregiorum ac fortium virorum moris non esse, in mulieres sœuire. quod anticeps dictum in muliebres hominis fletus in speciem iam famam gratia apud Cæsarem flore ætatis collectę oblique perstringebat. Ceterū cum sibi assatim satisfactum esse diceret, vnam reliquā esse addidit erga Genuensem nomen satisfactionem, cui non minor quā ipsi facta esset iniuria, si Cæsar Trapezunte Aedes publicas negotiatoribus Genuensibus ædificasset egregij facinoris serie in parietibus pictura expressa, ad documentum ſanciendum, ne quis in posterum illius na-

nationis homines iniurijs cuiusquam obnoxios ducere . quas Aedes Cæsar ex pacto ædificatas homine recepto Genuensium nationi domicilium assignauit . Tantam indolem, tamque admirabilem animi magnitudinem quamquam alio in genere ætate nostra Francus Lercarius rettulit . nullum est enim magnificentæ specimen, quod Regia illius liberalitas copiose nō præbuerit, egentium inopia leuanda, afflictæ amicorū fortuna sustentanda, omnium, qui in eius opē confugiūt, angustijs subleuandis, præclaris artibus amplectendis & fouendis, litteratis & ingeniosis viris domi alendis, atque honorifice tractandis, Patriæ, cum tempora Rei publicæ postulant, large subueniendo, immanibus infinitisque sumptis cum priuatorum tum publicorum & sacrorum ædificiorum substructionibus urbem ornando. quæ res gloriam quidem viri, non autem animos supra ceteros extollunt, nullosque illi spiritus faciunt . quin contra ab omni fastu ita abhorrens est, ut cum opibus, quas amplissimas possidet, ditiones honorumq. insignes titulos ultro delatos sibi posset parare, illos repudiarit. Ut cū fortunæ amplitudine singularis animi moderatio raro admodū exemplo coniuncta appareat.

RAINALDI CORSI.

*Sensisti Cæsar miseratum publica damna,
Non mea me, Patriæ uascor et intereo.*

Iam

ACTIOLINI LERCARII.

Iam fileat memoranda Ducum miracula fama
 Quot Patriæ generisque extera quotque canit,
 Fando umquam? Immanes populos, longe auia terris
 Imperia vni homini Marte suo domitat
 Tantum instar Ligurum, quantunge arma inclyta bellis,
 Iusta ira, & virtus conscia, gentis honos.

MATTHÆVS MARRVFFVS.

Cum egregiæ res, quas haud contemnendarū clas-
 sium Præfectus Matthæus Marruffus gessit, illius
 nomen ab obliuione hominum vindicant, tum vero
 singularis iustitiæ & continentiae gloria in claro viro
 præfulget. Nam quod ad bellicas res attinet, vt com-
 plura alia egregia facinora omittatur, quæ Annales di-
 ligenrer persequuntur, duo illa memorabilia fuerunt,
 quod nouem & viginti triremiū Præfectus, tum cū re-
 bus ad iniqua inclinatis Veneti Genuenses in vrbe Clo-
 dia obsidebant, in ostio portus Veneti bis classe in pu-
 gnam directa hostem ad certamen prouocauit. & to-
 gati virtutes ita enituerūt, vt nō modo ipsum admira-
 bilē facerēt, sed in alios quoq; redundarēt. quippe qui
 populos, quos Prætor a Genuensib; missus rexit, in suos
 mores formaret. quare fiebat, vt vrbes illi cōmissæ nō
 iā vrbes, sed oīs sanctitatis domicilia viderētur; homi-
 nesque

nesque ab alieno nō modo rapiendo, & furto subtra-
hendo manus & cupiditatem abstinere, sed pretiose
res noctu inter pedes sorte oblatae a nemine prætereū-
tium attingerentur; domini que luce orta dimissas res
in publico inuenirent. quæ gloria rem vere existiman-
tibus bellicis laudibus tanto clarior existimanda est,
quanto rarior semper fuit:

ALPHONSI SALNESII.

Draco, Zaleucus, Solon, & Licurgus

Legis auctores sacra condidere

Iura, quæis grandes populos & urbes

Pace ligarent.

Fecit at nullus quod agit Maruffus,

Nempe dum terras Genuæ gubernat,

Victor & iustus fuit ille Index

Tempore in omni.

Nocte si forsitan cecidere Gazæ,

Si vel incaute cadit æs, vel aurum,

Nocte si reddit, reperit viator

Iudice tali.

Virtus est ingens, animique robur,

Lege non solum fugat ille prauos

Moribus verum studiisque Sanctis

Atque quiete.

ISNARDVS GVARCVS.

INter tot nauales victorias, totque viros maritimarum rerum fama insignes Isnardi Guarchi nomē in primis fulget. qui Geuensem virtutem terrestriū quoque rerum gloria claram fecit. quippe qui pedestres & equestres copias & genere firmissimas, neque numero contemnendas a Barnaba Vicecomite Mediolanensium Principe Venetorum instinctu ad Genuam premedam missas atroci & cruēto praelio fuderit ac derit, maxima parte obtruncata, reliquis in fugam coniectis, in quibus fuit Veteranorum legio stellæ cognomine insignis Italiæ prægrauis ac formidolosa. nullus enim Principis stipendijs addicta assiduis excursionibus & populatiōibus multas eius Prouincię partes infestas faciebat. Vt huius victorię fructus non modo ad Genuenses, sed ad quamplurimas Italiæ Ciuitates magna cum illarum lætitia perueniret. quā pleræque illarum litteris & nuncijs testificatæ sunt; gratiasq. Genuensibus egerunt, quod illorum virtute & fortitudine a tanta molestia essent liberatæ. Genuenses quidem hanc victoriam in magnis numerant. quam anniuersario sacro in Aede Diui Georgij & Aulæ aurei dono, qui honos non nisi maximis victorijs haberi solet, immortalitati commendādam censuerunt. Ac ne nauali quidem gloria Isnardus caret. qui vnus & triginta tiremium Præfectus Zenum Venetæ classis Præfectum

fectum Liguriæ oram excursionibus & populationibus infestam facientem fugauit.

RAINALDI CORSI.

Quæ sibi Sydereum cælo deducere nomen
 Ausa fuit Legio terris infesta Latinis,
 Iniurata, atrox, non Regis signa secuta,
 Non Ducis, hanc Ligurum sedes & Regna petentem
 Insubriæ agminibus coniunctam, & grandia de se
 Professam Venetis Isnardus cædit & urget,
 Obscuro tradens multis cum millibus orco.
 Vndantem excipiunt hostili sanguine ciues,
 Italia armorum plausu gratatur, ouatque
 Maiorum uotis damnatur sera iuuentus.

LVCAS FLISCVS.

Ad togæ splendorem, quo nobilissima gens Flisca
 ceteras Genuenses longe anteuuit, bellicas quoque
 laudes inter ceteros addidit Lucas Fliscus. Qui
 Florentinarum copiarum Dux urbem Pisas maximis
 rebus gestis, clarissimisque victorijs, ad hoc late propa-
 gato imperio nobilissimam diuturna obsidione pres-
 sam, ad extremamque omnium rerum inopiam addu-
 ctam ad deditionis necessitatem adegit.

SIGISMVNDI DONATI.

Cum Pisana sibi victricia signa videret
 Inferre arx hostes, talia dicta dedit.
 Cur adeo ex te iactas Florentia, quod me
 Viceris imposito iam tumefacta iugo?
 Non tua me virtus, tua nec praesentia vicit,
 Me me Dux vicit, perdomuitque tuus.
 Non tua, non igitur iam sum Florentia, magno
 Debeor at Flisco, qui meus est domitor.

LAVRENTIVS FOLIETA.

ADmirabilis fortitudinis inuictiq. animi specimen
 Laurentius Folieta gentilis ac proauus meus in
 mari oceano edidit. Is enim vnus naus Praefectus cū
 in classem septem Anglicarum nauium, quam duce-
 bat Dux Veruichius Regij generis vir incidisset, in qua
 mille & ducentos bellatores fuisse constat, cum Laurē-
 tium non plus duos & septuaginta habuisse incorru-
 ptis annalium monumentis tradatur. Cumque An-
 gli Genuensem nauem circumstissent, Folieta nihil
 tanta in se incumbēte mole animo infractus, sed suos
 cohortatus, vt aut egregia victoria, aut memorabili
 morte tetram seruitutē morte ipsa duriorē a se de-
 pellerent, atrocissimum praelium multas horas extra-
 xit. Tandem cum Genuenses lassitudine confectos

Q vulne-

vulneribusque exāgues, octo ex ipsis interfecdis, quinquaginta vulneratis, vires magis quā anim⁹ deficerēt, iamque Angli ponte iniecto assensum tentarent, Folietā, qui in prēlio sustinēdo omnes & boni Ducis, & strenui militis partes impleisset, tum quoq; in extrema spe se ipse non deserens, omniaque circumspēctans vnum ex socijs, cuius virtus in primis conspecta fuerat, graui vulnere in iugulo accepto pugna excessisse conspīcatus. Ita ne vero, inquit, mactē virtute. nunc cū maxime audacia & opera tua opus est, in medio pugnae ardore nos ac te ipse deseris? Vulnusque hominis illo innuente, cum prēvi effluentis sanguinis loqui nō posset, linamentis, vtcumque potuit, clausit. Ille vero securi arrepta asserem, quo pons innitebatur, magna vi praecidit; ponsque corruens haud exiguum superstitium hostium numerum vna secum traxit. qui omnes vndis hausti sunt. Cuius spectaculi stupore Angli defixi cum animis obtorpuissent, nullum operæ pretium rati, homines, quorū nullo aut labore corpus fatigari, aut terrore animus vinci posset, ipsaque desperatione in rabiem versos vltius tentare, pugna dirempta Genensem nauem liberam reliquerunt.

10. BAPTISTAE FONTEII PRIMIONIS.

Cocles ut Hetruscos arceret Horatius Hostes

Se se confracto ponte dedit flumini.

Ansus in aduersas septem certare triremes

Exigua

*Exigua Laurens tu Folieta rare,
 Deſcis incifo conſertos ponte Britanos,
 Gurgite quos ingens obruit oceanus.
 Ergo illum ciues, hoc tu felicior uno
 Hiſtoricus celebrat quem Folieta nepos.*

IOANNES FVLGOSIVS.

TRes uirtutibus ſimul & meritis memorabiles ſra-
 tres eadem gens Fulgoſia tulit. Quorū Thomas,
 qui maximus natus fuit, Principatum Patrię adeptus
 Rempubicam tanta cum prudentiæ, moderationis,
 æquitatis laude adminiſtrauit, ſingularēque ſuam in
 Patriam charitatem tot tamque egregijs documentis
 declarauit, ut eius nomen in ſempiterna beneuolentia
 & ueneratione Genuenſibus eſſe debeat. At Ioannes
 clariffimum incredibilis, atque haud ſcio, an vlli ſæcu-
 lorum ac gentium memoriæ comparabilis audacię, ſi-
 mulq; militaris aſtus ſpecimen edidit, ut facinus in om-
 nes partes nobile, nec conatu magis quam effectu ad-
 mirabile nulla umquā poſteritatis obſcuratura ſit obli-
 uio. Nam cum Alphōſus Aragoniæ Rex Inclytus Bo-
 niſacium Corſicę urbem natura loci inexpugnabilē,
 præaltę enim atque vndiq; abſciffę rupi impoſita ma-
 xima ex parte mari in peninſulæ modū circumluitur,
 ingentibus naualibus ac terreſtribus copijs circumle-
 diſſet; oppidani que omnia extrema perpeſſi ad ſum-
 mamque omniū rerum inopiam adducti deditiōē

pacti essent, ni intra certam diem subsidium Genuen-
 sium venisset; Alphonsusq. proinde, vt aditū portus,
 quę vna erat subsidij introducendi via, Genuēsisbus in-
 tercluderet, cathena inter vtrūque cornu ducta, ea-
 trabibus & funibus religata ac firmata ostium portus
 centum quinquaginta passus circiter patens, cum por-
 tus mille passus introrsus sit retractus, clausisset; clas-
 semque præpotentem trium & viginti triremiū ac tre-
 decim corbitarum nauium opportunis locis collocas-
 set, in quibus vna fuit ea magnitudine, quę terrestri-
 arcis instar esset; magnamque bombardarum vim in
 vtroque portus cornu disposuisset, vt neminem sanū
 eo accessurum, ac munitionē in expugnabilem tenta-
 re ausurum crederet, Ioannes ne fidelissima colonia,
 cuius tantę essent rebus Genuēsisbus opportunitates,
 in manus hostium veniret, animam pro Patria, cuius
 dignitas & salus ea in vrbe cōseruanda haud in postre-
 mis verteretur, profundere non dubitauit; septemque
 onerarijs nauibus omni bellico apparatu instructis a
 Thoma fratre Duce acceptis, in quas ingēs fortissimo-
 rum bellatorum numerus conscendit, qui sese eadem
 deuotione Patrię obstrinxerunt, e Genuę portu sol-
 uens in cospectum hostium venit; nihilq. horribili spe-
 cie munimentorum deterritus opportunum conati-
 bus ventum nactus cum munitionem inuasisset trabi-
 bus ac funibus, quibus cathena deligata ac firmata
 erat, ipso impetu perfractis, cathenaque disiecta præ-
 lium cum nauibus oppositis commisit, angustijs ostij
 Genuenses

Genuenses adiuuantibus, ne a multitudine circumuenirétur. quod atrox & diuturnum fuit ab hora tertia ad vespertinam extractum, cum assiduis bombardarū iſtibus Genuensis classis peteretur. aduersus quæ omnia Ioannis & Genuensium inuicta virtus stetit. Tandem cum audacia astu & consilio iuuanda esset, Andreas quidam celebris inter Genuenses nominis vrinator, qui quod sub vndis magnum temporis spatium illæsus duraret, mergus vulgo appellabatur, Ioannis iussu ad prægradem nauem vndis occultatus adnatauit. qui cum funes, quibus anchoræ alligatæ erant, præcidisset, nausq. proinde nullis adminiculis firmata pro ra conuersa in hanc & in illam partem ferretur, sæpeq. in Aragonenses ipsas naues incurreret, Ioannes occasionem arripies per mediam hostium classem, partim illis stupore audaciæ defixis, partim naui iactata omnia turbante, ac ministeria nautarum & bellatorū impediēte perrupit; & ad intimum sinum vrbsque crepidinem incolumis penetrauit; ac subsidium hominum, & bellicorum apparatus, omnisque generis comeatuum in urbem introduxit. Nec minoris virtutis minorisue consilij aut gloriæ reditus, quā accessus fuit, nec minore astu Aragonenses sunt elusi. Qui cū bipartitam classē vtrique sinus lateri prætendissent, quo Genuensium classē egressum tentantem mediam accipram & circumfessam demergerent, Ioannes veterem nauem picis, sulphuris, bituminis, aliarumque rerum ignem facile concipientium plenā præcedere agmen iussit.

iussit. quæ classis Aragonensi cum appropinquasset, nautæque superstantes materia incensa in scaphâ delijsissent, igneque subito concepto cum vehementi flante vento flammæ late iactatæ ad Aragonensium classem peruenirent, illi appropinquantis pestis metu trepidi, pugnaeque obliui, qua cuique proximum & expeditum fuit, in terrâ desilientes liberum egressum Genuensibus reliquerunt.

IO. BAPTISTAE FONTEII PRIMIONIS

Inuito ueluti Romano Punicus olim

Arma Stryacosis fertque refertque sinu,

Tali Ioannis fulgosi ad litora Cygni

Alphonsum virtus ludit Aragonium.

Ausa tot oppositas paucis penetrare carinas

Regis, & obstructi fauce redire sali.

Inunc, atque aliquas antiquis asserere laudes

Quas minus est ætas postera cauta sequi.

BAPTISTA FVLGOSI VS.

Baptistâ vero ut honoribus ita virtutibus eximium fuisse putandum est. neque enim nisi spectatæ virtuti alienigenæ præsertim hominis Ludouicus Andagauensis Apuliæ Rex, idemq; Prouinciæ Comes summam maritimarum rerum cum insigni Halmirotis titulo detulisset. quod summi honoris nomen in alijs

Ciuiß u

Ciuiibus merito elogio profecuti, in Baptista quoque
suo præconio ornare debuimus.

IOANNES GRIMALDVS.

CLarorum uiroꝝ virtus non modo publica vtili
tate est amplectenda, sed sua ipsa dignitate suspi
cienda. nec minus apud posteros in honore esse de
bent ij, qui Ciuitatibus suis decori, quam qui vsui fue
runt. qualis fuit Ioannis Grimaldi spectata virtus. ob
cuius famam ille à Mediolanensium Duce classi Præfe
ctus cum præualida Venetorum classe & nauium nu
mero, & pugnantiũ multitudine, & omnis bellici ap
paratus copia longe superiore in Pado fluuio ad Cre
monam vrberẽ cõgressus egregia victoria docuit, Du
eis virtutem ceteris omnibus rebus præponderare; Ve
netis ingenti prælio profligatis & fufis; octo & trigin
ta nauibus, octoque hominum millibus captis.

Ductorum virtus quam sit præstantior omni

Vi armorum clare sæcula prisca docent.

Testis adest Marathon, Salaminaque, Termopilaque,

Quam parua tulerint magna trophæa manu.

Clarius inuicti at clasfis perparua Ioannis

Grimaldi captis hostibus enituit.

Qui Insubrum paucas ducens in bella catervas.

Inde domum insignes rettulit exuvias

-11990

Testatur

Testatur magnæ turris præcelsa Cremonæ

Tinctus & effuso sanguine utrinque Padus :

RAPHAEL MONTALTVS.

Non minore gloria Raphael Montaltus insulâ atq;
urbem Chium in primis fructuosam, cōmercijsq;
opportunitatem Reipublicæ Genuæ conseruauit, quam
Simon Vignosius acquisiuit. Atque haud scio an fa-
ctum Montalti eo sit magis suspiciendum, quo maio-
ris dimicationis res fuit, ac cum potētiorē hoste gesta.
Nam cum Veneti cū præualida octo & viginti nauium
classe, quarum tredecim ingentis magnitudinis corbi-
te fuerunt, reliquæ quindecim trirēmes maioris fere
omnes formæ, aliam expeditionem in speciem præferē-
tes Venetijs profecti insulâ improviso tenuissent, haud
dubia spē urbis campestris non flumine, non fossa cin-
ctæ, neque mœnibus validæ, tum autē nullo præsidio,
ut in nulla tali suspitione firmatæ, primo aduentu, at-
que ipso impetu potiundæ; copiisque expositis urbē
terra marique circumsedissent. Cum Ciues re subita
nec opinata trepidi tanto circumfistēte terrore obtor-
puissent, Raphael, ad quem totius colonix consensu
rerū summa delata est, cum dispositis opportunis lo-
cis præsidij, ceterisque utcumque potuit in tantis rei
& tēporis angustijs preparatis & expeditis se se ac Ci-
uium animos ad defensionem atque ad omnia vltima
experienda confirmasset, cōplures atque atrocissimas
oppu-

oppugnationes mira virtute & constantia sustinuit, cum Veneti sæpe cū magna cæde ac multis vulneribus repulsi essent; atque etiam ex successu crescente audacia crebris eruptionibus vltro petiti, idque eo maiore cum laude, quod non vſitato oppugnationum more mœnia tentabantur, sed vrbe pluribus in locis ruina mœnium, quæ bombardæ proſtrauerant, patefacta, veluti æquo campo concurrebatur. Postremo cū Veneti portu vrbis potiti essent; nauibusque ab ea parte mœnibus applicatis maritima queq; oppugnatione vrbem cæpissent vrgerē: malisque nauium altitudinē mœnium superantibus ex corribus bellatorum referatis ingentem missilium vim funderent, defensoresque locum illum relinquere coacti essent, atque hostes proinde ad mœnia defensoribus nudata scalas crexissent, haud dubie in vrbem trāscensuri, reliquis Ciuibus imminētis pestis specie oculis atque animis obuersante exanimatis, cuius vitandæ nulla ratio expediretur, Raphael cum se se nō deferūisset, singulārī audācia, egregioque consilij atque animi aduersus omnem formidinem inuicti exemplo periculum discussit. A diuersa enim vrbis parte egressus, delectaque fortissimorum iuuenum manu, quam secum rapuit, circumducta, terga scandentium inuasit. quibus partim cæsis, partim in fugam coniectis vrbem seruauit. Quare Veneti cū etiam celebris illis tēporibus nominis Dux Scaramucia Papiensis, dum in operibus paulo incautius versatur, tragula ictus cecidisset, omnia nequidquam ex-

R perti

periti, fracto aduersis rebus animo obsidione soluta,
irritoque incepto urbem liberam reliquerunt.

ALPHONSI SALNESII.

Qualiter puppim rapidis procellis

Plante nauclerus zephyro gubernat,

Prora ne syrtes Libycas subintr et

Ore uado so.

Nonne Montaltus Raphaellus ille

Sic Chium nisis Venetis potenter

Seruat, ut longa liberaret urbem

Obsidione?

Possset angustam superare vallem

Tela dum torquet Venetus, sed altum

Montem, & excelsam Raphaellis arcem

Quis superabit?

NICOLAUS FVLGOSIVS.

Quod Fulgosiorum suorum perpetuæ & contes-
tatae gloriæ debuit, abunde reddidisse existi-
mandus est Nicolaus. qui in ipso adolescentiæ flore
Patriæ classis Præfectus Renati Andegauensis auxilio
missus arcem nouam Neapolitanam, quæ ab Arago-
nijs tenebatur, præalta circum fossa ducta, crebrisq. ca-
stellis excitatis veluti circumuallatam arctissima mari
terraque obsidione atq. acerrima oppugnatione assi-

duc.

due vrgendo ad deditiois tandem necessitatem ad-
git. Cumulatur arcis munitissimæ, quæque illis tempo-
ribus inexpugnabilis habebatur, expugnata gloria
egregijs animi magnitudinis laudib⁹. Nicolaus enim
nihil Alphonſi tanti nominis ac potentia Regis cum
maximis copijs ad obsidionem soluendam aduentan-
tis fama deterritus, se se ad resistendum duplicato ca-
stellorum numero comparuit; in ancipitiq. discrimi-
nē positus hinc ab arce; inde ab exteriori hoste, Re-
gis conatus sæpe munimēta tentantis irritos reddidit.

HORATII BLADII.

Celsam Parthenopes Ductor Fulgosius arcem

Dum quatit: & totis viribus vrget opus:

Pugnantem rex hunc Gradius vidit ab alto:

Vidit, & ardenti est concitus inuidia.

Quis nouus hic, inquit, consurgit ad æthera Maors?

Quis mihi bellando se putat esse parem?

Dixerat, obfessæ cum defensoribus arcis,

Ne vinci possent, vimque, animumque dedit.

Nec satis, Alphonsum ualidas ducere cohortes

Iussit, & egregio bella mouere Duci.

At medios inter positus Fulgosius illos

Frangit, & hos celeri copit abire fuga.

Protinus erubuit Maors: caeloq. relicto,

Oscula victori iunxit amica Duci.

IOANNES IUSTINIANVS.

Quibus virtutibus, quibusq; meritis, ac rebus ge-
 stis Ioannes Iustinianus ad eum gratiæ & digni-
 tatis gradum apud Græcum Cæsarem ascenderit, vt
 bellicis rebus tam mari quam terra cum summo impe-
 rio atque hōnōrificētissimo Halmirotis titulo sit Præ-
 sectus, nobis diu quærentibus haud satis compertum
 est. Egrégias certe fuisse virtutes, atque eximia meri-
 ta necesse est, quæ priuatæ sortis hominē apud exterū
 præsertim Principem ad tam altum hōnōris locum ex-
 tulerint. Verum, vt cetera huius viri obscura sint, Cō-
 stantinopolis oppugnatio clarissimum eius nomen fa-
 cit, magnumque nobili Iustinianæ genti splendorem
 conciliat. In qua oppugnatione sustinenda cum Ma-
 humetes Turcarum Imperator eam urbem ingentibus
 copijs circumseisset, ducenta enim armatorum mil-
 lia sub signis habuisse scriptores, qui minimū tradūt,
 ita omnia, quæ sunt imperatorij muneris executus est
 Iustinianus, vt eius virtute constet, præclarissimā vr-
 bem diu fuisse defensam; nec prius expugnatam in vl-
 timo prælio, in quo Cæsar ipse Constantinus fortissi-
 me pugnans cecidit, cum amisso imperio, vt tantæ ma-
 iestatis Principem decuit, nollet superesse, quam Iu-
 stinianus graui vulnere accepto, ex quo paulo post
 decessit, pugna excedere sit coactus. Cuius virtute de-
 fensores cum animis cecidissent, Turca omni-
 bus

ILLUSTRES.

127

bus viribus connixus augustissima vrbe, atq; omniū,
quæ sub cælo sunt, pulcherrima, quæq. immaniū sub
structionum magnificentia Romanam magnitudinē
spirer, orbisq. imperij tot sæcula domicilium fuerit,
sempiterna ac numquam delenda Christiano nomini
dedecoris & ignominie concepta macula potius est.

ANTONII HORTENSII.

Imperij sedes o Iustiniane, decusque
Te uiuente manet, te moriente cadit.
Nam velut Hecloreis olim stetit Ilion armis,
Atque vnus erat pergama tuta manu,
Bizanti columen, sic Regia Cæsaris alma
Fortuna tecum statque caditque pari.

FVLVII CARDVLI.

Hic Constantini turmas seruabat & arces,
Hic & Riphæis hostibus horror erat.
At simul occubuit, Turcis victoria cessit,
Mors Graium imperium sustulit vna Ducis.

FRANCISCVS SPINVLA.

O miseram Franciscum Spinulam, quod in hac mi-
litarium virorum classe illorum tantum memo-
riam recolere mihi propositum esset, qui autin sum-
mo

mo imperio positi fuissent, quique res eo dignas loco
gessissent; aut qui si minus ad illud fastigium peruenis-
sent, aliquo tamen insigni edito facinore nomē suum
memorabile ad posteritatem fecissent. Sed ipsa mihi
Patria manum iniecit, & consistere coegit, ac ne Fran-
ciscum merito elogio præterirem, pro iure suo mecum
egit, cum diceret se se a multis quidem ex filiis suis de-
fensam, ornatam, opibus, imperio, gloria auctā, a Frā-
cisco ab interitu seruata. Nam cum Mediolanensis
Dux eo cupiditatis prouectus esset, ut Genūam in si-
dem receptam in seruitium adducere vellet, atque eo-
dem quo Mediolanum & ceteras Insubiæ vrbes im-
perio suo subiunctas loco habere, eaque de causā Ca-
stelletum exiguum & infirmam arcem munimēto am-
plificato firmare, ab eaque arce, quæ edito loco posi-
ta subiectæ vrbi imminet, perpetuam munitionem per
mediam urbem ad portū perducere decreuisset, mœ-
roreque attoniti Ciues potius libertatem in perpetuū
complorarent, quam aduersus tanti Principis opes to-
ti Italiæ formidolosas, qui etiam superiora vrbis loca
prædijs & numero, & genere firmissimis obtineret,
oculos attollere auderent, vnus Franciscus generoso
animi impetu incitatus caput pro Patriæ salute tanto
discrimini obijcere non dubitauit. manu enim clien-
tium & amicorum corrogata in publicum prosiliens.
Ferro inquit, Ciues & audacia tetrum seruitutis iugū,
quod vobis & liberis uestris Tyrānus parat, discutiē-
dum est. Agite quicūque Rempubicam seruata cu-
pitis,

pitis, me sequimini. Qua voce simulque auctoritate tanti viri Genuensium consopita studia excitata ad libertatem recuperandam subitis & ingētibus motibus exarserunt. Armis igitur arreptis Franciscum Ducem secuti præsidium inuadunt, longoque & cruēto prælio tandem superatum, unaque cum illo Triuultiu vrbis Præsidem obtruncant, arceq. paucis post diebus recuperata se se in libertatem asserunt. Qui etiā Franciscus bellicis laudibus omnino non caruit, in quibus illa in primis egregia est, quod Caietam flagitantibus Caietanis & in opem confugientibus cum delecta manu a Genuensibus præsidio vrbis missus, obsidionem Alphonsi omnia vltima perpeßus cōstanter sustinuit, donec obsidio soluta est, Alphouso ad insulam Pontiam a valida Genuensium classe superato & capto: Quibus meritis deuincti Caietani legatis Genuā missis se se in Genuensis populi fidem tradiderunt, Prætorēque sibi Genua mitti postularunt, a quo interea regerentur, dum communis belli Mars decreuisset, vtri Regi ipsis parendum esset.

IO. HIERONYMI CATHENAE.

Non Caieta minus Francisco præmia debes,
 Qui te letisfero est quondam tutatus ab hoste,
 Quam quæ Campano te litore condidit alto,
 Illa licet fuerit nutrix Aencia, Ianus
 Hunc pater enutrit Rex seruantisimus æqui.

Hic

*Hic tibi iura dedit, leges hic sanxit honestas,
Hic numquam Patrie pro libertate tuenda
Extimuit duri rescindere iussa Tyranni.*

IANVS FVLGOSIVS:

Cvmulat haud dubie claræ gentis suæ stēmata vir
tute & dignitate sua Ianus Fulgosius. Cui graue
infiatū vulnus in bonū ac decus uertit. Neq; enim
Principatu patriæ deiectus in hominum contemptu
& in solitudine ignobili exilio consenuit, sed a Vene-
tis illustri fauore exceptus in summo bellicarum rerū
imperio ob consilium, fortitudinem, virtutem multis
locis conspectam positus est. qui honos vel non nisi
magnarum rerum gloria claris viris, vel insignis impe-
rii titulo fulgentibus haberi solet.

PIERII AVIOLAE.

*Vivida vis animi minaci in pectore quantum
Polleat, e claris percipe Principibus.
Exilio, senioe, laboreue clara Camilli
Non tabuit virtus, sed magis enituit.
Sed sileant reliqui. Ianus Fulgosius unus
Dux patriæ eiectus ut sibi struxit opem.
Intrepidus Venetum clarissima signa reuoluens
Innumeras laudes vique fideque tulit.*

Nec

*Nec potuit Fortuna suis fallacibus unquam
Insidijs tantum frangere iniqua virum.*

BRITIUS, BAPTISTA GALEATIUS

IUSTINIANI.

Quis Britium Iustinianum non inter memorabiles viros locandū ducat? cuius virtus ac fama ita eni tuerit, vt post sortem & fidelem multos annos Genue patriæ nauatam operam, cuius classium summus Præfatus fuit, Villamariino celeberrimi ac formidolosi nominis eo tempore maritimo Duce superato, ab Hispaniæ Regibus celsissimis vltro accersitus honorificentissimis conditionibus multos annos sub illis stipendia fecerit; meritorumque gradibus, ac rerum gestarum comendatione id sit consecutus, vt idē munus Baptistæ & Galeatio filijs continuatum sit, postquam ipse in Vrbe Chio fato functus esset, auctoritate gētis sue Iustinianæ in ea insula stabilita, aduersarijsq., qui omnia ad se trahebant, eius in primis opera & cōsilio expulsi. Mandato autem muneri filios virtutem & animos æquasse declararunt cum multa singularis consilij & audaciæ compluribus locis inspecta facinora, tum satis amplæ Castellorum ac populorum ditiones, quibus spectatam fidem & operam Iustinianorum fratrum Reges remunerati sunt, cum etiā Baptista Iulij secundi Pontificis Maximi summus natalium rerum Præfatus fuerit. Neapolitana vērō clades postremo

S accepta

accepta tantum abest, vt de Galeatij fama quidquam detrahat, vt ad extremum in gloriam verterit. quippe qui Hugonem a Mòcada in Regno Neapolitano Cæsaris Vicariū cum ingenio ferocem & in consilij rapidum, tum aspectu tot clarorum Ducū & delectorum militum, quibus classem affatim refertam habuit, elatum a prælio cum Genuensibus cōserendo magno peredeterruit, quos rerū naualium scientia & vsu longe dixit præstare; ad hoc aspero fluctibus mari iactatione & nausea victos milites pugne inutiles futuros. quibus rebus nauales Genuensium socij numero superiores nihil læderentur. Quin etiam cum duæ ex hostilibus trirēmibus se se a reliqua classe segregare, & alium petere visæ sunt, ceterique illas fugere lætis plausibus & clamoribus sublati effuse lætarentur, illas fugere vir scientissimus, longoque vsu doctus asseueranter negauit; sed secundi venti fauorem quærere affirmavit. quæ res lætitiā illam temere conceptā mox in luctum conuerteret. Verum prauum cōsilium magis non probare, quam Regium imperium non sequi potuit Iustinianus. qui quæ Ducis fuerunt partes in prouidendo & monendo, eas egregie præstitisse existimā-
dus est, aduersæ pugnae euētus alienæ inscitia & temeritati assignandus. Vt quidē existimauit Carolus Quin-
tus Cæsar Princeps sapientissimus. qui conspectā in ea clade Galeatij virtutem & consilium, ampliore honoris titulo ornandam duxit summa Regni Neapolitani naualiū rerū Præfectura illi mandata. Vt omittā

Iusti-

Iustinianum prelio commisso, quod militaris muneris fuit, strenue ac fortiter fecisse, triremi, cum qua cōgressus est, superata ac mox deprimenda, ni duabus superuenientibus triremibus, quas speciem fugientium initio præbuisse diximus, fortuna pugnae versa, esset. Paterne & auitæ virtutis Galeatius Galeati filius in ipso ætatis flore æmulus fuit compluribus stipendijs factis, egregiaq. opera in bello Corsico Genus Patriæ nauata. quæ merita illustri gratia Patria excipiens triremiū Præfecturam, quæ quatuor fuerunt, summamque maritimarum rerum illi mandauit, in quo munere obediendo ad Oranū & Pignonum ita se gessit Galeatius, ut tot maiorum indoles multis haud, obscuris signis in adolescente apparuerit. quorum illud silentio haud, quaquam prætereundum est, quod Francisco Medoza Regio summo Prefecto cōstanter restitit, locumq. sibi assignatum, ut inferiorē honoris utulo, in quo positus erat, perseueranter recusauit, tamque diu in generoso incepto perstitit, quoad Regis ipsi litteris & iussu suus illi locus proximus a Regia Prætoria est tributus. Neque vero Franciscus & Raphael Iustiniani fratres gentile decus modo retulerunt, sed etiā cumularunt, ijs in bello Corsico editis incredibilis audaciæ ac uiuidi animi, eximique consilij facinoribus, ut nullo nomen eque ac Iustinianorum fratrum Corsis esset formidolosum, Celebris nominis ordinum Ductore, eodem glorie studio & fortissimo milita, quo auctore Corsi rebellauerant, quiq. toto Corsico bello ca-

put rerum fuerat, cognomento sancto Petro caeso.
 Quarum rerum fama ad externos delata Venetos impu-
 lit, vt Raphaeli vltro euocato perampla militaria mu-
 nera mandarint. quæ ita sustinuit Raphael, itaq. ex-
 pectationi respondit, vt Veneti meritorum gratia nō
 litteris modo honorificentissimis verbis conscriptis,
 sed præmijs quoque testificati sint. Idem Corsicum
 bellum nō minus Leonardi Iustiniani Dominico Pa-
 tre forti & egregio virō honorificisque militiæ mune-
 ribus vso orti nomen fecit insigne. Vt virtutem Ter-
 mius etiam in hoste amplexus ad Gallorum stipendia
 hominem vltro accersierit. Neque Gallos cōsiliij pœ-
 nituit opera Iustiniani cum multis locis, tum verō ad
 Portum Gratiarum forti ac fidei experta. id quod ho-
 noribus & præmijs declararunt.

FVLVII CARDVLI.

*Huic freta Neptunus, ventos dedit Aeolus, artes
 Pallas, vim Maiores, Partibenoque rates.
 Grata Ducis meritis Regum pietasque fidesque
 Vult natōs patrium classe referre decus.*

STEPHANVS ET LAVRENTIVS

MVTINI.

CUm multa fortitudinis, audacię, cōsiliij egregia fa-
 cinora, quibus Stephanus Mutinus nobili & per-
 uctusto

uetusto Liguriæ oppido Monelia ortus nomen suum
toto mari mediterraneo celebre, hostibusque in pri-
mis formidolosum fecit, tum summi honores a sum-
mis Principibus ultro delati memorabilem illum po-
steritati faciunt. Quem Alexander VI. Pont. Max. ea
natione ortus, quæ veteri execrabilique odio a Ligu-
ribus dissideat, summum tamen maritimarum rerum
Præfectum creavit. in quo munere gerendo ita Muti-
ni fortis & fidelis opera enituit, ut Iulius secundus suc-
cessor grauium inimicarum inter ipsum & Alexandrū
tam illustribus contentionibus actū immemor, con-
spectam virtutem etiam in hominibus aduersarū par-
tium amplexus eundem honoris titulum Laurentio
filio continuavit. qui non minus in paternam virtu-
tem, quam in muneris & honoris locum successor, ip-
se quoque nomine suo clarorum Ligurum numerum
auget.

IO. FRANCISCI LEONIS.

Amorum virtute olim tua littora Tybris

Intacta a Mauristuta fuere diu.

Quin Mauros Turcasque irabis per flumina victor,

Dum præparant sortes in fera corda Duces.

Tu Martinorum seruas nunc grata nepotes

Roma memor. decorant hi noua sæcla viri.

BAL-

BALTASSAR BIASSIA.

CElebre nobilissimi portus Lunensis & circūiectarum regionum emporium Spedia oppidum agri bonitate, commerciis maritimis, omnibusque nature & industriæ bonis circumfluens, nulla rem magis gloria tur, quā alumno suo Baltassare Biassia. Cuius memoriam eadem, quæ Mutinum virtutes, idemque honoris tituli immortalitati commendant. Cōplures enim annos magna cum rerum gestarum gloria sub Iulio secundo meruit ipse quoque summus naualium rerum Præfectus, quem Ioannes filius duarum triremiū dominus ita emulatus est, vt eundem honorem, quē tempora illi negarunt, virtutibus debitum omnes fateantur.

AMBROSIVS NIGRIVS.

Præfulget in prius Ambrosij Nigrij gloria, quem duplex laus & bellicarum rerum, & cōtinentiæ, iustitiæ, moderationis immortalē facit. In Corsis enim rebellantibus armis cōpescendis & perdomandis, provinciaque magno motu ad bellum consurgente pacē da omnia egregij Ducis munera, cumulate impleuit. Vt clarum uirum Genuenses honorario anniuersarij vetigalis, statuaque publica raro in ea Ciuitate honore decorandum censuerint. Idemque, quæ longe clarior est victoria, indomita & contumacia Corsorū ingenia

genia iustitia & continentia sua vicit; quodque iugū
a semetui & armis impositum illos patiēter coegit fer
re, charitate sui effecit, vt etiam libenter ferrent, Patro
numque Ambrosium sibi asciscerent, in eiusque prae
sidium aliquibus iniquitatibus prementibus Genuam
confugerent. id quod ex compluribus grauibus viris
pro te comperta cognoui.

THOMAE CORREAE.

Qui Genuae Proceres opibusque armisque superbos
Suspicias, & varijs fixa trophaea locis,
Inter mille triumphos, & mille inter honores
Aspicias Ambrosium constituisse suos.
Non ille in cassum factis se aequauit Olympo,
Et nomen superis orbibus inseruit.
Dum uesana mouet Corsos discordia in arma
Indomitas fregit, composuitque acies.
Insignis probitate Heros, metuendus & armis,
Queis uicit rexitque artibus omne genus.
Patria non obluta decus immortale sacrauit,
Ne benefacta Ducum fraudet honore suo.

IOANNES ET LEONARDVS

ROBOREII.

Gens Roboreia e Subalpinis Taurinis nobili &
peruicusto genere oriunda, cum in Liguriam cō
migrasset,

migrasset, sedemque sibi ac patriam Urbem Saona m-
delegisset, pacis artibus ac togæ studijs in eum hono-
ris gradum cōscendit, quo nihil in rebus humanis est
altius. in quo positus Iulius rerum gestarum & meri-
torū magnitudine id affecurus est, vt Sacerdotū ordo,
Italiaq; Patria, cuius dignitatis & libertatis acerrimus
ac perpetuus vindex fuit, nihil habeat (de hominibus
nostræ ac patrū nostrorū ætatis loquor) ad memorię
venerationē sanctius. Tāū gētile decus æmulati sunt
viri bello illustres Ioannes & Leonardus. quorū Ioan-
nes vrbis Præfectus, ac summos militares honores ade-
ptus vehementi viuidoque ingenio, expedito animi
vigore, prompta & ad pericula imperterrita audacia
laceffendo, instando, vrgendo, omnibus locis occur-
rendo, cum neque sibi, neq; hostibus vllam quietē da-
ret, fama nominis sui totam Europam impleuit; effe-
citque, vt nemo sua ætate acrior bellator haberetur.
Leonardus vero ijsdem honoribus ac militiæ muneri-
bus vsus egregiam quoque laudem nomini suo pepe-
rit, vir ingenio remissior, ceterum consilio non infe-
rior. Quem fortunæ quoque amplitudine & Regia af-
finitate clarum (Regis enim Neapolitani filiam in ma-
trimonio habuit atq; vna cum illa Ducatum Soræ ac-
cepit) clarissimus filius Franciscus Maria splendore suo
clariorem facit.

HIERONYMVS RIARIVS.

Non tam affinitati, quā virtutibus Hieronymi Rarij Comitris Boschi & Chariatis Xystū Quartum nobilissimas vrbes Forum Cornelij, quæ nūc Imola appellatur, & Forū Liuij fiduciaras dedisse declararunt summi honores a Maximis Principibus illi habiti, per amplaque militaria munera mandata. Nam & Regni Neapolitani Comes stabuli fuit. qui militaris honoris titulus a Regibus ipsis proximus est: Et summæ rerum bellicarum a Romana Ecclesia, & a Veneto Senatu perfectus est. quod munus Gubernatorem Generalem vocant. Mediolanensis quoque equitatus Magister fuit. Quis igitur non in elogijs nostris Hieronymum præcellsum locum iure dicat tenere; quem etiam illustres affinitates Medicæ, Roboreiæ, Sfortiæ gentis Catharina Ludouici Mediolanensis Ducis filia vxore ducta, conspectum faciant?

FRANCISCVS MARIA ROBOREIVS
FELTRIVS.

Quo te primum honoris titulo insignem faciam Franciscæ Maria Roborei Feltri? aut in quo elogiorum nostrorum ordine locem? Profecto multiplex virtus tua in tot se partes fundit, vt nullus sit in quo uis genere locus, quem illa non occuparit. Si enim re militarem spectemus, quis ad illam maioribus naturæ

T & indu-

& industriæ præsidij instructor fuit ? Cuiusue maiora
 & expressiora ingenij, consilij, fortitudinis, constantiæ
 signa extiterunt ? quis in bellis gerendis plures edidit
 imperatorias artes ? Vt Italicæ militiæ iure parens habi-
 tus sis. Iam vero quis nõ horreat tantam in tuam per-
 nitiam incumbentem molem . quam tu vna virtute ,
 constantia, audacia non solum sustinuisti, sed etiam di-
 scussisti, patria Ditione aduersus opes summis ipsis Re-
 gibus formidolosas recuperata ? Quod, si ad pacis
 artes animum conuertamus, cuius in populis sibi com-
 missis regendis iustitia, continentia, æquitas magis elu-
 xit ? Vt in tantis corruptissimi sæculi tenebris vnus ex-
 titeris, qui veterum illorum Principum, quos ob ingē-
 tia merita in Deorum sedes sustulit antiquitas, tanto
 post interuallo imaginē nobis rettuleris, Xystoque &
 Iulio tantis patruis te dignum ostenderis. Quibus vir-
 tutibus tanta in charitate cum populis tuis fuisti, vt ne-
 mo illorum esset, quin pro tua salute & dignitate, sua
 & natorum anima depacisci cuperet. Merito igitur Di-
 uini Numinis fauor in te extollendo virtutes tuas ac-
 ceptas habuisse ostendit, qui tibi in nobilissimam Fel-
 triam gentem, & in successionem Vrbinatis Ducatus
 ascito latissimum, in quo eximia virtutes tuæ excurrere
 possent, campum dedit .

ANTONII FRANCISCI RAINERII.

Mars ensẽm, clauam Alcides, dedit, Aegida Pallas,

Et

Et tibi cælestum tela trijulca pater.
 Fulmina seu metuenda manu, siue excutis ore.
 Pars stupet ut celeri conijcis illa manu,
 Pars stupet altiloquo donum immortale Mineræ,
 Utque cohortante defluit ore sophos.
 His tu & roboreæ persunctus munere clauæ,
 Vnde tibi æternum ab robore nomen erit.
 Monstra domas, acies perrumpis, concutis vrbes,
 Et late vndanti fulmine sternis iter.
 Cum patrias sedes fufis tot millibus ante
 Inuictis & repetis Regna superba pede.

FABRITIUS CARRETTVS.

DEclarauit Fabritius Carrettus nullum esse insignē
 honoris titulum ex ijs, ad quos ex virtute gradus
 fit, ad quem Ligurum virtus non ascenderit. Magnus
 enim Hierosolymitani equestris ordinis Magister fuit:
 Qui præcelsus dignitatis locus vt multis Regibus de
 opibus & de imperio concedit, ita ea re est superior,
 quæ in omniū humanis rebus longe principem lo-
 cum obtinet. nam ceteri Principatus vel generi tribuū-
 tur, vel felicitate sæpe acquiruntur. quo fit, vt ignauif-
 simos homines, atque etiam sceleribus opletos regnā-
 tes quandoque videamus, is locus, cum vnus sit ad il-
 lum virtutis ascensus, nemoque nisi meritorum & offi-
 cij gradibus documentumq. sui dando ad illum perue-
 niat, eos qui illius compotes fiunt, non solum parto

T 2 honore

honore illustrat, sed, quod longe præclarius est, honore dignos ostendit.

IO. BAPTISTAE FONTEII PRIMIONIS.

Magnorum Othonum sanguine Regio

Cretus sacrata militia pater

Ingens Carretæ stirpis heros

Fabritius Ligurumque gentis.

Non quo Magistro aut Consule militum

Soli dicatam crederet insulam

Turbare recte stirps ferocis

Durâ Othomani orientis horror,

Nimis periti pertimuit Ducis

Pectus paratum in cuncta pericula,

Expertus, ut caute irruentes

Sæpe manu repulisset hostes.

Bizanti ut ergo uoce dolentium

Auditum, et aucto tot lachrymis mari

Funus Carreti, nunc eamus,

Nostra Rhodos, Solimanus inquit.

GEORGIUS ADORNIUS.

NEc prætereundus nobis fuit Georgius Adornius
 quem Hierosolymitana instituta ipsum quoque
 profectum non minus conspeta uirtus quâ clarum ge-
 nus illustrat. Cui fortuna summum Magistri imperium
 adimere

adimere quidem potuit, merita omnium consentiente iudicio tanto honori paria adimere nō potuit, cum tamen honorum expertus omnino nō fuerit summus maritimarum rerum Præfectus. qui honos a magno Magistro proximus est.

OCTAVIANVS FVLGOSIVS.

Octauiani Fulgosij ingentium meritorum atq; eximiarum virtutum recordationem perpetua gratiani mi veneratione prosequi debes Genua Patria. Cui viro cum totius Italiae consensus consilij, prudentiæ, fidei, constantiæ, religionis, animi magnitudinis nullis aduersis rebus infracti, uirtutum omnium clarissimū testimoniū semper dedit, tum tu illas in primis in Principatu experta es. quem ille adeptus tanta cum moderatione gessit, ut in numeris præstantis virtutis documentis assidue edendis, id quod perraro ac uix umquā auditum est, assecutus sit, ut in ardentibus Civium inter se odijs, partiumque vigentibus studijs non minus aduersæ, quam suæ factionis, cuius ipse caput erat, voluntates teneret; omnibusque æque charus esset. singula persequi non brevis elogij, sed iustæ historiæ opus fuerit. Illud tantum vnici exempli atque eximiæ in patriâ charitatis facinus silentio præterire nefas ducere, quod cum arcem munitissimam ac portui imminentē de Galis post lentam obsidionem tandem receptam in potestate haberet, qua veluti Genuæ cōpede gentis suæ Fulgosia



gosiæ opes firmare, perpetuumque fortasse opulentis-
simæ ac præpotētis in rebus maritimis vrbis imperium
sibi posterisque suis posset stabilire, illam continuo sce-
leratorum dissuadentium oratione auribus non admis-
sa demolitus sit, cum in omnibus fere rebus Raphaelis
Ponsoni consilio vteretur. qui vir honorifico Senatus
scribæ munere relicto cum procul ab omnibus Ciui-
libus curis, vitæque huius ambitione abscessisset, totum
se Diuino cultui dicauit in sacerdotum ordinē coopra-
tus. Huius viri pietas, innocentia, religio cum singula-
ri prudentia coniunctæ ita enituerunt, vt earum fama
patriæ fines egressa in Romanorum Pontificum noti-
tiam venerit, qui multa de religionis rebus sæpe cum
illo per litteras conferre maiestate sua haud indignum
duxerunt. Octauianus quidē eas virtutes familiari vsu
cognitas ita suspexit, vt hominē apud se perpetuo ha-
beret; illiusque consilio plurimū tribueret. Patruī me-
moriæ haud parum virtute sua honorat Andreas fra-
tris filius tanta tamque multiplici eruditione conspe-
ctus, vt medicinæ scientia, qua in primis excellit, mini-
mam in illius commendatione partem obtineat. quip-
pe ad quam eximiam Philosophiæ & virium ac naturæ
herbarum intelligentiam addiderit: in Mathematicis
vero disciplinis eos habeat progressus, vt nemo illum
ætate nostra antecedit, quam paucissimi æquent. Cete-
rum Octauiani, vt ad inceptum redeam, bellicæ laudes
ciuium rerum gloriam non parum ornarunt, complu-
ribus stipendijs sub maximis Principibus factis, hono-
rificen-

rificentissimisque muneribus illi mandatis. quibus ille
se se parem semper ostendit.

THOMAE CORREAE.

*Macte animo Fulgosi Heros, cui patria debet
Tantum uni, quantum solvere posse negat.
Si tibi, quos censet meritos decernat honores,
Gloria erit meritis quælibet ampla minor.
Libera quod perstet nullos experta Tyrannos,
Nec domini subigat colla coacta iugo,
Quod molem capias euertasque, ut timor absit,
Otia quod firmes, laus ea tota tua est,
Quod titulis opibusque tuis gentique tuorum
Anteferas patriam, iusque, piusque fori
Illa memor tua facta canit, quoque æmula cælo
Fit duce, fit prisca æmula temporibus.*

AVRELIVS FVLGOSIVS.

Tanto parente se se dignum ostēdit Aurelius filius,
quo nemo nostra ætate maiore in militaribus reb⁹
intelligentia esse existimatur, peramplis muneribus a
magnis Principibus delatis vsus. in quibus gerēdis ea
multis locis sui documenta dedit, ut quod nomini ho-
minumque expectationi dare, quodque tot illustrium
maiorum contestatæ laudi reddere debuit, plane præ-
stituisse dicendus sit.

THO-

THOMAE CORREAE.

Quo me, quo rapis Aureli,
Virtutis patriæ pignus amabile?

Magni progenies patris?

Quo gaudet Ligurum terra potens Duce?

Te Martis decus innocat,

O sol, o luna patris soboles boni,

Fulvis namque Leonibus

Quis nasci pauidos quis lepores uidet?

EMANVEL CABALLVS.

Vis Emanuelis Caballi ardorem, patriæque charitatem in incredibilis audaciæ facinore suscipiēdo non laudibus in cælum ferat? quis generosum animi impetum non admiretur? quem non cæca temeritate excitatum, sed a sapiente consilio profectum felix euentus docuit. nam cum Galli arcem natura loci munissimam, atq; adeo inexpugnabilem firmissimo presidio tenerent. qua in præcelso promontorio sita portuique imminente Urbem Genuam maritimis cōmeatibus clausam, Genuensiumque libertatem eo veluti cōpede constrictam tenerent, obsidionemq. terra ac mari in sextum decimum mensem extraxissent. tandem extrema omnia perpassi, ad summamque omnium rerum inopiam ac deditiōis necessitatem adacti essent colloquijs

colloquijs ea de re iā institutis, ecce oneraria in remotissimis Oceani littoribus occulto cōparata cōmeatumque ac bellicorum apparatusū omnis generis referta cū in alto apparuisset, terræque appropinquans speciē primo præbuisset ad classem, quæ arcem obli debat, atq; ad nauim, quæ erat in statione, tendentis, propinquior facta secūdo vento vtens cursum ad arcē flexit. quā classe elusa incredibili felicitate tenuit, promōtorijq. crepidini pōte prolato coniuncta est. Quo spectaculo ijs, q. erāt in speculis, perculsis & exanimatis, cum nuntius tota vrbe peruasisset, magnus que cōtinuo luctus excitatus esset, trepidique Genuēs ac mœrore amētes tota vrbe discurrētes alij alios rogitantes consilij inopes fatum patriæ lamentarentur, desponsurique animum essent, Emanuelis Caballi Diuina virtus abiectos excitauit, ac saluti desperare vetuit. Is enim veluti mēte Diuinitus tacta in medium procedens. Non muliebribus, inquit, fletibus, Ciues, in quos vos turpiter abiecistis, imminens patriæ interitus est prohibendus, sed audacia discutendus, nauiq. a Magistratu impetrata ad circumfusam turbā, nobiliumq. adolescentium globum cōuersus. Maçti, inquit, virtute. qui Patriam seruatam, & a perpetuo seruitutis iugo liberatā cupit, nauim hanc mecum cōscendat. Qua adhortatione incitati multi & primæ nobilitatis & omnium ordinum iuuenes saluti ac libertati patrię animam deuouentes nauim conscenderunt. quam directā in arcem prora, plenisque
V velis

velis ad sese venientem ex superiore loco conspicati Galli, temeritatem hominum integra mente haudquaquam videntium, atque desperatione ipsa sese in voluntariam & apertam mortem proijcientium irridentes bombardis nauim petere coeperunt, breui haud dubie deprimendam. quarum ictibus veluti creberrima grandine nauim saepe multis in locis percussa, superstadiumque nonnullis exanimatis, nonnullis a resiliens assensibus sopitis, Emanuel nihil atroci & formidoloso spectaculo ab audaci incepto deterritus vir rerum nauticarum longo usu peritissimus vento apte ad inceptum flante, nauim inter arcem & applicatam Gallorum nauim insinuauit, funibusque, quibus scopulo alligata erat, praecisis in nauem ipso impetu ab arce abstractam impigre primus insiluit, fortissimis iuuenibus consequentibus; Duceque ac superstadium Gallis miraculo audaciae obstupefactis, cum nonnulli, qui sese in mare proiecissent, vndis hausti essent; nauem captiuam ab arce abduxit, in urbemque tantae virtutis edito facinore reuersus ingentibus omnium ordinum atque aetatum plausibus exceptus, maioris etiam ad habendos honores & gratias agendas effusus, cunctisque prosequentibus, ac seruatorem & liberatorem patriae acclamantibus domum reductus nomen suum in primis memorabile ac grata recordatione Genuensibus tanto beneficio obstrictis perpetuo colendum reliquit.

RAINALDI CORSI.

Rostra Caballe tuum merito caput aurea cingunt,
 Quem neque flamanti ueniens cim grandine turbo
 Martius hinc, atque hinc, nec Gallus terruit hostis,
 Nec scopulis appulsa ratis, ac nixa cathena,
 Arxue obsessa diu, atque loci munimine tuta,
 Extremo uitam quin obiectare periclo
 Pro patria optares, ac libertate ruente,
 Audaci donec fauerunt Numina uoto.
 Maeste animi mentisque Heros, tu compede uinctam
 Reginam in proprium reparas decus atque nitorem,
 Demissum firmat nomen Rex summus ab alto.

ANDREAS AVRIA.

Non veterem modo gentis suæ Auria, qua nulla
 Ligusticarum rebus bello gestis clarior umquā
 fuit, gloriā rettulisse Andreas est existimādus, sed hoc
 vno saltem superasse, quod illorum opera patriæ Ge-
 nuæ fere nauata est, Andreae virtus toti Europæ illius
 que maximis Principibus vsui & ornamento fuit.
 Classium enim Pontificij solij, Regis Francorum, ac
 Caroli Cæsaris, Philippi filij Hispaniæ & viriusque Si-
 cilie Regis cum summo imperio Præfectus, multis &
 præclaris virtutis, audaciæ, fortitudinis, cōsiliij facino-
 ribus assidue editis, summis discriminibus aditis, cō-

pluribus victorijs partis, classibus deletis, vrbibus expugnatis ad eum gloriam, atque in rebus maritimis potentiae gradum peruenit, vt nullius suae ætatis Ducis nomen clarius fuerit, remotissimisq. nationibus notius aut formidolosius. ad quod fastigium ex humili & tenui fortuna, in qua natus est, quamuis genere nobili ac claro nullis externis opibus subnixus, sed laboribus tantum suis, ac meritorum gradibus peruenit, virtute & fortuna de homine extollendo inter se certantibus. Vt omittam præmia Principatus Melphiae & torquis Burgundici ordinis a Casare data. quæ quamuis ampla & honorifica, splendore tamen clarissimi viri obruuntur. Sed nulla res Andree nomen æque commendat, atque eximia Patriæ charitas. Nam cum Galli Saonam occupatam arcem sibi in media Liguria fecissent, qua Genuam faucibus oppressam teneret, neque vt illam restituerent, vllis Andree precibus fidei promissorū obtestantis possent adduci, Andreas cum hac publica, tum multis priuatis iniurijs stipendia illis renuntiare coactus illos nō modo Genua expulit, neq; ea in primis de causa Patriæ libertatis assertor dici debet, sed quod illius opibus, opera, consilio Saona e Gallorum manibus extorta sit, iugumque durissimum cervicibus imminēs discussum. sed alterum quoque est Andree in patriā hāud leue promeritum, quod emendatum Reipublicæ statum, concordiamque ciuium, sine qua libertatem ipsam breui concidere, atque omnia ruere necesse fuisset

se fuisset, potentia & auctoritate sua firmavit & stabiliuit. Ceterum bellicæ Andree laudes nō totæ vnus sunt, sed cum militibus, nautisque, quorum opera & ministerio in egregijs facinoribus patrands vsus est, necessario communicandæ; illius virtutis neminem habet socium, quæ summæ fortunæ perraro comes est, hoc est eximiæ animi moderationis singularisque clementiæ. quippe qui cum Genuæ omnia posset, Genuaque illius opibus in primis niteretur, neque communi, neque priuatæ cuiusquam libertati grauis fuerit, neminemque vmquam aut in re aut in sanguine læserit; tantumque ab inferendis iniurijs abfuerit, vt contra nullas iniurias umquam vltus sit, cum illarū auctores Genuæ obuersantes nutu euertere posset. Iure igitur Genuenses Andree seruatæ ac liberatæ patriæ statua publica testimonium dederunt, iustius parentis patriæ memoriam grato animo sempiternaque veneratione culturi.

POMPEII ARNOLPHINI.

*Hic tam seruenti patriæ flagrauit amore,
 Illius ut chæra pro libertate tuenda
 Horribiles Regum non formidauerit iras.
 Hic quoque cum patriæ regno sceptrisque potiri
 Posset, & aurata frontem redimire corona,
 Contempsit Regum fastus, nomenque Tyranni.*

Hæc

*Huic maris imperium uasti, magnumque tridentem
 Neptunus, pelagique leues concessit habenas.
 Quin etiam insannum premeret dum classibus æquor
 Haud pauci impauidi admirantes pectoris ausa,
 Neptunum, aut sacro Neptuni sanguine cretum
 Mortalesque Deum vultus sumpsisse putarunt.
 Hoc certum est, nullas Neptunum amplectier oras,
 Qua non ille simul fama penetrarit & armis.*

PHILIPPVS AVRIA.

Quamuis clarorum virorum, quos plurimos Au-
 ric gens tulit, Philippus temporum ordine in
 postremis sit; minoribusque copiis quam veteres il-
 li pugnauerit, eximia tamen virtus & fortitudo, rei-
 gestæ magnitudo in primoribus illū collocat. quip-
 pe qui cum Cæsariana classe in Salernitato sinu con-
 gressus sit. in quam quidquid floris ac roboris in Cæ-
 sariano exercitu fuit, cōscendit, cum strenuissimus &
 spectauissimus quisque miles carptim ac nominatim
 delectus esset, atrocissimo prælio, incertoque Marte
 diu extracto. in quo tanto irarum certamine res ge-
 sta est, eaque sunt utrinq; edita virtutis, fortitudinis,
 incredibilis constantiæ exempla, ut in classe, Genuēsi
 omnes fere milites ac Præfecti & nauales socij aut pu-
 gnantes ceciderint, aut ex mortiferis vulneribus ac-
 ceptis paulopost decesserint; in nonnullis vero Cæsa-
 rianæ classis tiremibus septies signiferi sint mutati,
 cum

cum alius alij occumbenti deinceps succederet. Philippus igitur clarissimam tandem victoriam peperit classe hostili deleta, Hugone a Môcada clarissimi nominis Duce in Regno Neapolitano Cæsaris Vicario interfecto, Ascanio Columna, Alphonso, Daualo ac compluribus Proceribus, summeq; nobilitatis viris, quorum ingens vis veluti ad certam & exploratam victoriam classem conscenderat, captis.

IO. BAPTISTAE FONTEII PRIMIONIS.

O quem te credam Auriadis prognate Philippe,
 Si cui te prisco confero, quidue putem?
 Nam quis se Procerum Mynijs opponeret, & quis
 Perderet Alcida, aut pignora chara Deum?
 Tu tamen heroas deletos Cæsaris alti,
 Tu tamen Hesperiae robora militiae
 Ascanium, Daualumque, Vgumque, Ducesque nigentes
 Viribus, unde omnis territus orbis erat,
 Ponto congressos validus capis, ut tibi nullum
 Suspicer antiqui temporis esse parem.

VICECOMES CICADA.

Non suis tantum laboribus & meritis Andreas Auria patriae & Christianae Reipublicae profuit, neque praestantes illius virtutes ea fuerunt, quae ipsum solum clarum facerent. Ex eius enim disciplina praet

ter eos, quibus classis & summa rerum commissa est, suis sigillatim elogijs decoratos, complures alij cum ex vrbe Genua, tū ex omni Ligustica ora prodierūt, quorum nomen bellica virtute ac nauali gloria multisque egregijs facinoribus non in Liguria modo memorabile est, sed in exterorum quoque Principū atque in ipsius Cæsaris notitiam venit illustri fauore ac præmijs exceptum. quos singulos persequi infinitū fuerit. Duo mihi erunt eximij, vt ipsi quoque virtute eximij fuerunt Vicecomes Cicada & Christophorus Pallauicin⁹ Vicecomes igitur haudquaquā equali egregijs virtutibus fortuna vsus ad summos honores non peruenit, quibus illum dignum ostenderunt complura incredibilis audaciæ & fortitudinis facinorosa. in quibus illa memorabilia in primis fuerunt, cū in prima adolescentia in nauali clade a Gallis, cū quibus stipendia faciebat, ad portum Delphini in Ligustico mari accepta, ipse, vt erat lorica indutus, signū e manu signiferi arreptum in mare se se proijciēs annatans prægrauantibus armis, hostibusque ingentē telorum vim superne ingerentibus, quibus pene obrutus fuit, tot iniquitatibus superatis incolumis seruauit. Vel cum vnā tantum triremem habēs cum tribus biremibus Piraticam facientibus numero & genere bellatorum firmissimis longo & atroci certamine congressus equo Marte discessit, vel cum fracta naui ad littus Africæ cum cohorte militum & naualium Sociorū ciectus hostilem nauem pretiosis mercibus

cibus refertam, quæ nauem eiectam ab alto conspicita ad eam spoliandam accurrerat, astu & consilio cepit. Vir igitur virtutibus & meritis, quam honoribus insignior ab hominum obliuione scriptis nostris vindicandus fuit.

CHRISTOPHORVS PALAVICINVS.

AT Christophorus Palauicinus, vt omittam multa audaciæ, fortitudinis, virtutis multis locis data documenta, cum Turcæ Coronen Peloponnesi maritimam urbem arctissima obsidione premerent, eamque terrestribus copijs ac validissima ducentarum nauium classe, quarum maxima pars longæ erant, terra marique veluti corona cinxissent, omnesque maritimi aditus firmissimis stationibus essent infessi, atque oppidani vltima perpassi despõsuri animos fuerint, deditionemque facturi, ni spe introducendi præsidij, atque aliquo interea exiguo præsidio, quo ingruentem Turcarum vim tolerarent, confirmarentur, id facinus ausus est, quod non inspectantes modo, sed audientes quoque horrore perfundat. Qui non in maximum modo discrimen, sed in certam pestem, vt ab omnibus putabatur, caput suum proijcere, animamque Cæsari & Christiano nomini, cuius dignitas in ea vrbe retinenda agebatur, deuouere non dubitauit. Trireme enim ab Auria accepta, qui cū tota classe haud procul subsisterat, per mediam Turcicā clas-

sem luce ac palam omnibus remorum viribus cōi-
 xus transiit, cum Turcæ subitæ atq; incredibilis rei
 miraculo oculis atque animis defixi immobiles parū
 perstetissent, neq; prius a stupore recipere animum
 possent, quā Christophorus præteruolasset. qui sub-
 sidium in urbem introduxit, oppidanosque læta &
 haud dubia spe subsidij ab Auria, qui cum tota clas-
 se aderat, introducendi confirmavit. Ceterum lon-
 ge mirabilior reditus fuit. in quo audacia astu mili-
 tarique stratagemate adiuta est, cum in Turcarū men-
 tis alienatione spem ponere non posset, quos supe-
 riore audacia doctos ipsius conatus observantes ac
 paratos & intentos ad ipsum excipiendum cerneret.
 Compluribus igitur conatibus captis, cum speciem
 tentantis exitum præberet, aliquantumq. spatij pro
 gressus classi Turcarum appropinquaret, ipsosq. ad
 se excipiendum commotos cerneret, prora conuersa
 sese in portum recipiebat. quam rem cum crebro fa-
 ceret, Turcas in eam opinionem adduxit, ut se se ab
 illo ludificari crederent. quos cum idcirco studium
 & intentionem remisisse animaduertit, impetu ca-
 pto, illis iterum elusis per mediam illorū classē cuo-
 lauit, incolumisq. ad Andream reuersus est.

PETRI MAGNI.

Irruere in medias acies, perrumpere classem.

Hostilem, obsessis ut ferat unus opem,

Quis

Quis semel hoc ausit : semel at fecisse videtur.

Pallavicino gloria parua Duci.

Ergo indignantes iterum perripuit eosdem,

Mille uni aratas ludibrio esse rates?

An Decius confers (esto) quod conficit unus

Incolumes Decij si potuere duo.

ACTIOLINI LERCARII.

Inuia quid profunt late diffusa per arua

Aequora : Neptunus, Marsque quid arma mihi ?

Cuncta tenent hostis, tela, & mala mortis imago, &

Securus medijs itque reditque Ligur.

Non satis baud genti : vicinum collida Pallas

Intulit. at fuimus palma iocusque viro.

ANTONIUS AVRIA.

EXimia in Antonio Auria non minus Civilium artium scientia, quam bellicarum rerum intelligentia fuit. quibus virtutibus ducibus cum in maximorum Principum notitiam venisset, ac sub illis perhonorificis conditionibus terra & mari militasset, magnum gratiæ & auctoritatis locum apud Carolum Quintum Cæsarem & Philippum Regem filium omnium Christianorum Principum longe potentissimos & sapientissimos obtinuit, ad deliberationes de maximis rebus adhiberi solitus. De cuius consilio maxima bel-

la geri voluerunt, illo summis belli Ducibus Regij generis hominibus comite ad res consilio regendas ad dito . Equestris quoque Burgundici ordinis torque a Carolo donatus est, quo ipsius Principis dignitas communicari videtur . qui honor nostra ætate rarus admodum fuit, ac nō nisi summi fastigij viris haberi a Carolo solitus . A clari viri virtute & laudibus se se haudquaquam deflexuros Scipio , Ioannes Baptista, & Cæsar filij, & Petrus Franciscus, ac Georgius fratris filii egregia documēta dederunt . Ob quæ a magnis Principibus accersiti honorificentissimis militaribus muneribus functi sunt. in quibus Petrus Franciscus apud Ioannem Austrium Principem celsissimum in tanta existimatione fuit, vt ob eximiam & perspectā militarium & naualium rerum intelligentiam in intimam familiaritatē acceptus ad priuata interiora consilia adhiberetur .

IO FRANCISCI LEONIS.

*Eloquio capimur, bello expendantur & urbes,
Vtraque in heroe hoc maxima pars ualuit.
Maone Ligur meritis par si fortuna fuisset:
Plus ultra iuissent Cæsaris arma tui.*

CAESAR FVLGOSIVS.

HAud pœnitendus filius Iano parenti Cæsar Fulgosius fuit stipendijs primum sub Venetis conditionibus

ditionibus honorificis factis, egregiaque illis ac fortunata opera. quem Franciscus deinde Gallorū Rex ultro accersitum ita amplexus est, ut nemo Italorum altiore existimationis & gratiæ locum apud celsissimum & præpotentem Regem obtineret; equitatuque Italico Præfectū multis insignibus militaribus facinoribus cōspectū ingētib⁹ præmijs & fortunis honestavit; equestri quoque torq. donavit. qui honor nō nisi Regij generis hominib⁹, aut magnę amplitudinis, magnęque glorię proceribus tum haberi solitus amplissimus existimabatur, nunc multitudine compotū, vulgatus, ac tenuis fortis hominibus læuissimis de causis impartitus non ita magno in pretio est.

M. ANTONIVS CARRETTVS AVRIA.

MArcus Antonius Carrettus eximijs virtutibus suis effecit, ut in generis splendore, atque in tot maiorum stemmatibus exiguum momētum esset ad ipsum commendandum. Andreas quidem Auria viritricus ingenium, consilium, audaciam, industriam, rerum navalium intelligentiam ita probavit, ut Cæsarianis classibus Legatum illum præficeret. Cuius mādati muneris M. Antonius ita omnes partes implevit, ut Andreas merita viri, egregiamque ac pergratā nauatam operam remunerans illum in nomē & familiam cooptatū Principatu Melphiz donarit; & Philippus Christianorum Regum longe maximus & potentissimus

tentissimus sapiens Andreę iudiciũ secutus ultro euocatum, & ab omni eiusmodi cogitatione iam diu remotum inter tot summis contentionibus perhonorificum munus ambiētes in demortui Andreę locum suffecerit; classiumq. suarum ac maritimarũ rerũ summum Præfectũ crearit. Qui si diutius in eo imperio fuisset, in omnibusque, quæ sunt eius muneris magna & præclara, prouidendis & obeundis vim ingenij & cõsilij explicare potuisset, haud dubitatur, quin expectationi in ætatis floræ excitatæ, in ætatis robore responsurus fuerit.

IOANNES AVRIA.

Quæ securis Deus immortalis Genuēnsi nomini tum est iniecta, quantus gloriæ cursus est interruptus; cum Ioānes Auria inuidia & insidiis inimicorum circũuentus e mortalium oculis raptus est. Quem, si vita longior cõtigisset, omnes magni iustique Ducis numeros habiturum fuisse spem haud dubiam faciebat mira indoles tot expressis egregiarum virtutũ signis sese indicans. Fuit enim in eo viro expeditus generosi animi vigor, summa viuidi ingemij vis, incredibilis in periculis capeffendis audacia, pròptum in illis depellendis cõsilium, indefessa in rebus agēdis diligētia & vigilantia, inuicta in laboribus patientia, ea in ijs, qui sub illo merebant regendis moderatio, vt nullus Dux milites & nauticos socios imperijs

perijs obedientiores haberet. Quæ tot ac tam præclaræ virtutes ita omnium oculis in Ioannem cõuerterât, vñ nullius nomen aut hostibus formidolosius, aut amicis maiori esset fiducia. Turcis quidem terribilis esse cepit cum Drogutem post Hariadenû Acnobardum extinctû clarissimi inter illos nominis maritimum Ducem astu superatum cepit. Feruor ille adolescentiæ, ac paulo ferociores spiritus, quod vnû in illo non nihil offendere videri poterat, profecto in bonum vertissent, tempore ætatis ardorem mitigante, quodque redundabat, amputante, ac robore animi, a quò illa manabant, omnibus, quæ incommoda erant, expurgatis, sincero remanente. Ceterum dolor amissi Ioânis mitigatur, quod vna cum illo tot ac tantæ virtutes haudquaquam extinctæ sunt, quas nûc in Ioanne Andrea filio viuere ac vigere cernimus. qui in ipso adolescentiæ flore is exitit, qui parentē & patrium magnum non nomine tantum referat, sed virtutibus reddat. Cum Pagano quoque fratri singularis audacia præcelsusque animus nihil a parentis & maiorum contestata virtute degenerans feruore adolescentiæ ætate lenito magnæ amplitudinis, & gloriæ spem certam ostendant.

RAINALDI CORSI.

O quæ te dederant, sero si fata tulissent,
Quæ foret imperijs clarior ora Ligur?

Hanc

Hanc tamen inuicti solatur dextera nati,

Quem prærepta tibi gloria certa manet.

Iamque illum experti iuuenem Thrax, Parthus, Arabsque

Et Libiæ, atque Asiæ litora nota timent.

Hoc ausus, hoc genitor felix, qui nomina solus

Viraque complexus, tam bene vtrumque refert.

IO. ANDREAS AVRIA.

Quo d perraro ætate prouectis vix contigit, vt magnorum & iustorum Ducum nomen mereretur, id in ipso ætatis flore assecutus est Ioānes Andreas Auria. Vt expectationem, quam tot maiorum illustrium virorum gloria perpetuusque gentilis splendor, in primis vero Andree patrui magni clarissimū nomen concitarunt, nō modo sustinere & tueri, sed vincere quoque videatur. Eius siquidem virtus, ingenium, cōsiliū, audacia ita enituerant, vt ex tot tā multarum nationū nostrę ætatis naualibus Ducibus neminem illo adolescentiam nondum egresso sapiētiorem aut intelligentiorem esse ab ipsis æmulis & inuitis confessionem expresserit veritas. neque a Christiano tantum orbe Ioannes Andreas suspiciatur, sed Turcis quoque adolescentis Ducis nomen (ita enim illum appellant) terribile esse constet. Quarum virtutum multis locis egregiū specimen apparuit. Nam audacia & patiētia ad Pignoriū se se indicauit in asperis

rimis & difficillimis quibusque ad periculum & laborem deposcendis, & alacriter obeundis. Et ingenium ad Oranum enituit, cū eius consilij auctor fuit, quod nisi alicuius siue in scitā, siue laudis obtrectatio turbasset, hostilem classem improviso deprehēdi & deleri potuisse, cōstanter creditū sit. Vtraque res conspecta est in oppugnatione Melitensi, cū sese trirēibus delectum mille ducentorū hominū subsidium classe Turcica ostiū portus insidente in urbē introducturū professus est, explicatamq. rationē rei ad effectū perducendę probauit. quod consilium exequi prohibitus est, cum se Garcias eius capiti parcere dixisset. Sed nulla res æque conspectum facit, quam naualis victoria ex omni sæculorū memoria clarissima, ad Echindas insulas a Ioanne Austrio inclyto & excelsio Principe parta. in qua Ioānis Andreæ uirtus ita eluxit, ut eius consilio magnam atque adeo præcipuam laudis partem inter ceteros Duces, qui Austriū secuti sunt, quique ex omnibus nationibus in ea classe fuerunt, deberi ipse Philippus Rex amplissimo litterarum testimonio confirmarit. quibus obtrectationem et inuidiam retudit. quę medijs intactis superiora tāquā ignis petere solita clarissimum iuuenem carpere non dubitauit. Verum quemadmodum fumus exiguum ignem obruit, idem ab ingenti emicante flamma discutitur, ita Ioannis Andreæ coruscans gloria affusas tenebras fulgore suo depellit. Cui utinam ea uita cō-

Y tingat

tingat lōgitudo, quæ Genuâ Patriâ spei ex mira indo
le magnisq. ex inijs conceptæ compotem faciat.

RAINALDI CORSI.

Inuidit claro quidquid fortuna parenti,
Obliuiscit aut, virtus ne superaret aui,
Di tibi magne nepos, curæ est quibus alma propago,
Resque Italum, adiiciunt nominis auspicio.

ANTONII HORTENSII.

Auria ut immensum tua gloria perculit orbem,
Utque patrem & patruum nomine reque refers,
Sic quod auis, atavisque tuis longa attulit ætas,
Id pubescenti fata dedere tibi.
Naupætus testis, scopulis & Echinades altis,
Testis & inuictos Austrius ante Duces.
Res gestas nomenque tuum maria omnia honorant,
Teque Ducem egregium fama loquetur auis.

DE

163

DE VIRIS PACIS
ARTIBVS ET LITTERA-
RVM COMMENDATIONE
INSIGNIBVS.



Ellicæ ac nauali Genuensium gloria; quæ post Carthaginensium & Romanorum imperium nulla gens clarior fuit, pacis quoque artes ac res ciuiles responderunt, neq; eos minus togatos, quàm armatos floruisse, declarant magnorum honorum præmia omnibus artibus Ligurum nationis hominibus tributa. In qua re cum Cardinales proximū a summis Pontificibus locum obtineant, nonnullos fore video, qui nostram rationem miraturi sint, quod illos armatis viris subiecerimus. quos non dubito nostrum consiliū, si quale illud fuerit cognouerint, omni prorsus reprehensione liberaturos. neque enim illos eadem classe, qua Diuos & Pontifices maximos locum & auctoritatem Diuini Numinis in terris obtinentes comprehendere potuimus, ne Cardinalium dignitatē Pontificibus tanto interuallo inferiorem illis æquasse videremur. Et si suum separatim locū Cardinalibus tribuissēmus: illumq. Pontificiæ classi cōtinuassēmus,

hæc togatorum virorum series ieiuna plane & obscura fuisset tot clarioribus luminibus orbata. Togatam porro virtutem armorum splendori de dignitate longe concedere, omnium sæculorum, omniumque populorum consensus (de exteris Christianæ veritatis & religionis expertibus loquor,) declarat: altissimusque gloriæ & dignitatis locus, quem in humanis rebus militaris virtus semper obtinuit. Quare fit ut cum militares viri ordine antecedere debuerint, existimandum sit, nos non Cardinalibus honoris titulo superioribus belli Duces anteposuisse, sed Cardinales cum togatis viris, in quibus illos obtinere principem locum facimus, apte collocasse.

M. ANTONII BOBBÆ. *caro.*

IN OMNES CARDINALES.

Vestra ubi Letibæ facta incluta merfit in undis,

Nomina molitur perdere tempus edax.

Aeterno occurrit calamo Folietæ, suosque

Præsentî Cives vindicat interitu.

GVLIEL

C L A R I. 165
 GVLIELMVS, LVCAS, IOANNES,
 LVDOVICVS, GEORGIVS FLISCI
 CARDINALES.

INitium igitur faciētes ab vrbe Principe Genua, cū
 multorū ex ipsis Cardinalibus vita, mores, res ge-
 stæ ob uetustatem, scriptorumque luce carentes non
 satis exploratę nobis essent, orationem in illis dilata-
 re non potuimus, neque singulos suis elogiis perse-
 qui. neque enim quibus virtutibus, quibusque arti-
 bus illos inter se distingueremus, satis explicatum ha-
 bebamus, cum tamen illud dubium esse nō debeat,
 quin spectata virtus & prudentia magnarumque ac
 sacrarum rerum scientia illos tantū honoris cōpotes
 fecerit. Hęc igitur nostra erit ratio, vt quorū res no-
 bis sunt obscurę, eos aceruatim vno elogio cōprehē-
 damus, ac nomina tantūmodo referamus. id quod
 de Gētis Fliscę Cardinalibus facere cogimur. quę no-
 bilissima gens & pacis artibus ac laudibus vt dignita-
 te, ita tempore quoque ceteros Genuenses lōge an-
 tecedat. Neque idcirco exigua & coarctata videri de-
 bet nobilissimę familię laus tamquā vnius elogij an-
 gustijs conclusa, sed cogitatione numeri eorum, qui-
 bus ad tam altum honoris locū virtus & merita ascen-
 sum dederūt, amplificata & dilatata. Sunt qui putēt
 ex hac familia plures, quam quos nominauimus, Car-
 dinales extitisse. in nostram notitiam hi tātum vene-
 runt, Gulielmus, Lucas, Ioannes, Ludouicus, Geor-
 gius.

gius. Quod si sacros quoque Antistites omnium ordinum, qui omnibus ætatibus ex hac gente prodierunt, stilo persequi voluiffemus, nullum modum reperiffet oratio. innumerabiles enim fuerunt; compluresque ex iis egregijs virtutibus clari, & per amplis publicis muneribus functi. quorum neminem attingere nominatim volumus, ne nonnullos extollendo, ceterorum gloriam odiosa comparatione tacite perstringere voluiffe videremur.

Dum Sol plaustra uebet, rutilo dum Sydera cælo

Fulgebunt, rapidi dum fluet unda maris,

Semper in excultis hominum uersabere linguis

Flisca domus, patriæ gloria rara tuæ.

Pontificum solio duplici quæ ut sole resulges,

Purpureo seno lumine clara nites.

Nec non innumero sacrorum cineta coruscas

Agmine flamineo Sydera celsa petens.

Cælum flisca domus, soles duo, lumina sexque

Hic fulgent, circum sydera mille micant.

NICOLAUS FLISCVS. CARD.

AT Nicolaus, qui patrum nostrorū ætate floruit, vir fuit summa grauitate & sanctissimis morib⁹, acerbique iurium Ecclesiæ propugnator, nullasq. pro illis

illis quamvis magnorum virorum offensiones & similitates subire umquam veritus. Quo perpetuo vitæ tenore, meritorumque gradibus cum ad summum auctoritatis & existimationis locum conscendisset, in Pontificijs comitijs antea vitæ gloriæ clarissimum fastigium imposuit. nam cum magna suffragiorum pars in illum inclinaret, multique auctores essent, veritantes patres largitionibus ad se se attraheret, ingentemque pecuniæ uim ea de causa a propinquis confectam & paratam ostenderent, vir integer in tanta religioni suæ proximus fuit. scdæ enim rei mentione abominatus nefaria suadentes magna vultus & vocis acerbitate & contentione a se repulit, maiorem haud dubie gloriam ex Pontificatu repudiato, quam multum ex adepto consecutus.

RAINALDI CORSI.

O felix titulis, summisque honoribus aucta

Gens Lanani, Genuæque decus.

Auctior hoc uno, quod ne te in tempore nilis

Deciperet species, refugis.

Vilius an quidquam, quam quod uirtute parari

Conuenit, hoc pretio expetere?

Quodque homini totum Diuino munere constat.

Mobilibus dare diuitijs?

Atqui nec munus, nec dignum est numine quidquid

Largitio assequitur cupida.

PAV-

SIGISMUNDI DONATI.

Aequoream Paulus classem ducturus in altum,

Hostibus atque suis damna daturus erat.

Illi autem tutis se continuere latebris

Atque sibi tacita consulere fuga,

Atque ita dum pugnam detraētauerē, fatentur

Victos se unius esse timore uiri.

Quid faceret Dux iste manu fera bella capeffens

Hostem si solo nomine terre facit.

FRIDERICVS FVLGOSIVS CARD.

AT Fridericus Fulgosius tanto viro Octauiano
haudquaquam pudēdus frater fuit, quamquam
ingenio longe diuerso. quod in Octauiano mite &
clemens fuit, at in Friderico vehemens & impotens,
atque ideo a moderatione Octauiani sæpe recedens,
peracere tamē & præstans, in magnisq. rebus tractan-
dis perpetuo versatum. in quibus magnum vsum &
intelligentiam consecutus est. Accessit ad hominem
commendandum multiplex eruditio, sacrarumque
rerum haud mediocris cognitio. vt nobile hoc fra-
trum par illud extiterit, quo nullius nomen ab egre-
gijs nostræ ætatis grauissimisque scriptoribus magis
celebratū sit. Illud vero solidæ, neq; fucatæ, aut adū-
bratæ virtutis rarum specimē fuit, quod humanos ca-
sus, fallacesq. huius vitæ fluxæ & caducæ spes secū re-

Z putans;

putans; mente Diuinitus monita, rationeq. vitæ cōuerfa fastui & ambitioni sese subtraxit, a ciuilibusque muneribus & contentionibus procul abscessit, ac Diuino cultui se totum dedit, negotijsque Aulicis plurima salute dicta ad gregem sibi commissum pascēdū Eugubium concessit. in quo regendo ita omnes diligentiae, continentiae, pietatis, liberalitatis in egētium inopia subleuanda partes impleuit, itaque eius virtus & religio eluxit, vt non Italix tantum finibus contineretur, sed toto orbe peruagata sit, aduersarij. ipsi nostri hunc virū in perpaucis illis numerarent, quos solos Episcoporum nomine dignos ducerent. quæ laus ab inuitis præsertim & sacerdotalis ordinis perperuis obtrektoribus & insectatoribus expressa quantā sit, facile intelliget, si quis cogitauerit, quantum sit Episcopis impositum onus, cuiusque muneris colendi causa sit institutus Episcopus. Nec minus continentiae animiq. omnem fastum contemnentis signū expressit in Cardinalatus honore vltro delato recusando, quē retractans ac gemens accepit Paulo Tertio pro imperio, ac pro iure sacrosanctæ potestatis cū illo agente, poenaeque in contumaces & dicto nō audientes statutas comminante. Verum cum multa Romæ offendisset, quæ minus illum delectarent, ipseque libertatē suā in sententia dicēda cū officio ac pietate conuinctam nō satis placere intelligeret, iterum relicta Aula ad priuatam ecclesiam regendā reuersus ansectæ vitæ cursum digno exitu conclusit.

C L A R L T
FVLVII CARDVLI.

Quæ te Musa libens tacitum Fulgore relinquat,
Inferior meritis sit licet illa tuis:
Non pia vita minus, quam te cognomen honorat,
Nomina conueniunt moribus apta probis.
Fulgebis quondam terris virtute opibusque,
Et sophia, & titulis, mirice clarus, auis.
Nunc cælo fulges ipsis fulgentior astris,
Agnoscat sydus patria læta suum.

LAVRENTIVS CIBO CARD.

L Aurentium & Innocentium Cibo Cardinales cum
proprie virtutes, tum generis nobilitas, & claræ
propinquitates ab obliuione hominum vindicant. Ge-
nile enim habent Pontificium decus Innocentij Octa-
ui nepotes & clarissimæ Medicinæ gentis affinitate præ-
fulgent. in qua gente maximum, atque haud scio, an
præcipuum fuisse dicam Italiæ ornametum. quippe
quæ præter ceteras amplissimas laudes illam præclaris
artibus exornarit. quas ex altissimis tenebris, quibus
innumera sæcula obrutæ fuerant, in lucem extraxe-
rit. ceterum utriusque suæ sunt proprie commenda-
tiones. nam Laurentius religionis fama in primis cla-
rus fuit, qui sacras cellas multas extruxerit, ac peram-
plis vectigalibus dotarit, naturaque ita miti tantaque

morum comitate & suauitate fuerit, vt omnibus charus & acceptus in principibus Cardinalibus numeretur.

PANDVLPHI GHIRLANDAE.

Insignis pietate uiret Laurentius auo

Omni. quem Patrem purpura condecorat.

Illius nomen non ulla aboleuerit aetas,

Quod sacris crescit cum ædibus innumeris.

INNOCENTIVS CIBO.

AT Innocentius magnum ingenij specimen edit in rebus Florentiæ Alexandro interfecto ad tumultum spectantibus pacâdis, causisq; magnorum motuum præcidēdis. vt appareat illum ad Rē publicam gerēdam in primis idoneum futurum fuisse, ni otium vitæ a cōtentionibus remotę nimiū amplexus procul a Romana Aula maximam ætatis partem egisset.

PANDVLPHI GHIRLANDAE.

*Cæsus Alexander cum esset, rerumque nouarum
Florentine metus, sustulit ille Cibo.*

*Quem facit ingenium clarum, sacra purpura, mores
A summo decore Pontificiumque genus.*

ANTO-

ANTONIOTTVS ET IO. BAPTISTA
PALAVICINI CARDD.

MVtuis sese ornamentis, redundantibusque alterius in alterum laudibus illustrat Antoniottus patruus & Io. Baptista fratris filius Palauicini Cardinales diuerso virtutum genere ac diuersis vitæ institutis commendati. summa enim grauitas, prudentia, consilium, integritas Antoniotti ita eluxerunt, vt vacuo folio in Pontificijs comitijs multos ex candidatis dignitate longe antecederet, propeq. sit factum vt ad Apostolatus fastigium perueniret, multorum patrum consensu meritis & prospectæ virtuti summum locum illi destinante. Verum Pontificiæ ditionis partim e Tyrannorum, partim ex exterorum Principum manibusextortæ & recuperatæ gloria fatali Iulij ingenio Diuino consilio reservabatur. Neque tamen Antoniotti Pontificatu præteriti opera in maximo & grauissimo omnium negotio non Christianæ Rei publicæ utilis fuit. Legatus enim ad Ferdinandum Hispaniæ, & Ludouicum Galliæ Reges de pace inter illos componenda missus est, in celebri illo Saonæ conuentu, quo omnium fere Christianorum Procerum concursus factus, est ad tantum spectaculum oculis perfruendum. neque enim quidquā conspectius esse poterat, quam duos maximos omniumque potētissimos Reges, qui omnia Christiani orbis consilij suis

suis traherēt, totius Europę nobilitate stipatos in exiguā vrbe coniunctos eodem contubernio eademq. mensa videntes intueri, Legatumque Pontificium sacra purpura fulgentem inter tantos Reges medium considere. Antoniotus igitur in tantorum Regum animis tractādis & permulcēdis ita se gessit, vt haud paruum momētum in illius moderatione, lenitate, sapientia ad summorum Principum animos inter se conciliandos fuisse existimetur. At Ioannes Baptista eximia Pōtificii, & Cæsariani iuris scientia præditus per omnes forensium honorū gradus, in quibus eius doctrina, ingenium, industria multos annos elaborauit, ad amplissimum ordinem peruenit, in quo cum haud diu fuisset, humanę cōditionis necessitate sublatus est, vt eius virtus minus in Cardinalatu enituerit. Ceterum cum magna fortuna offensionibus sit obnoxia, factum est, vt vir amplissimus obrectatorum liuorem non effugerit, aspero carmine ac virulentis quamuis non iniucundis salibus resperso ita perstrictus.

Cui liquor est genitor, genitrix cui Græcia, ponto

Qui medio est natus, vir bonus esse potest e

Ni uani Ligures, si non sit Græcia mendax,

Ponto si qua fides, vir bonus esse potest.

Quo carmine tantum abest, vt quidquam de viri clari fama detrahatur, vt illa potius augeatur. qui enim

enim vitam & mores hominis carpere nō potuit, falsa coniugia in genus & originē intorsit. Quis enim nescit Græciam omnis sapiētūz omnisque doctrinæ & eruditionis parentem & altricem mortaliū ingenia egregijs artibus ad humanitatē excoluisse? Neq; summus Poeta Ligures vanitatis aut animi frustra elati ipse arguit, sed maledictū a maleuolo hoste coniectum persona illius inducta refert. qui sententiam suam de Liguribus declarauit, cum illos inter nationes, quarum virtute Italia illustretur, connumerat.

Assuetumque malo Ligurem, pubemque Sabellain.

Et T. Liuius Ligures natos dicit ad militarem disciplinam inter reliquorum interualla bellorum Romanis continendam, adeo viuida gentis ingenia nullis cladibus frangē poterant, quin ad libertatem recuperandam nouis semper motibus consurgerent. ex quibus igitur rebus maleuolus Poeta inuidiam Ligurum genti studuit conflare, ex iisdem contraria gloria ita colligi potest.

Cui Ligur es ē genitor, genitrix cui Græcia, ponto

Qui medio est natus, uir malus esse potest ē

Nonne malo assuetus Ligur est ē sapientia nonne

A Græcis ē nonne est ē Venus orta mari?

Egregiorum hominum ferax fuit gens Palauicina, compluresque sacros Antistites tulit probitate & prudentia conspectos. in quibus Petri Francisci & Cypriani uirtus enitet. quorū ille Alerię Episcopus
dum

dum in pastoris muneribus obeundis nihil sibi parci, morbo ex Corsicæ noxio calo contracto decel sit. Hic Genuensem Ecclesiam Archiepiscopus regit, quaque disciplina sibi commissos sacerdotes formare contendit, eius ipse præclarum specimē vita & moribus exprimit. Petrus Franciscus peracri & viuido ingenio fuit eximius Pontificij & Cæsariani iuris interpretes, neque elegantis eruditionis expers; Cyprianus primos annos politiorib⁹ litteris & Philosophiæ studijs dedit, mox sese ad sacram doctrinam conuertit, in qua haud contemnendos habet processus.

BENDINELVS SAVLIVS CARD.

IN Auspicatus gēti Sauliæ opibus florenti sacrae purpureæ honor fuit, quo Bendinelus a Iulio Secundo donatus est, neque dubitatur, quin magni nominis Cardinalis euasurus fuerit, ni ab indignatione se se in nefarij consilij contra Pontificem initi societatem præcipitem dedisset. Viuido enim & præstanti ingenio fuit, neque politiorum litterarum rudis. quas in alijs quoque amauit, & amplexus est. quippe qui literatos homines in familiaritatem acceptos aluerit & fouerit. in quibus fuerunt Ioannes Mariâ Catanæus, qui in heri gratiam urbem Genuâ eleganti poemate descripsit & laudauit, ac Paulus Iouius, quo nemo in prophanis rebus plura scripsit, aut magis nostram ætatem scriptis suis illustrauit felicissima rerum copia,

copia, ingenijq. vbertate, ac stili sublimitate omnes
 profecto superaturus, nisi ingenio nimiū indulgens,
 dum scribendi impotenti auiditate veluti rapidissi-
 mo æstu effertur, in scriptis suis limandis ac polien-
 dis supine negligens interdum fuisset, vt fluere lutu
 lentus aliquando existimetur, quæ res magnum deil-
 lius gloria cumulum deijcit.

*Inuida Virtuti mala fors cum cerneret in te
 Ingenium & dotes eximias animi.
 Non tulit, atque tuis successibus obstitit, ausa
 Ad decus intentum continuisse gradum.
 Felix, si quo cœpisti dare uela per altum
 Hoc ires cursu tuque tuumque decus.
 Nam uirtus cum purpureo te ornauit amictu
 Promisit triplex tum diadema tibi.
 At fors, quæ meritos olim subtraxit honores
 Non potuit superis te prohibere choris.
 Hic tu Cælestes inter sanctumque Senatum
 Spernis opers, auri pondera, regna, decus*

AVGVSTINVS SPINVL CARD.

DVæ sunt omnino Reipublicæ gerendæ artes: qua-
 rum illa præstantissima est, quæ consilia publi-
 ca regit, quæ de magnis rebus, de bello, & pace susci-
 pienda

pienda & ponenda, ac de summa República delibe-
rat, quæ leges condit, quæ iudicia exercet, quæ ex-
citibus præst, remque militarem administrat, Secun-
das dignitatis partes obtinet illa, quæ recte *Quæsto-*
riam vocaueris. Huius munus est ætærium conserua-
re, vectigalia publica tractare & augere, frumeta, cõ-
meatus, annonam, commercia prouidere, rem pecu-
nariâ expedire, necessarios apparatus, bellica instru-
menta, stipendia exercitibus suppeditare, eiusmodi-
que alia multa gerere & procurare. Primam illam,
quæ altissimû locum in humanis rebus obinet, haud
sane Augustinus Spinula magnopere attingit. at in se-
cûda ita versatus est, vt in primis nostræ ætatis homi-
num excellere existimatus sit; ex eaque sibi ad ma-
gnos honores, postremo etiam ad sacram purpurâ
gradum fecerit, amplissimumque Romanæ *Quæstu-*
ræ magistratum, quæ Camerarium vocant, obtinue-
rit, vir frugi & in quotidiano quidẽ cultu, qui tenuis
& ab omni luxu & splendore abhorrens fuit, parcus,
ceterum in hominum inopia subleuâda, amicis, cliẽ-
tibus, familiaribus opibus augendis, quæ longe cla-
rior laus est, large munificus. Atque vtinâ Andreas
Spinula honorificentissimo Decemuirali Romanæ
Quæsturæ Magistratu, quem clericû Cameræ vocât,
perfungens vt ingenio, doctrina, virtute sua se se am-
plissimo ordine dignum ostendit, ita amicos & clien-
tes breui votorum susceptorum damnet.

ANDREAE SPINVLAE.

En Augustinum quamquam Zenonæ carentem
 Sedulitas animi viuida, et unica gens
 Spinula prouexit veterum ditissima laudum,
 Seu genuit claros, seu genita est Ducibus
 Quo uim consilij testetur purpura Romæ
 Ad cælum illustres posse vocare viros.

HIERONYMVS GRIMALDVS CARD.

Multis grauibuscque de causis mihi tamen haud
 satis compertis Hieronymus Grimaldus e pri
 uata vita euocatus a Clemente VII. in amplissimum
 Cardinalium collegium cooptatus est, uir integer,
 & in sententia dicenda libertatis & senatorij officij
 memor: Grimaldæ igitur gentis nobilissime & præ
 potentis atque opibus florentis, castellorumque &
 & populorum veteri dominatu insignis, quæque in
 quatuor illis numeretur, quæ turbulentis Reipubli
 cæ tēporibus, tum cum omnia Gibellinarū & Guel
 farum factionum studijs arderent, capita rerum Ge
 nuæ fuerunt, Regnumque in Patria diu possederūt,
 Hieronym⁹ nouo hoc honoris titulo stēmata auxit.

HIERONYMVS AVRIA CARD.

Res diu ac multum quæ sita est; magnisque dispu
 tationibus iactata, in laude ne an in vitio ponē
 dum

dum sit illorum consilium, qui procul a Republica, ab omnibusque publicis muneribus abscedentes in priuata vitæ otio omnem sibi ætatem agendâ decreuerunt. Sunt enim qui id vel eorum hominum esse dicant, quorû mentes exiles & angustæ splendorem illum & dignitatem, qui est in Republica gerenda, egrègiaque honoris & amplitudinis præmia, quæ vitam illam consequi solent, capere nō possunt, quique humiliter & demisse de se sentientes nihil amplum aut magnificum possunt spectare; nullamque eminentem virtutis imaginem intueri, atque idcirco sese illi oneri subtrahunt, cui propter imbecillitatem se impares intelligunt, vel eorum, quibus voluptaria vitæ ac mollis cordi est, quique libidibus dediti nullis se molestis negotijs velint implicari, quæ ipsos a voluptatibus omnibus sensibus hauriendis, in omni que vitæ persequendis interpellent. At nonnulli, ijque nō indocti longe contrariam disputandi rationē ingressi, magni & excelsi animi esse statuūt, omnia humana, omnesque honores, & omnem vitæ huius fastū subter se positum existimare; prudenterq. facere eos cōtendunt, qui vitam illam dissidiorum, simulatam, contentionum plenam, ad hoc inuidiæ, obrectationi, calumnijs obiectam vitent, summæque sapientiæ esse affirmant, graues horribilesque casus eorum, qui vitam Aulicam amplexi sunt, ac domorum & familiarum euersiones secum reputantem, ab illis turbulentissimis molestiarum tempestatibus, quibus ea vi

ta infesta est, quibusq. multos sæpe obrutos vidimus, in tranquillum priuati otij portum confugere. mirisque proinde laudibus extollunt vetus illud Græcorum dictū *ad Aristotē* Nos rem ambiguam & cōtrouersam ex hominum, qui alterutram vitam sequuntur ingenijs existimādam ducimus. eosque, qui ijs, quas modo commemorauimus, de causis priuatae vitæ tranquillitatē Reipublicę gerendæ dignitati præferunt, non quidem magis laudandos, aut ijs antepondendos existimamus, qui omne consilium suum ingenium, operam patriæ ac Reipublicæ nauandam censent, sed excusandos ac nonnumquam etiam imitandos. Qualis fuit Hieronymus Auria Cardinalis. in quo viro tantum robur animi & consilij fuit, vt illum ignauia ac desidia, aut nequitia procul a Romana Aula ætatem egisse nemo, cui vir ille notus fuerit, dicere audeat. quippe qui antequam in Andreæ Auria gratiam a Clemente VII. in Senatum lectus esset, multa ingenij, consilij, prudentiæ in Republica Genuensi in vario munerum genere administrāda, egregiaque documenta dederit, vt a spectata virtute dignus habitus sit, qui esset in duodecimuiris legū ferēdarum, & status rerum emendandi ac constituendi. in quo munere obeundo opinioni hominum abunde respondit. Talem igitur virum quis non sapienti consilio ac meditata ratione Aulam, atque illas contentionum procellas putet vitasse?

Tot tamque eximiae virtutes nomen tuum com-
 mendant Ioannes Baptista Cicada, ut difficilius
 sit in tuis laudibus exitum, quam principium inueni-
 re. Quid enim in te primum mirer? praestante ne do-
 ctrinam? an ciuiliū rerum cognitionem? ut nihil
 esset in usu Romanae Aulæ positum, quod tuam scien-
 tiam effugeret? an acerrimam illam caelestis prope in-
 genij vim, sollertemque quandam mentis aciem ad
 omnia quamuis ardua & implicata expedienda, & ad
 exitum perducenda? quibus virtutibus id affecutus
 es, ut Regnum in rebus forensibus, dum vixisti, ob-
 tineres, nullaque magna res esset, quam non de tuo
 consilio Romani Pontifices gererent. Ut etiā ij, qui
 tibi parum æqui fuerunt, te ad magnas deliberatio-
 nes adhibere cogerentur? an fidem & constantiam
 in iustitiæ & oppressorum defensione, ut nullam vm-
 quam pro amicis & clientibus dimicationem recusa-
 ueris? quorum firmissimum praesidium & columen
 semper fuisti: nemoque in tuam opem & tutelam con-
 fugerit, quem sineres eueri, quemque non honori-
 bus & fortunis auctum reddideris. In me quidem ea
 tua sunt merita, ut Numinis cuiusdam venerationem
 apud me obtineas. Quibus quam aliam in praesen-
 tia, quam eam, quæ facultatis nostræ est, hoc elogio
 gratiam referam? cuius ea erit clausula, sacrae purpu-
 re amplissimum honorem tantorum meritorum mi-
 nimi

nimi pretij instar fuisse. Vnum nobis in tanto mœro
re reliquum est solatium Carolus patris filius Ingau-
norum Episcopus mitiore ingenio vir. qui vt te vir-
tutibus reddit, ita honoribus quoque subsequetur
existimatur. Cuius rei haud dubiã spem facit, quod
iam a Gregorio Tertiodecimo sapientissimo Princi-
pe ad grauissimas Reipublicæ partes gerendas adhi-
beri cepit.

ANTONII VACCAE.

Quis tua quam fuerit niuax & seruida Virtus
Dicat, & ingenium magne Cicada tuum &
Impiger ethereos meat vt sol aureus orbis,
Omnia collustrans calfaciensque simul,
Sic tua mens uelox ima & sublimia rerum
Officij constans, propositiue tenax
Lustravit fouitque bonos super omnia amicos,
Et tulit, vt cælum creditur altus Atlas.
Mirus in aduersis rebus mirusque secundis
Vera in te fulsit Iustitia & Pietas.

SIMON PASQUA CARD.

Quæ duæ res in vnum eundemque hominẽ con-
uenire perraro, ac vix vñquam solent, præstas
ingenium, & summa animi moderatio, ex ambæ in
Simone Pasqua ita enituerunt, vt de illo ornãdo, cer-
tasse

tasse videantur. Nam & in Philosophiæ studijs, quibus primæ ætatis tempora in Gymnasijs publicis dedit, ita excelluit, ut in nostræ ætatis philosophorum principibus numeraretur. quam haud exigua laudem cum labant singularis morum facilitas, miraque naturæ comitas, ac sermonis affabilitas. quibus virtutibus cū sōmæ dignitate cōiunctis voluntates & studia hominum ita ad sese attrahebat, ut apud principes viros, quorum frequenti cōsuetudine vsus est, in gratia & in honore semper fuerit. Et virum tātis ingenij & industriæ præsidij ad maxima quæque gerenda instructum priuatę vitę otium ambitionis studijs, & honorum cupiditati anteposuisse, proculque a publicis muneribus & ciuilibus cōtentionibus quietam & tranquillam ætatem egisse, summę moderationis, excelsique animi, atque humana despicientis, infraque se posita putantis præclarum specimen fuit. quamquā honores & legationes ad maximos Principes publice sibi in patria interdum mandatas declinare non potuit. in quibus obeundis & magnam a Principibus, ad quos missus est, gratiā iniit, & apud ciues suos haud exigua laudem peperit. Quibus rebus id affecutus est, ut honores, quos numquam quæsiuit, illi sint ultro delati. Neque enim Pius Quartus acer ingeniorum existimator passus est, virtutes familiari vsu perspectas debiti honoris luce carere. qui simulatque Pontificatum iniit, Simonem e patria euocatum Episcopalibus insignibus ornauit. ad quod

quod munus colendum cum sibi alia præsidia adiungenda intelligeret, Simon vir Græcarum litterarum scientissimus, omnique eleganti eruditione perpolitus sacræ doctrinæ studia maiore opera repetijt; viuidique ingenij felicitate breuissimo temporis curriculo ad summos peruenit. quæ res ceteris diuturni laboris, ac temporis esse solet. cuius rei periculum factum est in Concilio Tridentino, quo ab eodem Pio septuagesimum annum natus missus egregium ingenij, doctrinæ, pietatis, religionis in celeberrimo Christiani orbis Theatro specimen dedit. Multiplici igitur doctrina, innocentia, prudentia, integritate commendatus Simon ab eodem Pio in Cardinalium ordinem summa cum omnium bonorū lætitia cooptatus, Geni suæ Pasquæ, quæ complures Nobiles & insignes viros patriæque in primis vtilis tulit, aditum ad tantum honorem Princeps referauit. qui in tanta dignitatis sede locatus is statim apparuit, vt omnes statuerent, amplissimo honore non tam præmium meritis debitum persolutum, quam ex illo ad sublimiora Simoni gradum factum, quam expectationē mors Romanæ Aulæ acerba, suis luctuosa, bonis omnibus grauis elusit.

M. A N T O N I I B O B B A E C A R D :

*Egregio Pasquam finxit Deus ore Simonem,
Eximijque animum virtutibus imbuat, ut quas*

B b

Conditio

Condidit insignes præstanti in pectore dotes,
 Protinus exprimerent oculi sub fronte decora,
 Ingenuæ liquido seu picta corallia fulgent
 Crystallo, nullam rosei perpeffa nitoris
 læturam, mittuntque suos illæsa colores:
 Illustri quantum is patria, celeberrima tantum
 Vrbs ligurum claro felix lætatur alumno,
 Consiliumque, operamque baud raro experta fidelem.
 Quem modo purpureo ornatum urnerata galero est
 Inclÿta Roma sacri columenque decusque Senatus,
 Virtutis propriæ nitentem fortibusalis,
 Dum sublime uolat, mors abstulit inuidia terris
 Ingenio pollentem acri, uiridique senectæ.

HIPPOLYTI CAPILVPII.
 EPISCOPI PHANENSIS.

Felix qui potuit naturæ discere leges,
 Immensumque uagi noscere solis iter.
 Sed longe ante alios felix, qui colligit alto
 Missa polo e sacris aurea dona libris.
 Sed te Pasqua nequit dici felicior alter.
 Qui vi Diuinæ mentis utrumque facis.

BENEDICTVS LOMELINVS CARD.

I N Benedicto quoque Lomelino amplissimo elo-
 gio ornâdo nô plus me studijs, quæ illi pro egregijs
 in

in me meritis summa debeo, quam veritati tribuisse testis est Romana Aula, cui hominis virtutes per tot annos sunt spectatae. æque enim huc virum ingenij atque voluntatis bona commendant. Nam in Põti sicij & Cæsariani iuris scientia ita excelluit, vt adolescentiam nondum egressus, quod tempus ceteris ad pediscendũ datur, illius interpretãdi ac docendi munus publice mandatum summa cũ ingenij ac doctrinæ laude sustinuerit. nec minores sunt integritatis & innocentiae laudes. quibus accedũt mirus animi candor, naturaque simplex & aperta, nullaque malevolentia infuscata, quoque nihil ex omnibus humanis rebus præstabilius est, ad benemerendũ de omnibus, quicunque in illius opem confugiunt, in primis propensa. comitantur incredibilis facilitas ac morũ suauitas, singularisque humanitas. quæ summæ & præstantes virtutes cum relicto Gymnasio ad gerendam Rempublicam accessit, illũ per omnes honorũ gradus ad Cardinalatum tandem extulerunt. quem ille honorem in gentem suam Lomelinam nobilitate & opibus perpetuo florentẽ primus iutulit, vt plus huic viro illius maiores, quam ipse illis debere videantur, maioraq. ipse illis ornamenta dignatione sua reddidisse, quam quantum ipse ab illorum splendore accepit commendationis.

TOGAE ART.
FVLVII CARDVLI.

Haëtenus & sophiæ studijs florebat, & armis
Lomelina opibus gens, atavisque potens.
At sacra, quæ clarum decoraret purpura nomen,
Deerat adhuc, ætas hanc quoque nostra dedit,
Dotibus en præstans animi, donisque Minervæ,
Et magnis maior iam Benedictus auis
Augēt honore domum, mitraque insignis, & ostro
Quæ superi debent, huic potiora stabunt.

IOANNIS CARGAE.

Inter opes atque arma, quibus terræque marique
Lomelina domus clara potensque nitet,
Primus Romano fulget Benedictus in ostro
Insignis sacra purpureusque toga.
Cedite opes atque arma nouus ceu lucifer orbi
Aditus omne suis hic decus auget auis.
Illi magnanimis titulos heroibus æquant,
Hic ualet in terris proximus ire Deo.

VINCENTIUS IUSTINIANVS CARD.

EA dedit Vincentius Iustinianus in magnis rebus
gerendis eximiae virtutis documenta, ita se se in
magnis procurationibus administrandis maioribus
dignum semper ostendit, vt Cardinalatui, qui honor
in sacerdotum Republica proximum a Pontifice Ma
ximo

ximo dignitatis locum obtinet, non minorem reddat splendorem, quā ipse ab illo illustretur. Huius enim viri tanta uis ingenij & cōsiliij fuit in Dominicano ordine, cui duodecim annos summus Magister pręfuit, cum octauum & trigessimum agens annum ad eū locum peruenisset, moderando, ut ex multorum seculorum memoria eum ordinem neque pacatiore, neque maiore in cōcordia & charitate inter se fuisse cōstet. quę res quantę virtutis ac prudentię fuerit, facile intelliget, si quis secum reputauerit, quam lōge lateq. fasus sit is ordo, quippe qui omnes Christianas prouincias amplissimis cōnobijs occuparit, quot ex nationibus, quamque ex varijs hominum ingenijs cōstet, quot viri in illo sint genere & doctrina pręstantes. quę res animos hominum inflare & ad imperia contumaces efficere solent, quam dissidentia inter se studia in eo esse necesse sit. Quis igitur uersatile Iustiniani ingenium ad omnes hominum naturas tractandas aptum non admiretur? Illud vero longe mirabilius ac pene Diuinę laudis specimē fuit, quod in tam contrariis inter se voluntatibus hominum regēdis & moderandis, in tantaque mole sustinenda nemini offensum gratiam omnium partium ac uoluntates tenuit, inuidiamque & obtreccationem perpetuas eminentis virtutis & glorię comites Iustinianus magnitudine sua obruit. Neque vero laudibus in Dominicano ordine regendo ceterę res gestę nō responderūt, aut minore in maximis & grauissimis Christianę Ecclesię

clefæ negotijs, prudentiæ, cōfiliij, ingenij vim expref-
fit. quippe cui⁹ in primis indicio, opera, industria, in
rebusque ducendis lenitate in Tridentino Cōfiliio,
quo quidquid floris Christiana habuit Respublica,
constat conuenisse, Legati Pontificij in arduis rebus
expediendis vfi sunt, eoque interprete quamplurima
grauia & impedita negotia trāsegerunt. vt nullius om-
nino maiora operæ pretia aut merita cōstet extitisse.
Nec parum clarissimi viri laudes cumulat Legatio ad
Philippum Regē cellissimum de maximis & arcanis
rebus obita, quo munere dum fungitur, absens Cas-
dinalis est factus.

HIPPOLYTI CAPILVPII EPISCOPI
PHANENSIS.

Vincenti egregio sic enitet aurea virtus
i Ore tuo, ut puro lucida geminā uitro.
Nec fūco aut maculis respersa apparuit umquam.
Ceu sol qui nūdum fert sine nube diem,
Quaque uigil flectis Diuinæ lumina mentis,
Illa tibi semper præuia monstrat iter.
Perge viam, non fortuna super ætheris oras
Te rota, sed virtus te tua sola nebit.

ANTONII HORTENSII.

Quis te magne pater saceat, quis laudibus æquet
Virtutem paribus Iustiniæ tuam.

Te

Te stupere senes iuuenem, dum legibus ornas,

Dum sancta cobibes religione patres.

Te Rex Hesperia, te concio Dia Tridenti

Eloquio sensit, consilioque parem.

Nunc o purpurei salve pars magna Senatus,

Perge decus meritis hoc decorare nouis.

EVLVII CARDVLI.

Tu quoque Vincenti clarissima fama tuorum

Multipli magno nomine uincis auos.

Te sibi religio primis sacrauit ab annis,

Ordinis illa Ducem, legit & illa patrem,

Consilij & docti testis caduceus oris

Misit ad Hesperij sceptris superba Tagi.

Absenti vaticanus largitur honorem

Sponte parens, Tyrius tempora cingit apex,

Curia gratatur reduci tibi, Roma precatur.

Quod superest, tribuent Numina, Vine diu.

XYSTVS, GALEOTTVS, CLEMENS

ROBOREII CARDD.

Genuesibus ciuibus absolutis, vt ad reliquæ Ligu-
riæ Cardinales descendamus, quid clarissimæ ge-
ti Roboreiæ abesse dicemus de maximis omnis gene-
ris ornamentis? Si enim clarissima mortalium rerum
spectemus duos Pontifices Maximos tulit egregijs
ambos

ambos virtutibus conspiciendos. Iulij quidem virtus Pōtificio solio ita honorifica & vtilis fuit, vt qđquid Romana Ecclesia ditionis prophanę nunc possidet, id fere eius laboribus & constanti virtuti debeamus. Si ad militarem gloriam animum conuertamus, sum-
 mum eius laudis fastigium etate nostra Frāciscus Ma-
 ria Dux Urbini tenuit. Si ceteros sacros ordines cogi-
 tatiōe complectamur, prāter innumeros Episcopos
 sex habuit Cardinales, Quorum quatuor Ligures ci-
 ues Saonenses fuerūt. omnes amplissima fortuna vſi
 Xystus, Galeottus, Clemens, Leonardus. Xystum &
 Galeottum fratres clarissimi generis splendor & am-
 plissimus sacrae purpuree honor ab obscuritate eripit,
 ceterū nō sane amplam materiam scribentibus prae-
 bent. Cuius rei in altero morbus, in altero brevis et-
 atis cursus causa fuit. Xystus enim cum acerrimis po-
 dagrae doloribus continenter vreretur, procul ab Au-
 la & a publicis muneribus abscedere coactus omnem
 fere ruri etatem egit. Galeottus in ipso etatis flore im-
 matura morte sublatus est, vir litterarum politionum
 non omnino rudis, extant nōnullae odę populari lin-
 gua ingenij indices. insignis huius viri liberalitas ac
 Regia magnificentia cum erga amicos, tum in quoti-
 dianū cultus splendore in primis conspecta est. His
 additur ex eadem familia Clemens, cuius memoriā
 quibus priuatim ornamentis decoraremus, inuenire
 non potuimus. Tres igitur hi viri vt nomine ita elo-
 gio coniuncti erūt, quod quibus moribus quibusue
 rebus

rebus gestis illos inter se distingueremus, nihil sane nobis appareret.

LEONARDVS ROBOREIVS CARD.

AT in Leonardo ornādo fortuna & natura inter se certasse videntur, si ethnicorū more loqui velimus. nam hanc fortunæ vocem a Christiana professione abhorrere non sum nescius, quæ hæc & cetera omnia Diuinę voluntati merito attribuit. adeo quid quid boni vtraque habuit, in illum cumulate congestit. nam illa clarissimi generis nobilitatem, amplissimas opes, summos honores dedit; hæc præstans ingenium, egregiamque ac Diuinam quandam animi indolem contulit. Eximia enim in hoc viro fuit Pontificij & Cæsariani iuris scientia, sanctissimi mores, perpetuusque vitæ integerrime actus cursus, duæque in illo ingentes virtutes in primis conspectæ sunt, eximium iustitiæ studium, ac singularis misericordia excellensque in egentium inopia subleuanda liberalitas. quæ virtus inter Christianas altissimum locum tenet. quarum virtutum multa in omni vita clarissima edita sunt documenta, nos vtriusque singula exempla protulisse contenti erimus. nam cum supplicibus libellis, tam ijs, qui ad forenses res regendas, quam ijs, qui ad beneficiorum distributionem pertinent, multos annos præfuisset, in eoque munere fungendo caste integreque perpetuo esset versatus, quidamque ex cubi-

Cc cularijs,

cularijs longa & intima familiaritate illi in primis acceptus illum commonefecisset, etiam atque etiã animaduerneret, quæ enim in libello oblato continebantur, ea rem fratris oblique attingere, hominem verbis male acceptum oculis & auribus aspernatus, facesse, inquit, protinus e conspectu meo scelestè, quiq; tantum nefas mente concipere ausus sis, vt pluris esse apud me ponderis fratris respectus quam iustitiæ studiũ suaderes. hominemque domo exegit. Et mortuum Leonardum miserorum & egentium parètem pauperes diu multumque luxerunt.

CAROLVS DOMINICVS CAR-
RETTVS CARD.

QUot Deus immortalis, quantæque laudes Caroli Dominici Carretti nomen verèdum faciunt. nam ad præclari & peruetusti generis nobilitatem accesserunt immensæ opes. quæ res cum per se ad homines illustrandos satis valeant, tamen tanta est in Carolo clarissimarum virtutum gloria, vt illarum splendore reliqua amplitudo pene obscuretur, fortunæq; & generis commendationes animi & ingenij bonis obruantur. Fuit enim in hoc viro præstans ingeniũ, singularis prudẽtia, eximius rerum humanarum vsus, in primis vero summũ religionis ac pietatis studiũ. quas ingentes virtutes Regia in omni genere magnificẽtia mirifice decorabat. Neque vero indefessa vir

tus vllis aut laboribus vñquam infracta est, aut negotiorum multitudini succubuit, aut tēdio & satietate relanguit, sed eodem perpetuo tenore viruit ac vigit; omnisque vitæ cursus Carolo in assiduis laboribus, atque in Reipublicæ administratione acerrimaq. animi contentione continenter actus est. Prima gerēdæ Reipublicę tēpora Gallis data sunt. pro quibus multis & peramplis legationibus de maximis rebus perfunctus est. in quibus obeundis ea sui documēta dedit, itaq. nominis sui fama Christianas prouincias impleuit, vt Iulius Secundus quantus qualisque Pōtīfex exacrabilis internecini quēdij, quo Gallia se dissidebant, oblitus aduersarum partium virum, ac pro illarum propugnatione expertæ constantiæ ad se euocatum sacræ purpuræ honore collato in Senatum legit. quod sapiens Pontificis consilium ea quæ consecuta sunt, comprobarunt. In Pisano enim conciliabulo Carolus raro ac neuiquam vulgatæ virtutis exēplo amplissimorum beneficiorum ac partium immemor sese a seditiosorū cōsilijs & societate penitus segregauit, studijsque cum pijs viris coniunctis in Romani Pontificis causam penitus demisit. adeo vir pius ceteros omnes humanos respectus præ religionis studio leues duxit. Præclaræ actioni omnis reliqua Caroli vita respondit. Cui in Lateranensī Concilio vna cum nonnullis alijs negotium omnium grauissimum pacis inter Christianos Principes cōponendæ datum sit. Iam vero immanium sacrarum Aediū sub

structiones Regio sumptu, ac miro opere excitatarū,
 amplissimaque illis facta donaria quātum cumulum
 reliquis laudibus addunt? ut iure duo Principes Chri-
 stianarum rerum capita Leo Decimus Pontifex maxi-
 mus, & Maximilianus Cæsar elogijs suis amplissimis
 verbis conscriptis ingentium meritorum & virtutum
 Carolo testimonium dederint.

IO. BAPTISTAE FONTEII PRIMIONIS.

Non adeo Ideis quondam Curretes in oris
 Vel Cybelen pulsu, vel coluere Iouem.
 Carolus Hesperias quantunn Carretus ad aras
 Et matrem, & vera pro pietate Deum.
 O decus, o patriæ eximium, stirpisque paternæ,
 Fratribus & claris anteferende tuis.
 Nam si Fabritius Rhodios equitesque Magister,
 Et Ligurum Alphon sus littora læua regit,
 Ars tua turbatos diētis componere Reges,
 Ars tua Pontificum maxima iussa sequi.
 Hinc dedit ille Deus, quoniam tibi templa placebant,
 In summo positum templa fouere gradu.

PETRVS ET RAPHAEL RIARII CARD.

Petrum & Raphaelem Riarios Saonenses cum Xy-
 sti Quarti affinitas, tum merita & virtutes ad am-
 plissimum

plissimum ordinem, & ad summas opes extulerunt. quibus simulque domestici cultus splendore ceteros suæ ætatis superarunt. Petrus haud vulgari sacræ doctrinæ scientia præditus fuit: Raphael Pontificij iuris haud contemnendus cōsultus. Petrus in ipso ætatis flore extinctus est amplissimo Legatiōis Italiæ munere perhonorifice & cum laude perfunctus. At Raphaelis Regia magnificentia cum multis in rebus tū vero in immanibus substructionibus sese ostēdit. nā præter Hostiam & Portū instauratas eas Aedes Romæ edificauit, quæ Laurentianū templū ldxitate sua includētes magnitudine, opere, materia cetera Europę ædificia facile exuperare existimētur. Vt Peregrini vrbem adeuntes duo duorum Ligurum eiusdē vrbis Saonæ Ciuium has nimirum ædes, ac templum Vaticanum Romanam magnitudinem spirantia horror defixi mirentur. Hic vir quamquam vitæ vno eodēq. tenore innocenter aetæ perpetuum cursum tenuit, ac mira comitate morumq. suauitate omnibus chārus fuit, multa tamen ætatis tempora infesta habuit, ac varijs & atrocib⁹ fortunæ casibus exercita & iactata. nam & in prima adolescentia, cum recenter in Senatum lectus esset, in coniuratione Pætiana quæ Iulianum alterum ex Medicijs fratribus sustulit, concitati Florentini populi impetum vix effugit Laurentij alterius ex fratribus superstitis cura in primis & auctoritate summo discrimine seruatus, & Valentino ad Sfortiam matronam & Riarios suos foro Liuij expellendos

lentos profecto sibi timens noctu clam ex vrbe profugit, ac Mediolanum concessit, & in consilijs in Leonis vitam Alphōso Petrutio auctore initis carcere inclusus est, non quidem, quod societatis patricidij insimularetur, sed quod coniurationis conscius illā Pontifici non enuntiasse argueretur. quam rem horū seculorum Principes ad patricidij crimen ex frequentiore iurisperitorum sententia reuocare solent. Et carcere emissus est pecunia a familiaribus collata redemptus. quæ fuit ducenta millia aurcorum nummū. vt ex tam immani summa illis præsertim temporibus cum tanta auri & argenti vis ex nouis occidentalis Indię prouincijs in nostrum orbem ab Hispanis cōtinenter inuecta nōdum Regna Europæ supra modū ditasset, appareat, quod familiarium genus vir amplissimus apud se haberet, quantaq. in charitate cū illis esset. Successores habuit tres fratris filios omnes per amplis sacerdotijs ornatos Cæsarem Patriarchā Alexandrinum, Archiepiscopum Senensem, Episcopum Malacitanum, Octauianum Episcopum Viterbicensem, Sfortiam Episcopum Lucensem.

HIERONYMVS BASSVS CARD.

EGregium virum fuisse Hieronymum Bassum eiusdem vrbs ciuem necesse est. quem Iulius secundus tantus Princeps affinem habere gloriari solitus sit; eique magnificētissimū sepulchrum extruxerit. huius
perpe tuus

perpetuus vitæ cursus constantissime actæ morumq.
candor & integritas, singulareque religionis studiū
vna omnium uoce laudantur.

ANTONIUS FERRERIUS CARD.

Ilustre ac perutile documentum mortalibus dua-
rum haud leuium rerum in Antonij Ferrerij Saonē
sis grauib. casibus positum est, & hominum cupidi-
tatem inani splendore deceptā in eas res ardentibus
votis plerumque ferri, quæ nulli non modo utilitati,
sed etiā damno & dedecori futuræ sint. Siquidem An-
tonio sacræ purpuræ honor prauo illius usu in exitiū
tandem vertit. Is enim ab eodem Iulio secundo, a
quo fuerat in Senatum lectus Bononiensi Legatione
impetrata diplomata ipse facultatum concessarū cō-
posuit. in quæ multa grauiā & ab usu & æquitate ab-
horrentia congestit, tempusque obseruauit, quo Pō-
tificem post cœnam in hilaritatem effusum minus ani-
maduersurū, quæ faceret, haud temere putauit, diplo-
mataque obtulit, quibus subscriberet, nihil in illis
inuisitatum esse affirmans. fidem dictis habuit Ponti-
fex Princeps ceteroqui cautus & prudens, cū omnia
prius putaret fore, quā ut ab homine amicissimo, tan-
tisque sibi beneficijs obstricto circumueniretur. Qui-
bus facultatibus cū immodice abuteretur Antonius,
res multorum querelis in Pontificis notitiam perue-
nit. Enimvero Pontifex natura seuerus, contemptusq.
sui

fui acerrimus vindex ira & indignatione exarsit, hominem quem ipse ex humili sorte ad eum locum extulisset, quo nihil sit in sacris honoribus altius, simplicitatem suam perfido astu captasse, maiestatique illulisse. Quare Romam euocatū ex carcere causam dicere coegit, isque exitus iudicij fuit, vt falsi damnatus Antonius ingēti auri pondere se redemerit. carcereque dimissus morbo ex ignominiae dolore cōtracto bimestri spatio consumptus sit. quem Iulius a memoria iniuriæ alte animo insidenti nulla funeris pompa efferri, nulloque exequiarū honore decorari voluit, ac ne sepulchrū quidem vllō inscriptionis monumēto insigne fieri permisit, vt ingrati hominis, a quo ipse parum sincera fide cultus esset, memoria prorsus extingueretur.

M A R C V S V I G E R I V S C A R D.

GENS Roboreia in summo sacrarū rerum fastigio posita, pcena & præmijs Rempublicam contineri probe intelligēs, vt in nōnullos seueritatis suæ aculeos malefactoris hominum excitatos contorquere coacta est, id quod de Antonio Ferrerio modo diximus, ita innumerabilium merita & virtutē amplexa, illos fortunis, opibus, honoribus amplificauit. qualis fuit Marcus Vigerius ipse quoque Saonenſis ciuis. cuius mirificam sacrarum rerum doctrinam, qua in primis suæ ætatis hominum excelluit, probitatem, prudē
tiam

tiam tanto fauore profecuta est, vt in nemine extol-
lendo clarius aut maius grati beneficique animi spe-
cimen expresserit. Xystus enim Pontifex beneficiorū
a Marco Vigerio seniore acceptorum memor, a quo
cum in coenobio ab omni ope desertus summa ino-
pia summisq. omnium rerum angustijs premeretur,
alendus & tuendus susceptus fuerat, cum ipse tandem
ad primos, & ad summam dignitatē in Franciscanis
peruenisset, Emanuelem ad se vocatum, ac Francisca-
na vota ipsum quoque professum prioreque nomine
ex Monachorum instituto in illud, quod benemeri-
tum patrum referret, commutato, apud se habuit,
ac quibuscunque rebus potuit, augendum & ornan-
dum suscepit. Demum Pōtifex Maximus creatus ex
coenobij vmbra in lucem Aulicam educum sacerdo-
tius ac per amplis fortunis honestauit, arcique Hadria-
ni præfecit, At Iulius inchoatum opus absoluit, Mar-
cumque experta fidelitate, doctrina, meritis commē-
datum in amplissimum collegium cooptauit, armisq.
Alphonso Duci Ferrariensi illatis exercitus legatum
creauit. in quo munere fungendo cum egregia illius
opera fuisset, tum vero longe magis eluxit in cōcilio
Lateranensi, in quo multo maxima grauiorum nego-
tiorū pars in eius procuratione & consilio versata est,
cum etiam apologeticam disputationem doctam &
peracutam contra Pisanū coetum edidisset. quæ vna
cum aliis egregijs & approbatis extat scriptis. Quib⁹
meritis ita delectatus est Iulius, vt ad cetera amoris

Dd vincula

vincula noua quoque affinitatis necessitudine Vig-
 rium sibi coniungere non indignatus sit, Nicoleta
 Roboreia fratris filia Marci fratri in matrimonium
 data.

BARPTOLEMAEVS CVCVRNVS
 CARD.

BArptolemęum Cucurnũ ex oppido Clauaro ne-
 bili & peruetusto genere ortum libenter præterijf-
 sem, ne infelici exitu, quo vitæ cursum terminauit, fu-
 nestum hoc opus nostrum facerẽ. Ceterum viro, cu-
 ius memoriam sacra purpura illustrem faciat, omisso
 Liguria Patria numero clarorum virorum fraudan-
 da visa non est.

PHILIPPVS CALANDRINVS.

PHilippum Calandrinum Sergianensem præterquã
 quod Nicolaus V. Vterinus frater conspiciẽdum
 facit, suæ quoque laudes haud parum commendant.
 ingenio enim mansueto, ac comi, moribusq. suauis-
 simis fuit. A Nicolaoq. Episcopus Bononiẽsis, Cardi-
 nalis, ac maximus vt vocãt, Pœnitentiarius Piceniq.
 Legatus creatus amplissima mãdata munera summa
 cum integritatis, æquitatis, iustitiæ, humanitatis lau-
 de administravit.

CLE-

CLEMENS DOLERA CARD.

HVmani ingenij imbecillitate, naturæq. dona suæ
inter mortales partientis decreto fieri videmus,
vt idem quamuis excellenti ingenio præditus vir, &
ad res gerendas natus non omni negotiorum generi
aptus sit, neque satis feliciter se se varijs hominum in
genijs & studijs accommodet. Quam rem Clementi
Doleræ ex oppido Monelia vsuuenisse cõstat. Is vir
cum Franciscanum ordinem, cui multos annos sum-
mus Minister præfuit, & ad quod fastigium ab inferio-
ribus muneribus ad superiora sibi deinceps gradum
faciens cum summa omnium approbatione conscē-
dit. Is igitur vir cum eum ordinem summa cū prudē-
tiæ, ingenij, probitatis laude rexisset, Cardinalis crea-
tus famam tot meritorum & officiorū momentis diu
collectam nihil sane auxit, vt sacræ purpuræ insignis
titulus plus honori & amplitudini adiecisset, quā prio-
ri gloriæ & existimationi addidisse videatur.

VBERTVS SPINULA CARD.

MAgnum apud annales nostros est Vberti Spinu-
læ nomen, cuius togati virtus plus patriæ pro-
fuit, quam multorum armatorum labores. eius enim
eximia prudētia in multis Reipublicæ partibus admi-
nistrandis & cõstituendis explicata fecit, vt huius viri

Dd 2

consilio

consilio & auctoritate rem Genuensem ea tempestate in primis stetit, haud immerito existimatum sit. Singula persequi longum fuerit, elogijq. modum exsuperit. vñ illud singularis animi magnitudinis facinus nulla posteritas silere vñquam debet, quod in cōtrouer-
 sis cum Pisanis de Sardinia rebus utroq. populo eam insulam suam vendicante, Cæsari in causam Pisano-
 rum propedenti, Genuensibusq. pro imperio manda-
 ti, vt libera possessione Sardinia Pisani cederent, Le-
 gatus Genuensium constantissime restitit, iniustumque
 imperium appellare non dubitavit, Genuensesq. prius
 vita discessuros, quam ea parte Insula, quae iuris ipso-
 rum sit, excessuros affirmavit. Non igitur se aut Ge-
 nuenses iniusta imperata facturos, aut illa vñlo modo
 accipere, sed causam per iudiciū cognosci oportere,
 cuius æquitati se se Genuenses sint submissuri. aliter
 armatos iunium & dignitatis suae vindices non aduer-
 sus Pisanos modo, quos contemnant, sed aduersus
 quemcunque honestam mortē fortiter appetituros.
 Quae orationis libertas commotum Cæsarem & in vi-
 ri admirationē versum flexit, qui ab imperio destitit,
 causamq. cognoscendā ad Iudices reiecit. Summū
 igitur hoc beneficium rerum in Sardinia retentarum
 Vberto Spinula Genuenses debent. qui imperterriti
 animi robore tantos imminētes motus discussit, tan-
 tasq. bellorum causas praecidit. Cū non dubiū sit, quin
 eius Insulae retentio, si res ad arma deducta fuisset, Cae-
 sare praesertim hoste adiuncto multarū cladiū, multiq.
 sanguinis

sanguinis mercede Genuensibus statuta fuerit. Complures omnibus ætatibus ex clara hac gēte egregij viri extiterunt, in quibus quod duos Nicolaos nostrorum temporum æquales, alterum Luca, alterum Stephano ortū nostrarū laudum testimonio ipsos quoque ornandos duxerimus, vt ipsi eximijs virtutibus clarum genū suū ac patriā ornarunt, nemo id nos amicitie & gratie potius tribuisse, quā illorū virtutibus & meritis dedisse existimabit, cui ij viri notī sunt. Singularis enim ei⁹, cui Lucas pater fuit, humanitas, morū facilitas, animi moderatio omnibus admirationi est. quē neq; nataliū splēdor, neq; amplissimæ opes, quę res animos hominum inflare solent, vñquam extulerint; quique nihil vñquam in quotidiana cōsuetudine graue, aut asperum, aut contumeliosum, aut elatum in quemquam fecerit, dixeritue, sed comemse se, ac facilem omnibus summis, infimis, mediocribus præbuerit. illud autem est neūtiquā vulgatæ moderationis specimen, quod cum opum amplitudine ipse quoque, vt multi, per amplas ditiones sibi posset comparare, vir ab omni fastu abhorrens priuatæ vitę æquabilitatē vna cum suis ciuib⁹ colendæ omnibus honorum titulis sibi magis cordi fuisse declarauit. At Stephani filium præstans & versatīle ingeniū nō magis in rebus civilibus tractandis & in Republica gerenda cōspectum facit, aliquot iam legationibus, alijsq. publicis muneribus functum, quam in doctrinæ studijs admirabilem. quippe qui ad eximiam iuris scientiam

tiam, quam in primis proficitur, Philosophiæ quoque & Theologiæ haud mediocrem cognitionē adiunxerit cum mira eloquentia egregiaque dicendi & scribendi tam soluta oratione quā carminibus facultate coniunctam.

IO. HIERONYMI CATHENAE.

Quod Ligures Sardo tenent uberrima Regna,
 Est Vberte tuum, iussum dum Cæsaris audes
 Exuere, & liber sermoni obsistis iniquo.
 Nectanti ualere Hetrusca potentia Pisæ
 Ut Ligur imperio uelit auduisse superbo.
 Gens Pisanapoteſt risum ridere, cadentes
 Quem Sardi ridere solent hoc fulmine linguæ.

ALBERTVS CLAVARVS.

Veterum illorum patrū, quos inter homines ad huc degētes, necdum huius corporis carcere solutos cēlestium vitam imitatos laudibus in cælū extulit antiquitas, quippe qui ut se se ab omni vitiorum contagione puros atque integros seruarent, procul ab hominum coetu in vastas solitudines, locaque deserta concedentes omni mēte in assidua Diuinarum rerum meditatione defixa totam ætatem egerūt, Horum igitur sanctissimorum virorum continentia, morum

rum castitatem, humanarum rerum cōtemptū, animi demissionem tercētum circiter ab hinc annis rettulit. Albertus Clauarus Genuēsis ciuis Dominicanorum institutorū professor. cuius vt omittam perpetuum vitę tenorem in ieiunijs, cum a carniū vsu perpetuo abstinerit, vigilijs, precationibus actę, quibus rebus carnis luxuriantem contumaciam mentisque legi reluctantem perdomandam didicerat, cū Diuinarū virtutum ac meritorū commendatione ad summū Magistri vniuersi ordinis locū elatus esset, nihil de pristina vitę ratione immutauit tenuissimo cultu contentus; tantaque fuit in homine animi ab omni fastu & superbia abhorrentis demissio, vt in tota Europa ob eunda ad cœnobias sibi subiunctas lustranda, resq. ordinis de more inspiciēdas & constituendas, nūquam equo vsus tam inmensa itinerum spatia vir prouecta iam ætate pedes conficere solitus fuerit. Eadē gens Clauara etate nostra Marcum tulit auunculum meū Franciscana instituta professum earumdem virtutū æmulum, quamquam acriore ingenio virum. quem genibus flexis in preces effusum, mente a sensibus abducta, & in Diuinarum rerum cogitationē elata, sublimen a se conspectum complures graues viri asseueranter affirmarunt. itaque huius viri sanctitatis opinio in mentibus hominum penitus insedit, vt ad mortui corpus concursus facti sint, partem uestis vno quoque sibi petente, vt sancti viri reliquias apud se haberet. Vt mihi gloriari libeat, me maternum genitum

nus a gente Clauara ducere, ex qua tam clari Christi
discipuli extiterint.

POMPEII ARNOLPHINI.

Clauare, quem cultuque pio, studysue Minervæ

Ornatum Ligures Numinis instar habent.

Tu quondam in terris inter contagia mille

Exemplar niuæ simplicitatis eras.

Te non diuitiæ, nec bonorum dira cupido,

Non auri insecit perniciosus amor,

Non humeri spumantis equi, non esseda lassum

Portarunt, rapidis esseda ducta rotis.

Ast indefessis perlustrans oppida plantis

Diceris immensam consuluisse viam.

Ipsa sitim explebant tibi dulcia flumina passim,

Ipsa ministrabat terra benigna dapes.

Felix qui humanæ potuisti commoda uitæ

Spernere, & intacta scandere mente polum.

PILEVS MARINVS.

VNici profecto exempli virum ex multorum sæ-
culorum memoria fuisse Pileū Marinū, omnes
ad quos fama peruenerit, fatebuntur. qui Archiepis-
copus Genuensium creatus præter diligentem & se-
dulam operam assiduosque exhaustos labores in sa-
cerdotum moribus emendandis lapsaque Ecclesiæ di-
sciplina

disciplina restituenda illud edidit celsissimi animi, super
 praque humanum captum inferiora hæc sordida &
 humilia despicientis specimen, quod omnis ætas cun-
 ctæque nationes in uno Pileo mirentur. amplissima
 enim Genuensis Ecclesiæ uestigia non in priuatum
 cultum domesticumque splendorem, aut in suos opi-
 bus amplificandos uertenda, sed ad egentium inopiã
 subleuandam a pijs hominibus relicta intelligens, vl-
 tro auctor fuit collegarum sibi publice asciscendo-
 rum, quem Magistratum a re Misericordiæ appellauit.
 qui munus hoc bonorum Ecclesiæ quotannis distri-
 buendorû ipsi obirent, tanta summa ex illis Archi-
 episcopo relicta, quanta ad cultum modice tuendum
 sufficeret. Qua sanctissima lege Romani quoq; Ponti-
 ficis auctoritate & decreto comprobata atque sanc-
 ta facultatem bonis Ecclesiæ abutendi illaque per lu-
 xuriam & fastum profundendi sibi ipse vir in primis
 memorabilis & colendæ memoriæ, ac successoribus
 Genuensibus Antistitibus præcidit.

IO. FRANCISCI FERRARI.

*Quæ maior pietas unquam est audita Marinez
 Est lapis auri index, indicat aurum hominem.*

RAPHAEL ADORNIVS.

Copia bonorum omnis generis exemplorum di-
 ces fuit Genuensis Ciuitas. in quibus memorabi-

311

Ec le fa

le facinus Raphaelis Adornij in primis enitet. cuius viri quis silentio prætereat, atque adeo quis nõ æterna laude in cælum ferat admirabilem animi magnitudinem, singularemque patriæ charitatem? qua indutus ea se re sponte & a nemine coactus ipse priuauit, quam homines omni dimicatione petere solent, ac pro qua assequenda viri ceteroqui egregij ius violare turpe fere non ducant, hoc est Regno. qua labe ne ipse quidem Iulius Cæsar caruit, is vir, qui rerû gestarum magnitudine omnium gentium, omniumque sæculorum longe Princeps fuit. Raphael igitur spe a ciuibz facta, si ipse se se Ducatu abdicare in animum induceret, fore, vt sublati partium studijs concordia inter ciues conueniret, pacatusque ac tranquillus Ciuitatis status constitueretur, nulla mora interposita nihilque retractans Principatu, quem non inuaserat, sed liberis suffragijs delatum acceperat, ex templo se se abdicauit, atque in priuatas Aedes concessit. Neq; imminuitur egregij in Patriã promeriti gratia, quod sanctum consilium effectu caruerit, animis ciuiû alio tendentibus, sed augetur laus, quod in deprauatis ceterorum studijs ipse in diligenda patria vnici exëpli cæcitæ fuerit.

IO. FRANCISCI FERRARII.

Osactum egregie, ter magno atque ore sonandum.

Quam bene conueniunt nomina resque simul.

Ecce

Ecce magistratu Raphael se se abdicat utro

Languenti ut Patriæ sit medicina sue

LVCHINVS VIVALDVS.

CUm memorabili Adornij animi magnitudine ap-
te coniungitur Luchini Viualdi non minoris vir-
tutis, minorisue gloriæ facinus, quâquam generis di-
uersi. neque enim minus acres minusue impotentes
sunt in iuuenili præsertim pectore amoris stimuli, quâ
regnandi cupido. Vt hi duo Cives nobile par conti-
nentiæ in ciuitate nostra fuerint. Atque haud scio an
Luchinus melius inter viros bellica virtute & insigni-
bus victorijs claros, quam in hac togatorum classe lo-
catus fuisset, atrocior & periculosior prælio victor.
Grauius enim bellum multis de causis sapiētes sem-
per existimarunt, quod cum cupiditatibus nostris, atq;
adeo nobiscum ipsi, quam cum externo hoste geri-
mus; maioreq. multis partibus virtute maioreq. glo-
ria quam exterior, interior hostis vincitur. qui eo a-
crior est, quo propior, quoq; illius petitiones ad in-
teriora semper penetrant, cum ad externos ictus va-
rijs rationibus tecti esse possimus; ad hoc non semper
externus hostis vtiliter vincitur, quin etiam damnosa
sæpe est victoria, quæ meliori & sapientiori nos pare-
re vetat, at interiori hosti, qui tyrannus omnium est te-
terrimus, parere sine perniciē & exitio nostro non pos-
sumus. Et in externo hoste vincendo ius sæpe viola-

mus, cum ille caussa & iustitia superior est, at in interiore hoste perdomando tantum abest, ut iniusti vniquam simus, ut hoc ipsum vincere, reluctantemque rationis imperio obedientem reddere, opus iustitię vel maximum sit. In hominibus igitur hac victoria, quę rara admodum semper fuit, claris Luchinus Viualdus altissimum glorię locum obtinere est existimandus. qui cum Genuę matronam forma præstantem ac genere nobilem, ceterum castitate inuictaque pudicitia nobiliorem deperiret, neque animum aduersus omnes oppugnationes pudore munitum ullis aut precibus, & blandimentis flectere, aut donis corrumpere potuisset, factum est, ut mulieris vir vna cum naui omnibusque mercibus a piratis captus & in seruitutem sit abductus. quare mulier ad egestatem, extremamque omnium rerum inopiam redacta cum vnde paruulos liberos aleret, nihil haberet, necessitatibus victa ad Luchini occulto ad se accersiti genua prouoluta, in flebilesque effusa questus. Quandoquidē inquit, mentem tantummodo posthac pudicam gestura, ut vtraque partem ei casta perpetuo manerem, fortunę iniquitas prohibet, animumque illum aduersus omnia inuictum fames charissimorumque pignorum aliter periturorum amor & misericordia expugnauit, dona illa Luchine, quę a te sponte acceptura numquam fui, nunc accipere; hocque corpore in ea, quę libido tua feret, morē tibi gerere parata sum. Consopitam atque a libidine contrictam generosi animi virtutem misericordia excitauit,

uit, & indomitę cupiditatis æstus tum cum maxime
ardentem subito extinxit. quare ad meliorem mentē
conuersus Luchinus lachrymas ipse quoque non te-
nens. Ne istuc, inquit, Deus optimus Maximus, vir-
goque Regina sinant permittantque, vt tam pudicū
corpus violare audeam, mentēmque tam castam, & a
flagitio tantopere abhorrentem fortunę iniurijs vi-
ctam ad detestabilem rem descendere patiar. quę do-
na prostrata pudicitię habitura a me fueras, ea-
dem atque etiam cumulatiora seruata herā habe-
bis. domumque reuersus, vt omnem prorsus su-
spicionem tolleret, coniuge particeps consilij fa-
cta, eademque ministra & internuntiā tantum mulie-
ri subinde suppeditauit, quantum in illius & natorum
alimenta abunde sufficeret. Quod Luchini factum,
quęque singularis animi magnitudo Africani con-
uentiæ tantis laudibus tamque magnifica oratione a
scriptoribus in cælum sublata, si quis rem suis momē-
tis ponderet, infinito interuallo est anteferenda: nā
neque Scipio puellam numquam ante cōspectā ama-
bat, vt iullis veteris atque animo insidentis amoris
facibus illius libido accenderetur, facileque fuerit a
re non expetita oculos & cupiditatem abstinere. ad
hoc Scipionis peccatum occultum esse non poterat,
vt neque inuidiam apud suos, atque inimicorū, qui
nimio plures erant, obrectatorumque vituperatio-
nem subterfugere, neque grauem offensionem apud
Hispanos populos flagitiū admittendo posset vitare.

qua

qua re nihil splendidis susceptis cōsilijs magis aduersabatur: Vt subita libido, quæque nondum alte radices egerat, non tam a virtute & continentia perdomita, quam ab alia longe maiore inueterataque gloriæ cupiditate consopita videri possit. quod totum contra in Luchino fuit, animo veteri flāma æstuante, occultoque peccato nulli inuidiæ aut fraudi obnoxio, nihilque priuatæ vitæ susceptas rationes ledente.

IO. FRANCISCI FERRARII.

Quis laudes Viualde tuas satis exprimat? aut quis

Hæc tua miretur sortita facta satis?

Omnia vincit amor, hominesque, feraeque triumpho

Frustra repugnantes imperiosus agit.

Tu tamen illius stimulos auertis, honestum

Optato antefereus, nimque tibi ipse facis.

Tu Luchine tuæ seruasti cuius bonorem,

Te tuus hinc merito ciuis ad astra vocat.

FRANCISCVS MARCHESIUS.

BEllicis artibus ac naualibus studijs Ciuitas nostra perpetuo intenta, quibus nomen suum toto mari mediterraneo celebre Regibus & Ciuitatibus accolis verendum in primis, atque adeo formidolosum fecit, eos tantum Ciues suo splendore illustrat, qui militare rem amplexi sunt. At quibus pacis, & togæ artes,

artes colere magis cordi fuit, ijs vel a doctrinæ studijs, vel ab exterarum rerum tractatione commendatio petenda est. Nonnullorum tamen ingenium ita excelluit, vt illorum virtus etiam Ciuitatem nostram non egressa eximios illos faciat. In quibus auroꝝ nostrorum memoria insignis fuit, Fránciscus Marchesius, Ioannis haud obscuri nominis iurisperiti filius nobili & peruetusto genere ortus, cuius nomen multorum scriptis celebre duplex laus cōmendat & doctrinæ & Reipublicæ gerendę scientiæ. Cui Alexander Imolensis quāti qualisq. nominis Iurisperitus egregium iuris scientię testimonium dedit. in Republica vero gerenda is fuit, vt nullius magis consilio & virtute ea tempestate ciuitas nostra nixa sit. quippe cuius prudentia & ingenium cum in omni gerendę Reipublicæ genere se se explicuit, tum vero in Legatiōibus in primis enituit, quibus cōpluribus magna semper cum gloria ad magnos Principes de grauibus negotijs functus est. in quibus illa prætereunda non est ab Annalibus, & a Baptista Fulgoso celebri laude commemorata, qua seruitutē a patria depulisse, ac magnorum tumultuum causas præcidisse existimatus est, cū idem complures legationes eadem de re missę frustra tentassent. Galeatium enim Mediolanensem Ducem ad non concessa tendentem, atque idem quod ceteris Ditionis suæ vrbibus iugum spretis fœderibus Genuæ imponere molientem a prauo cōsilio reuocauit egregio commēto ozimi ad illum missi. cuius herbar

cum

cum natura ea sit, vt leniter attrectata suauis odore, nimis pressa, graui & tetro attrectatium manus persundat, Genuensis populi ingenium sapientibus ambagibus declarauit, haud omnino absimili verum tanto feliciore commento, quam quod traditur de fico Carthoniana, quanto praestabilius est vrbes seruare, quam euertere, Egregij viri, cuius posteritas quamplurimas nobiles familias affinitatibus complexa est, nulla virilis extat stirps, quae Marchesium nomen Genuae perenne faciat, non tamen successione omnino carere dicendus est. quae ex materno genere in Octauiano Pasqua Iurisperito viget; qui in Romana Aula in utroque supplicum libellorum munere ea ingenij, industriae, doctrinae dedit documeta, vt appareat illum neque Simoni Cardinali patruo neque tanto abauo, fratreque Leonardo Ingaunorum Episcopo viro sancto indignum successorem fore. vt omittam comitem, morumque & naturae suauitatem, quae illum in consuetudine omnibus, charum & iucundum faciunt.

TRIPHONIS BENTII.

Sanctarum in studijs legum Marchesie quantus

Extiteris culto pectore, & ingenio,

Quodque tibi comites fuerint probitasque fidesque

Illustres certe non siluere viri.

Quantus at in patria sis libertate tuenda

Alta memora patria est testis, & Ausonia.

Arte

Arte noua Insubriaum diuin prudentissimæ Regem

Illius custos quo uelit esse, mones.

Quod si magnanimo fides allata Catone

Claræ urbi exitium mox tulit, & Libiæ,

Tu tenuis mittens herbæ munuscula, ebaros

Indigno ciues eximis inde iugo.

Ergo nulla tuos ætas reticebit honores,

Et pius & felix, optime semper eris.

ARANVS CIBO.

EA fuit Arani Cibo virtus eaque res gestæ, vt non multum sit illi ad nominis commédationem domesticæ nobilitate petendum. quam is nō modo vt fere ceteri, ex maiorū splendore ducit, quos in Græcia, vnde gens Cibo oriunda est, claros, multisq. honorum & rerum gestarum titulis insignes fuisse, grauissimis auctoribus testibus constat, verum multo magis ex posterorum gloria trahit. Cuius Ioānnes Baptista filius Pontifex Maximus fuit Innocentius Octauus nominatus: ceterum eximia & præstantes Innocentij virtutes, quæ illum ad summum & altissimū rerum humanarum gradum extulerunt, suo sunt a nobis Elogio decoratæ. Arani vero prudētia, consiliū, fides, constantia quam enituerint, res ab illo gestæ, ac summus gratiæ & auctoritatis locus, quem ille apud maximos Reges obtinuit, declarant, egregia ac multiplici opera Genuæ Patrię in magnis ac dubijs rebus

F f nauata,

nauata, eius classis aduersus Alphonsum Aragoniū pro Renato Andeganēsi decretæ Præfectus, vrbisq. Romæ Senator a Calisto creatus. qui honos illis temporibus non nisi magnis Proceribus haberi solebat, in primis uero vrbis & Regni Neapolitani procuratore cum summa omniū rerum potestate bis illi commissa, semel ab Andegauensi, qui Arani spectatā fidē in tanto munere mandando se se ceteris Proceribus pretulisse egregio verborum testimonio declarauit, cum dixit, fidem cuncta antecedere, quod præclarū elogiū populari Gallico sermone, vt fuit a Rege pronuntiatum, nouo pauonis insigni galeæ in locū conii superposito ab Arano inscriptum Innocētius ipse Pontifex ac posteri deinceps ad memoriā gentilis de coris seruandam retinuerunt. iterum ab Aragonio ipso aduersus quem arma tulerat. quod Alphonsus cū perspectæ Arani virtuti, quam etiā in hoste amauit, tum precibus Neapolitanorū dedit. qui hominis innocentiam, moderationem, prudentiam in priore administratione experti fuerant. Vir igitur tot maiorum stemmatibus clarus, suis ipse virtutibus, ac rebus gestis, honorumque insignibus clarior, posteritatis gloria longe clarissimus merito elogio inter ceteros Genuenses Proceres fraudandus non fuit.

PANDVLPHI GHIRLANDAE.

Ortum si ſpectes. ortu eſt inſignis Aranus,
 Graiorum antiquo ſemine cretus auis,
 Si patriam, Genua eſt, qua non mage nobiliſ ulla,
 Si geſta illius, qua patet orbis, habes:
 Si prolem, illa gradum ad ſummum eſt euecta, decuſque
 Curarum conſors, conſilijque Dei.
 Eſt maior totum ſi ſpectes, denique laude
 Muſa quid obtrudiſ laude minora: tace

BAPTISTA PINELLVS.

Gens Pinella nobilis & peruetuſta multos egre-
 gios atque inſignes viros patriæque peritiles tu-
 lit. in quibus Baptiſta Franci filij nomen eminet. cu-
 ius prudentiam in multis difficultatibus expediendis,
 animis ciuium inter ſe conciliandis, in alijsq. arduis
 negotijs in patria multipliciter conſpectam Innocen-
 tius Octauus Põnifex Maximus, cuius pronepos fuit
 Baptiſta, ita amplexus eſt, vt hominem Romam euo-
 catum atque Archiepiſcopum Conſentinum creatũ
 ad magnarum rerũ deliberationes adhiberet, eiꝯq.
 fideli opera in perarduis rēbus vteretur, magnamque
 illi fidem haberet. Quo Põnifice ſato ſunãto cũ ad
 Eccleſiam ſuam ſe contuliſſet Baptiſta, in Dioceſi lu-
 ſtranda, moribus emendandis, collapſa Eccleſiæ di-

sciplina erigenda, templis ædificandis, xenodochijs reparandis, egentium inopia subleuanda, in omnibusque, quæ sunt pastoralis muneris explicandis ita viri religio, pietas, liberalitas, prudentia, diligentia enituit, ut eius virtus in tantis sæculi tenebris veluti clarissimum lumen cluceret. tantaque in charitate & veneratione cum populis suis fuit mira comitate, ac naturæ suauitate seueritatem in corrigendo temperante, ut fato functum de honorifice efferendo & sepulturæ mandando canonicorum collegium & Civitatis Magistratus medijs certaminibus egerint, ius sepeliendi utroque sibi vendicante. Neque vero tantarum virtutum memoriam ac populorum benevolentiam vna cum illo extinctam, sed adhuc in animis hominum, vivere, ac vigere illustre documentum Consentini dederunt, cum sepulchro Baptistæ Archiepiscopi ex decreto Tridentini Concilij vna cum ceteris, quæ in templis constructa sunt, demoliendo, legatione decreta omnibus precibus contenderunt, impetraruntque, ne sancti viri memoria, quam cum Diuorum veneratione prope coniungerent, sepulchro eo sublato iniuria fieret. Huius gentilis ac pronepos Dominicus Paradis filius, in Romana Aula, in qua Magister est supplicum libellorum, ac nobilissimæ forensi iurisdictioni quam Auditoris Camera vocant, etiâ præfuit, ea ab ipsa adolescentia doctrinæ, ingenij, grauitatis, probitatis documenta dedit, ut maxima quæque omnium iudicio & spe illi destinentur.

TRIPHONIS BENTII.

Vt cum purpureum pinus descendit in æquor.

Findore cæruleas si bene nouit aquas,

Et fluctus superans portu poliatu amato,

Illā vitet fertis conspicienda nouis.

Et lætas agitant choreas in litorē nautæ,

Aureaque insolitis vocibus astra petunt.

Sic uenerande Heros post tot uariosque labores,

Quot tu pro sancta religione subis,

Nunc cæli immensis frueris regionibus, altrix

Tellus; teque omnis suspicit Ausonia.

O te felicem summis uirtutibus, & tot

Ecce refers meritis præmia digna tuis.

PAVLVS CENTVRIO.

Non minus præclara consilia quamuis effectu ca-
ruerint, si modo cum ratione cōiuncta sunt, quā
res ipsæ gestæ laudari solent atq; haud scio, an maior
illis interdum laus sit tribuenda. siquidem ex Syran-
nis sapientissimi Ducis sententia consilia tota nostra
sunt, exitus rerum plerumque ac maxima ex parte ab
aliena voluntate pendent. Quis igitur Pauli Centu-
rionis egregia cogitata, & incēpta quamuis temporū
uitijs & aliena culpa ad exitum perducta non sint, de-
bita laude prætereunda duxerit? Is enim Lusitanis
multis

multis de caussis infensus cum orbis vastitatem immensosque terrarum tractus ac fluminum cursus, regionumque & montium situs & naturā animo perlustrasset, sollertis ingenij vi rē magni animi, magnique incæpti excogitauit, & aggressus est. Consilij enim Leoni X. Pontifici Maximo probatis, litterisque ab eodem impetratis ad Basilium magnum Moscouitorum Principem se contulit, duarumque rerū, quæ ipsi ipsiusque Regnis perample & honorificæ, altera etiam illarū fructuosissima futura esset, illi auctor fuit. docuit enim aromatum commercia a Lusitanis auerti, & in Moscouiam maiore itinerum & subuectionū compendio transferri posse. quā rem Paulus Iouius in Moscouitarū historia planius explicat. Suasit præterea, vt secta Græcorum relicta, ad Romani solij auctoritatem, Romanæque Ecclesiæ instituta se se applicaret, sacraquē, vt ceteri Christiani Principes a Romano Pontifice peteret. verum Basilius alterum de aromatum commercio repudiavit, siue vano metu, ne ignotas regiones exteris & ferocibus gentibus patefaceret, siue quod rudia ingenia splendidis consilijs, quæ multum ipsorum captum antecedunt, imparia feresunt; omnisque nouitas raro apud imperitos animos fidē & assensum inuenit. Ad alterum de se se cum Romana Ecclesia coniungendo animum adiecit, spe illi facta, facile illum Regij nominis titulum, cuius ille percupidus erat, regiaque insignia a Romano Pontifice impetraturum. Eaque de causa Paulus lōgis periculo

loſis que in neribus ſape vitro citroque commeauit.
Legato etiam a Baſilio Pauli ſuaſu ad Clemētem VII.
miſſo: Ceterum bene inchoata, & procedentia confi-
lia obitu Pauli etate ac diuturnis laboribus & curis
confeſti, Pontificis que aduerſis rebus interrupta ac
plane euerſa ſunt.

SIGISMVNDI DONATI.

Discite mortales, quid vos super æthera tollat,

Discite quæ magnus præmia fert animus.

Post varios rerum casus, variosque labores,

Factaque cælesti plurima digna polo.

Iam maiora suo uolvebat pectore magnus

Centurio Liguris gloria magna soli.

Hoc pater omnipotens sensit subitoque vocata

Morte, iubet summum suscipier Procerem,

Scilicet ut nostro fatis ereptus ab orbe

Maiori in cælo præforet imperio.

Felix sorte tua nimium, nimiumque beatus,

Qui mundo charus, charior es superis.

HIERONYMVS ADORNIVS.

EA fuit in Hieronymo Adornio animi & ingenij
indoles, vt si iustæ vitæ spatia illi contigissent, vni
cus sua ætate cuafurus fuisse constanti omniū opinio
ne credatur. Cuius expeditus animi vigor, viuidi in-
genij

genij acies, in consilijs de magnis & dubijs rebus capiendis & expediendis sollertis mentis celeritas, eximia eloquentia ita conspecta sunt, ut tantarum virtutum fama Italij fines egressa in summorum Principum notitiam venerit, admirationiq. illis fuerit. Carolus quidem Cæsar is, qui non minus sapientia & clarissimis virtutibus, quâ opibus & imperio ceteros Christianos Principes longe antecessit, ita illas amplexus est, ut omnia sua in Italia de Hieronymi consilio geri & administrari veller. Nec mirum, quem ingenio tantum valuisse esset expertus, ut Leonem X. Pontificem Max. retractantem, ac se in tanti discriminis aleam demittere verentem consilijs cum Folietta coniunctis tandem ad foedus illud cum Cæsare sanciedū pertraxerit, quo Gallorum opes, quæ in Italia supra quam modicæ erant, sunt fractæ, Cæsarisq. dignitas mire aucta. Ceterum Hieronymus cum in cursu maximarum rerum esset, in ipso ætatis flore luctuoso suorum fato sublatu est, spesque immensæ amplitudinis, ad quam haud dubie peruenturus fuit, conciderunt.

RAINALDI CORSI.

Obruit exile ingenium tua maxima virtus,
 Obscuro claram mediorum carmine mentem
 Aequare, o quem te memorem Hieronymi Adornit
 Non tu seu resides populos in bella mouere,
 Fletere seu maius duos in fœdera Reges;

Seu

Seu ciues sedare tuos, ubicumque coorta est
Seditio, sæuitque furor, nil prorsus inane
Moliris, præsto dia est Facundia semper.

Quo Cæsar merito Q inētus, quem nouimus ipsi
Splendida facta uirum metiri splendidus idem,
Et mores hominum multorum doctas et vrbes

Te colere, atque unum præ cunctis esse Latinis

Qui sapires, fari, solus tu, quidquid Achæi

Vix septem, sæclo præstas, ac digna Mineruæ

Nomina fers sacra uelatus tempora oliua.

STEPHANVS IUSTINIANVS.

DVos insignes viros vna eademq. Iustiniana gens
Memoria nostra tulit quâquam ingenio & pro-
fessione longe diuersos Stephanū & Angelum. quo-
rum Angelus sacris initiatus Frâciscanis institutis se se
addixit, Stephanus Ciuilem vitam secutus totū se se
Reipublicæ gerendæ a prima iuuetute dedit. In quo
viro tanta vis animi ingenijque fuit, vt ciuili illius vi-
ri exemplar, quod Philosophi verbis adumbrarunt,
ipse reexpresserit. qui perpetuum vitæ cursum eodē
tenore a prima adolescentia ad extremam vsque se-
nectutem tenuerit, & in quo tot prudētiæ, consilij, ad-
mirabilis in omni genere continentie ab omni cupi-
ditate disjunctæ exempla cōspecta sunt, ad eamque
opinionem & auctoritatem peruenit, vt omnia Ge-

nūx in eius cōsilio, & moderatiōe versarētur, quod-
que de Pythagora in rerū naturæ inuestigationibus
traditur, id Stephanus in rebus ciuilibus. & in Repu-
blica gerēda rettulerit. Pro ratione enim habebatur,
cui nemo contradicere auderet, quidquid ipse dixis-
set. Neque vero leuem Stephano, si quis rem vere exi-
stimare velit, Genua Patria concordiae statusque Rei
publice emendati gratiam debet, quippe qui assiduis
suis monitis & adhortationibus ciuiū studia partim
ad rem non magnopere incensa, partim etiam ab ea
abhorrentia ad eam mentem excitare numquam de-
stitit. In Duodecimuirali vero Magistratu ferendarū
legum caussa creato positus leges ipse condidisse, ac
statum rerum, quo nunc ciuitas nostra vritur, formas
se dicendus sit, cum omnia eius ingenio, & consilio
constituta sint.

FVLVII CARDVLI.

*Quem prisci finxere sopher, quem Græcia ciuem
Expresfit chartis, cernere non potuit.*

Extulit hunc tandem Ligurum latissima tellus.

Iam ualeant veteres nomina uana sopher.

Hic ille est sapiens, & qui rectique magister.

Publica cui cura & paxque salusque fuit.

Quam nomen signat, merito tribuere coronam

Hinc sophia & veritas splendor honorque togæ.

ANGE.

ANGELVS IVSTINIANVS.

AT Angelus ad solidam doctrinam, qua in principibus ætatis nostræ numeratur, versatilis ingenij felicitate ad omnia quæcunque aggreditur, aptam multiplicem eruditionē adiecit, vt nemo illo omnibus ingenuis artibus instructior sit. ad hoc motu ita ad excogitandum atq; inueniendum acutis & celebribus, itaque ad explicandū vberibus est, vt nemo maiore & firmiore argumentorum copia & vi hereticorum dogmata refellat. in quibus perpetuo insectandis, & exagitandis vehementissimus & acerrimus est, cum ea dicendi copia sit, eaque in animis hominum permouendis vi, quæ res in oratione haud dubie primas tenet, vt nemo ætate nostra maiorem sibi audientiam, maioresque concursus faciat. quem laudis fructum, non in ceteris modo locis, quæcunque illū adire contigit, percepit, sed Romæ quoque in illa clarissima opus luce, in illo ingeniorū theatro, ubi de omnibus rebus peracta & exquisita iudicia fiunt; nec minus in Gallorum Regia, quo turbulentissimis temporibus, cum omnis Gallia seditionibus & tumultibus arderet, damnatæ sectæ hominibus omnia miscentibus a Pontifice missus est, Hippolyto Cardinali Ferrariensi legationis comes additus, ipsis ad uersariorum Principibus concionantem, ac disputantem mirantibus, acumenque & copiam formidanti.

bus. Vt summa cum ratione Pius Quintus Episcopus Gebennensem, qui inter imperij Principes cōnumeratur, illi mandarit, corruptissimæ diocesis, in qua hæresis principem sedem ac domicilium sibi constituit, vtilitati & saluti præstanti maximeq. apto remedio consulens.

ANTONII HORTENSII.

Pro sit ecce alios inter ueluti Hesperis iones,

Abs te Heros alius Iustiniana domus.

Qui loquax ualido Divinæ semina frugis

Ad Rhodanum larga spargit opima manu.

Quanto ille eloquio, quantis uirtutibus orbem

Illustrat & quales edit ab ore sonos?

Sive minis populum terret, seu laudibus urget,

Nititur obliqua seu reuocare uia.

O Pastore tuo Rhodani nimis accola felix,

Felix tam sanctum Gallia nacta uirum.

IO. MATTHÆVS GIBERTVS.

AD communem Ecclesie sanctissime rectæ laudē, in qua Io. Matthæus Gibertus duos populares suos æquales temporum suorum socios habuit, multa eximia ac magna in illo fuerunt, quibus uiri nomē tota Europa in primis celebre, ac clarum suo separatim elogio decorandum fuit. Tanta enim in illo ad magnas res iā inde a prima adolescentia indoles fuit,

ut in

vt in familiaritatē Iulij Medicij Cardinalis ascitus bre-
ui omnium oculos in se conuerterit; Iuliusq. ipse pa-
tronus & Leo Pontifex hominis nondum adolescen-
tiam egressi ingenium, consilium, prudentiam, graui-
tatem admirati maxima illi Reipublicæ munera man-
darint, breuique ille apud Pontificem in eum gratiæ
& auctoritatis locum peruenit, vt maxima quæq. Pô-
tificij solij negotia in illius administratiõe & arbitrio
versarentur. quibus rebus non modo in Pontificia
Aula summum potentia & dignitatis locum multos
annos obrinuit, sed maximi Europæ Reges illius gra-
tiam, & beneuolentiam, in qua ad consilia de maxi-
mis rebus expedienda plurimum ponerent, amplissi-
mis donis & beneficijs vltro delatis sibi cõciliare stu-
duerunt. Magna hæc quidem sunt, verum illud lon-
ge maius, quod in tanta fortunæ amplitudine, in tan-
ta omnium rerum copia, in tãtisque vndique afflue-
tibus voluptatibus, quæ cuiuscumq; cõfirmatã iam
ætatem labefactare & euertere possent, tanto fuit ani-
mi robore, vt aduersus omnia blandimenta se inui-
ctum præbuerit, ætatemque illam sua sponte infirmã
ab omni flagitiorum & vitiorum contagione integrã
seruarit. quem perpetuum vitæ ac seuerissimorũ mo-
rum tenorem constantissime retinuit. Ceterum Gi-
berti virtus in vniuersa Republica garendã clara, in
priuata Veronensi Ecclesia regenda & moderãda ló-
ge magis enituit. nam cū temporibus cedens, fastũq.
ac potentiam Aulicam relinquens eo concessisset, ijs
moribus

moribus, legibus, institutis corruptas res emendauit, ut Sacerdotum suorum ordo veluti priscae illius, ac sanctae disciplinae reliquis Dioecesebus specimen esset; ceterique, qui illius virtutis æmuli fuerunt, Episcopi in Ecclesiae suae rebus ac statu emendando, moribusque corrigendis nullam expeditiorem viam inuenerint, quam descriptas Giberti leges Dioecesebus suis proponere. quæ leges usque adeo probatae sunt, ut non modo aliquot priuati Episcopi illas sibi ascuerint, sed Tridentinum ipsum Concilium, in quod ipsa Ecclesiae lumina conuenerunt, in moribus sacrorum virorum emendandis disciplinaque lapsa Ecclesiae restituta Giberti leges exemplar habuerint, ad quas se se conformare ipsi vniuersae Ecclesiae correctores sibi erubescendum non ducerent. quam laudem iam inde ab ipsis Ecclesiae primordijs repetendo quampaucissimis constat accidisse.

R A I N A L D I C O R S I.

Vnus labentem tu nobis restituit rem.

Giberte, ad priscam redeant quod sæcula lucem,

Ipsa tibi in primis hoc se debere fatetur

Relligio, felix tu omnibus omnique magistris.

A V G V S T I N V S F O L I E T A.

Ipsæ in me domumque meam iniuriosus fuero, si tantum mihi gentile decus inuidero, ac si Augustini
Folietæ

Folietæ patrui eximias virtutes debita laude fraudato, quasi arrogantiæ & vanitatis inuidiam veritus, quâ illius ætatis consensus a me plane detestatur, cum omnes singulari Augustini prudentiæ, consilio, in futuris providendis Diuino prope ingenio tantû tribuerent, vt fore quidquid ille prædixisset, vulgo prædicaretur, constanterque crederetur. Quibus virtutibus cum admirabili eloquentia coniunctis cum auctoritatis locum apud Iulium II. Leonem X. Clementem septimû Pontifices Maximos est affecutus, vt illi omnia maxima Pontificatus negotia eius consilio gererent. Duplexque hominis sapientiæ inter cetera extat specimē. alterum, quod Leonē ad fœdus illud ineundum impulit, quo Gallorû opes in Italia fractæ sunt, & Pontificij solij dignitas firmata. Alterum, quod a fœdere contra Cæsarem sanciendo Clementem reuocare frustra est conatus. cui capto atque in arce incluso confessionem euentus expressit, se se vnus Folietæ futura providendis sapientibus monitis cum magnæ vrbis direptæ & rerum euersarum mercede praua cōsilia prætulisse. Extat & insigne in Genuam patriâ promeritum, quod Giberto contranitante eundem Clementem ad Genuenses libertatem & ordinum cōcordiam nouamque emendatæ Reipublicæ formam molientes in fidem accipiendos impulit. quamuis res Folietæ obitu Pontificisq. aduersis rebus effectû caruerit, credo vt honos conseruatæ libertatis Andreæ Auriæ Diuino consilio reseruetur, eaque ipsa libertas
cuius

ciuis potius quã exteriorum opibus n̄teretur. Neque vero Augustini fama Italiæ finibus terminata est, sed ad exterar quoque prouincias delatã Carolus Cæsar ita amplexus est, vt inuictus ac maximus Christianorum Princeps omnia sua Romę Folietæ cõsilio ad ministrari voluerit. Is demũ fuit Augustinus, qui Vberti parentis nomen, a quo adolescentiẽ initia haud parum commendationis acceperunt, virtute sua illustrius fecerit. cuius Vberti ingenium & prudentia cũ in multis legatiõibus ad Maximos Principes de grauius negotijs, tum vero in Quatuoruirali Magistratu status ciuitatis lapsi erigendi, Reique publicæ constitutendæ conspecta est. cum summa igitur approbatione sepulchrũ. quod in æde Diuæ Mariæ super Minervam illi positum est, insigni hac inscriptione clari Poetæ Antonij Tibaldei ingenio decoratum est.

*Te merito Folietæ tenent delubra Minervæ,
Ipse hominum quisquam si sapit, vnus eras.*

Illius quõque obitum, cum is in miserabili vrbiẽ euer sione luãtuoso casu selopi icũ sublatuẽ esset, Petrus Bembus elegantissimo carmine deplorauit. neque æquius quidquam fuit, quam cui viro prudentiæ & consilij primas, sæculum illud concessu omnium dabat, eius memoriam ab eo viro, cui illius ætatis eloquentiæ principes primas facile tribuebant, ab interitu vindicari.

PETRI

PETRI BEMBI CARD.

Non secus ac gelidi summis in montibus Hæmi,

Aesculeam tetigit si Iouis ira trabem,

Prostratæ immensam tellus stupet inscia molem,

Et gemit infestis sylua agitata Notis,

Sic iacet ardentis deiectus fulmine plumbi

Et Romæ & patriæ lux Folietæ suæ,

Effundunt quæstus septeni ad sydera colles,

Et Tyberis solitam pernegat ire uiam,

Lamentabilibus complet uada concava bombis,

Extremasque iterat flebilis Echo notas.

Phæbe pater, Phæbique nouem, pia turba sorores,

Tuque Gigantæ de capite orta Iouis

Vos quoque quem uiridi quondam cinxisse corona

Nec piguit uestris inferuisse choris,

Illius extincti lachrymis decorate sepulchrum,

Nobilis & flentes sentiat umbra Deos,

RAINALDI CORSI.

Augusti uernant flores, uel fronde reuulsa,

Nequidquam rapidi concutiere Noti.

IO. IOACHIMVS PASSANVS.

Vuidum Ioânîs Ioachimi Passani ingeniû, quod
non vna cum corpore consenuit, sed in vegeto

Hh

pectore

pectore usque ad extremam senectū integris sensibus
 vixit ac viruit, haudquaquam in obscuritate debet
 versari. Huius enim viri industriam sollertemq. men-
 tem, & ad publicas res tractandas in primis aptam in
 legatione pro Genua patria perspectam Franciscus
 Galliarum Rex celsissimus peracutus ingeniorū aesti-
 mator amplexus hominē legatione perfunctū apud
 se retinuit, in honoreque habuit, ac plurimas & gra-
 uissimas Reipublicae partes illi saepe mandauit. quas
 ille in legationibus de maximis rebus apud summos
 Reges & Romanos Pontifices obeundis, in maximis
 exercitiis regendis, quibus saepe Quaestor praesuit,
 in omni deniq. negotiorum varietate ita sustinuit, vt
 eius multiplicem, & assiduam operam rebus Gallorū
 magno vsui fuisse ipsimet Galli amplissimis premiis
 & castellorum donationibus testificati sint. Illud exi-
 mium, ac neutiquā vulgare prudentie specimē haud
 quaquam praetereundum est, quod cum in cursu ma-
 gnarum rerum esset, humanos casus, ac vitæ huius vi-
 cissitudines secum reputans, ne longam ætatem Au-
 licæ inuidia, & obreftationi vertentique se fortunæ
 diutius obiectam haberet, publicis muneribus vltro
 abcessit. in Italiāq. reuersus in priuata vitæ otium cō-
 cessit. in quo reliquum ætatis cursum tranquillum &
 ab omni contentione, & fortunæ iactatione remotū
 cōfecit. Nec saepe a Gallis contritus ullis aut premiis,
 aut amplis delatis procurationibus a prudenti susce-
 pto consilio abduci potuit.

CLari nominis in Italis fuit Dominicus Saulius, ne
moque omnino nostra ætate inuētus est, in quē
plura congesta fuerint naturæ & industriæ ornamen
ta. ad præstans enim & versatile ingenium, atque ad
omnia magna natum, quod formæ quoque dignitas
commendabat, accesserunt eximia eloquentia, mul
tiplex doctrina, & eruditio, tum autem ciuiliū rerū
singularis intelligentia, quam ille ex plurimo vſu ma
gnarumque rerum iam inde a prima adolescentia as
sidua tractatione affecutus est. Vt nemo pluribus ma
ioribusque præſidijs ad res publicas gerendas instru
ctior haberetur. quibus virtutibus eum apud Fran
ciscum secundum Mediolanensem Ducem auctori
tatis & honoris locum obtinuit, vt omnia Princeps
ille de Dominici consilio gereret, meritaq. hominis
amplissimis præmijs, in quibus fuit Ditio insignis op
pidi Puteoli remuneranda censuerit. Vir egregius
fratrem habuit Philippum longe diuerso ingenio vi
rum, quem nescio an illo memorabiliorem dicā. nō
bilitate certe finis, quem propositum habuit; venera
biliore esse debet. Is enim cum in Romana Aula Ma
gister supplicum libellorum ita versaretur, vt eius no
mē in primis excelleret, in cursuq. maxime spei esset,
illa Euangelij voce, qua nihil prodesse homini dici
tur, si omnia, quæ sub cælo sunt lucrifaciat, atq; inte
rea in anima detrimentum accipiat, mente Diuinitus

monita, quamquam bono animo vtens in omnibus negotijs caste & integre versaretur, tamen ab Aulicis curis, vitaque illa periculosis offensionibus obnoxia abscedere decreuit, ad Ecclesiamque suam Brugnacensem regendam veluti in portum tutissimum concessit, cumq. se se sacrae doctrinae studijs ac Diuinarum rerum meditationi totum penitus dedisset, non magis oratione, quam sanctissimae vitae exemplo concionando populos sibi commissos ad caelestium rerum amorem accedebat, atque in suos mores formabat. quarum rerum fama in longe distitas provincias delata confessionem expressit ab ipsis sacerdotalis ordinis virulentis insectatoribus, huncq. virum in corrupto illo saeculo eximium esse, qui vna cum perpauca Episcopatus munere & nomine dignus haberetur. Domesticę sanctitatis gloriam subsecutus est Alexâder huius ipsius Dominici filius patrui potius quam patris virtutum æmulus. in ipso enim adolescentiæ initio lumine Diuinitus mēti prelato in coenobium procul a iuuentutis illecebris concessit, arctissimisque vitę institutis sese dicauit, itaque in morum sanctitate & sacrarum rerum doctrina processit, vt eius nomen in Pij Quincti notitiam uenerit. qui iuueni priscorum instituto viuenti, proculque ab Aula atq; ab omni ambitione omnique eiusmodi cogitatione degenti Alericensem Episcopatum ultro mandauit, recusantemque & retractantem impositum onus pro imperio proque iure Sacrosanctę potestatis accipere coegit. Neq; vero genti

genti Sauliæ ac Dominico & Philippo tantis patris
paruum decus & ornamentum futurum est in Anto-
nij fratris filij virtute, doctrina, prudētia, qua ætatem
præcurrere vere dicendus est, quiq; ita Romanæ Au-
læ probatur, vt haud leuiâ Reipublicę gerendę mu-
nera illi mandari cępta sint. in quibus est legatio, qua
in Regno Neapolitano Nūtiū in pręsentia fungitur,
in qua obeunda ita versatur, vt non modo se cōmis-
so muniti parem, sed longe superiore dignū ostēdat.

Sacra duos texit præstantes infula Saulos,

*Tertius at rerum publica cura fuit,
Nec fuit Europæ Dominis hoc charior alter.*

*Nec melius ciues qui regat imperio,
Si potuit corpus tandem succumbere lato,
Fama operum semper nescia mortis erit.*

STEPHANVS VSVSMARIVS.

CUm egregia rerum Diuinarum scientia, tum exi-
mia prudentia, acritque ingenij uis per omnes
procuratorum gradus spectata Stephanum Vsfuma-
rium ad Dominicani ordinis summū Magistratū ex-
tulit. in quo ille ordine per multos annos regēdo &
moderando ita omnia quę sunt eius muneris, sancte
& diligenter coluit, vt eius virtutibus & meritis tantā
gratiam

gratiā sese debere ordo vniuersus Dominicanus estimarit, vnde etiam redundaret, quod eius discipulo & alumno Vincentio Iustiniano persolueretur. Stephano enim mortuo haud dubiū fuit, quin Iustinianus iuuentutis annos nondum egressus consentientibus vniuersi ordinis suffragijs raro exēplo in eius locum summus Magister sufficeretur. compluribus Antistitibus etate prouecta, ac singularis doctrinae, & prudentiae fama insignibus praeteritis. quibus omnibus rebus homines mores & disciplinam a Stephano acceptam praetulerunt. Quamquam Iustinianus admirabilibus virtutibus suis breui effecit, vt Magistri nomen paruum momentū ad illum commendandum haberet. Id quod in eius elogio planius explicauimus.

Non excisae vrbes misero pater alme duello,
 Non deiecta truci moenia celsa pila,
 Nomine quam prefers, tibi concessisse coronam,
 Sed pax, eximiae sed pietatis opus.
 Sernatique patres & sanctis legibus aucti,
 Perpetuaeque ingens gloria parta toga.
 Nec minor occulti palma est de fraudibus hostis,
 Quae sita imbelli sit licet illa manu.

LEONARDVS. MARINVS.

Magna animū admiratio tacitis cogitationibus
 versare nōnumquā solet, qui fiat, vt quæ duæ
 res omniū humanarum longe præclarissimæ doctri-
 na & prudentia eā inter se habeāt similitudinē, vt ad
 sui perceptionem non nisi præstantia admittant inge-
 nia, eæ rursus inter se ita diuersæ sint, vt ab vno eodē-
 que quamuis splendido ingenio vtraque aut nūquā,
 aut perraro plane percipiātur. Siquidē eos videmus,
 qui in sapientiæ studijs, atque in cælestium & diuina-
 rum rerum inuestigatione excellant, ad res ciuiles tra-
 ctandas & ad Rempubicam gerendam minus aptos
 esse, eos contra qui in Reipublicæ administratione &
 in ciuiliū rerū p̄curatione cum laude versantur,
 si se se ad doctrinæ studia contulerint, numquam se-
 re ad primos peruenire. Vt nonnulli inueniātur, qui
 hæc inter se prorsus pugnare existiment; eiusque rei
 in scholis sæpe ac multum quæsitæ & disputationib⁹
 agitatæ rationes non omnino improbables asserāt.
 Nos quamquam vtramque laudem raro eidem con-
 tingere non negamus, ita opinionem excellentibus
 ingenijs iniquam multis omnium temporum exem-
 plis refelli affirmamus. verum ne longius abeamus,
 perspicuæ rei aperto argumento est nostra ætate Leo-
 nardi Marini felix versatileque ingenium. qui vir cū
 mira cælestium & diuinarum rerum cognitione na-
 turalem

turalem quoque prudentiam, ac consilium, rerumq. ciuiliū vsum & intelligentiam coniunxit, eximia eloquentiæ gloria egregias laudes cumulâte. nemo enim sacram doctrinā aut in scholis doctius interpretatus est, aut copiosius in cōcionibus explānauit, nemoq. in animis ad virtutem inflammandis, & a vitijs reuocandis acrior, aut vehementior, aut ornatior orator fuit. Idem cum e cōenobio & e schola ad Episcopatū euocatus ad publicas res tractandas animum conuertit, is exiit, eiusque ingenium & consilium ita enituerunt, vt nemo magis multā, pluribusue locis, aut maiore cum approbatione Reipublicæ ac Maximis Principibus operam nauarit, cum in vario genere Reipublicæ administrāde, tum vero in legationibus de maximis semper rebus obeundis. Nam apud Carolum Cæsarem ac Philippū Regem filium difficillimis temporibus multos annos magna cum laude Pōtificiū Nūtiū fuit Regi ita acceptus & probatus, vt ampliore Lanciani Archiepiscopatu honestatus sit. Ad hoc a sacro Tridentino Concilio, in quod ipsos omnis doctrinæ & sapientiæ Antistites ex tota Europa conuenisse vidimus, dignus habitus est, qui de maximis maximeque arduis Christianæ Ecclesiæ negotijs ad summum Pontificem mitteretur, itaque ipse omnia quæ fuerunt eius muneris, executus est, vt tam excellentibus de se factis iudicijs abunde respondisse sit existimatus. Neque vero illud exiguum munus fuit cum Catechismo Christianæ disciplinæ componendo vna
cum

cum grauissimis & doctissimis collegis præfectus est. adeo in nullas nõ partes præstās ingeniū ualuit. Præterea a Pontifice in controuersia de grauissima re ad Ferdinandū Cæsarem missus eam moderationē adhibuit, eamque in animo Cæsaris tractando & mitigāsto lenitatem, vt propositi pertinaciter resistentem Principem flexerit, & a sententia animo penitus insidente deduxerit, magnorumque instantiū dissidiorum, magnarumque offensionum causas præciderit, ac summas difficultates magna ab utroq; Principe iniata gratia expedierit. Iam vero a Pio Quinto pestiferæ doctrinæ lue in Subalpina prouincia serpente ad Episcopatum Albensem trāsatus est, vt piorum dogmatum oppugnatoribus acer veritatis propugnator opponeretur. postremo a Georgio Tertiodecimo Pōtifice Maximo & sapientissimo de summa Republica ac de foedere & expeditione in Turcas Legatus est, quod munus ita impleuit, itaque hominum opinioni respondit, vt Romam reuersus, ac legatione vix renuntiata legatus ad Cæsarem destinatus ex humanis excesserit.

THOMAE CORREAE.

Quis Leonarde pater te fortunatior: in quo

Tot dotes animi, tot bona conspiciamus?

Magnus enim ingenio es, maior sapientia, & usu

Maximus. ista simul iungere rarus bonor.

Ii

Hnc

Hinc tu Pontificum interpres mandata potentes

Ad Reges perfers, nec sine laude refers.

Cum res ulla grauis, cum magna negotia rerum

Sunt tractanda, tui muneris iste labor.

Præmia tot meritis quæ sint satis æqua negarem

Possè dari, virtus ni pretium ampla foret.

BARPTOLEMAEVS FACIUS, IACO-
BUS BRACELLIVS.

HAud sane pudoris mei fuerit, affirmare, in pari li-
terarum, atque armorum ciuiliūque rerum tra-
ctandarum laude Genuense nomen versari. nam ve
hac nulli Italicarum urbium post extinctum Roma-
num imperium est secunda, nullusque populus claro
rum bello virorum copia ditior fuit, ita litteras modi-
ce attigit Genuensis natio. quod idem omnibus fere
gentibus, dum in illis militaria studia viguerunt, usu
venisse constat. nō tamen hac quoque parte Genuā
omnino claudicare nonnulli doctrina & eloquentia
præstantes viri scriptis suis declararunt. in quibus fue-
runt Barptolemæus Facius, & Iacobus Bracellius Ge-
nuenses ciues. quos vno eodemq. elogio ambos cō-
plexi sumus. neque ideo illos non prætereundos du-
ximus, quod aliquid lucis clarissimo illorum nomi-
ni studio nostro nos addere posse speremus, quod ip-
si singulari eloquentia præclarissimisque scriptis suis
immortalitati consecrarunt, sed ne in recensendis cla-
ris Liguribus, quos omnes hoc volumine nos ample

xuros

xuros professi sumus, patria mea numero fraudare
tur. Facius igitur Alphonso Aragoniæ, Siciliæ, ac Nea-
polis Regi ab epistolis fuit, Bracellius Genuensis Se-
natus scriba eundem honoris locum a Nicolao V.
Pontifice Maximo ultro delatum repudiavit medio-
critate sua contentus. Facius vitam & res gestas Al-
phonso conscripsit, Bracellius historiam belli Hispa-
niensis, quod cum eodem Alphonso populus Genuë-
sis gessit, quinque libris est complexus; tãta vterq; cū
ingenij, prudentiæ, eloquentiæ laude, vt non modo il-
lam ætatem, in qua præclaræ artes, quæ multa ante sæ-
cula summis sordibus, ac squalore obsitæ iacuerant,
ex altissimis tenebris emerse multum iam veteris splē-
doris assumpserant, longe superarint, sed nostram
quoque, in qua politiora studia & eloquētiæ omnis
generis gloria in flore maxime est, illos in Principi-
bus numeret.

RAINALDI CORSI.

*Præstantes uirtute viri, labentia sæcla
Aeterna ingenij qui ualuisse ope
Sistereque, et uestra nos ipsi esulgere luce,
Præire atque alijs lumine perpetuo,
En quem vos potribus rite instauratis, honorem
A grata vobis posteritate datum,
Vitam alia augeri uita nix credere dignum est.
At misceat superis, at Folieta beat.*

BAPTISTA FVLGOSIVS.

AT in Baptista Fulgosio, qui patrum nostrorū ēta-
te principatum in patria obtinuit, tanta fuit, ac
tam multiplex eruditio, tantaque vetustatis atq; om-
nium ētatum cognitio, vt quem cum illo cōferas,
haud facile reperiās. id quod manifeste docet op^{us} la-
boriosissimum, quod Valerium maximū imitatus de
factis & dictis memorabilibus cōscripsit. In quo om-
nium nationum, omniumque temporum exempla
ita collegit, vt cunctorum sæculorum historiam bre-
ui perstrictam ante oculos hominum posuisse videat-
ur. quæ res immensi operis atque infiniti pene labo-
ris fuit. Iam vero simplici rerum narratione minime
contentum fuisse, sed vnamquamque momento suo
ponderasse, ac de singulis sapiētia iudicia fecisse, egre-
gium profecto acerrimi, ac pene Diuini ingenij, & ad
omnia humana expendenda & tractanda apti & ver-
satilis specimen fuit. Vt si quis huius voluminis utilita-
tem & fructum spectet, quod omnium humanorum
casuum exempla tāta copia suggerat, ex quibus quid
fœdum, quid honestum inceptu sit, qui exitus utrū-
que consilium cōsequi soleant, innumerabilia docu-
menta petantur, tum ad delectationem mentem cō-
uertat, quæ tanta rerum varietate legentium animos
tenet, profecto hoc esse illud opus statuatur, quo no-
stra ætas, quæ sibi omniseruditionis omnisque ge-
neris

neris eloquentiæ iure primas vindicat, præstabilius
tulerit nihil :

HORATII GVICCIARDINI.

Senferat ex tolli toto Fulgosius orbe

Ore virum libris se Folieta tuis.

Nunc quantum vis, ait, magnis adoperta tenebris

Mors sera uerte tuas in mea damna manus.

Hoc si respicies, esse haud obnoxia dices

Cuncta tuo imperio, rarum opus ingenij.

RAPHAEL FVLGOSIVS.

Magno ipse quoque ornamento patriæ ac genti
suz Fulgosiz Raphael fuit, clarissimi nominis
Iurisconsultus. quem eximium ingenij acumen a cõ-
muni interpretum sententia sæpe abduxit. Multa hu-
ius viri extant egregia scripta tum iure ciuili interpre-
tando, tum de illo respondendo, quæ Fulgosium no-
men cum in Gymnasijs, tum in iudicijs ac forensibus
caussis perpetuo celebre sint factura.

FVLCO, ANDALOVVS NIGRIVS,

BARPTOLEMAEVVS FALLAMONICA.

Quam gloriam Genuæ patriæ Fulco inuidit sedi-
bus ac domicilio Massiliam translato, alienaq.
ciuitate sibi assumpta, eã ego illi nõ inuidebo, neque
vlla

vlla vel iusta indignatio officio mihi erit antiquior.
 quod a me postulare videtur, vt quem virum duo ip-
 sa clarissima Hetruriae lumina Dâthes & Petrarca æter-
 nis carminibus suis illustrandum duxissent, eum ego
 Genuensis homo scriptis meis ne silerem. Porro Ful-
 co simile consilio fatum habuit. qui enim in aliena,
 quam in sua ciuitate viuere maluit, eius memoria in
 alienis magis, quã in suis ipsius scriptis viuit ac viget.
 quæ non ignobilitate sua interiisse sunt existimanda,
 quis enim eum ignobilem Poetã dicere audeat, qui
 duorum tantorum virorum laudatione nobilitetur?
 sed quod iam pridẽ obsoleuerit apud Italos Prouin-
 cialis gloria non tam vetustatis tenebris obruta, quã
 præfulgente Hetruscae Musæ splendore oppressa. Ea-
 dem quoq; est Andaloi Nigrij, & Barptohlemæi Fal-
 lamonica Genuensium ciuium fortuna, vt virorũ cla-
 rorum nomẽ alienis magis quam suis scriptis nitcat.
 quorum ille omni doctrina minime excultus, cũ ne
 poetices quidem expers omnino fuerit, in Mathema-
 ticis ita excelluit, vt Boccacius, in quo viro solutę ora-
 tionis laus Hetruscorum carminum gloriam aliorũ
 potius quam meo iudicio æquauit, hoc præceptore
 in primis gloriatur. At Fallamonica sublimi poema-
 te Philosophiæ & Theologiæ res complexus abditas
 quæstiones tractauit, quas Lyricis modis ita dilucide
 & ornate explicauit, vt qui materiæ sumptæ grauita-
 te Danthẽ æquet, eundem carminum elegantia & sti-
 li felicitate longe antecedit. Neq; dubium est, quin
 celsissimum

celissimum ipse quoq; in Hetruscæ Poësis laudibus locum obtenturus fuerit, nisi gentilium suorum sibi ipsis ac gentis nomini iniquorum scelus clari viri memoriz obstaret. quam diuino volumine inepta ratione compresso obscuratam & oppressam tenent.

RAINALDI CORSI.

Dignus tu duplici frontem præcingere myrto

Vates, quem duplex vendicat ora sibi:

Teque adeo gemini Thyrrenum gloria Cycni

Carmine uterque suo sydera ad alta rapit.

INGHETVS. CAESAR CONTARDI.

QUod ex innumeris hominum millibus, qui se se litterarum studijs totos dederunt, omnēque operam in illis posuerūt, perpauci admodum diuturno studio, assiduaque animi cōtentione efficere potuerunt, vt ad magnum & memorabile nomen in scientiæ laudibus peruenirent, id eum virum affectum, cuius omnis vita mercatorijs curis & sollicitudinibus fuerit districta, omnisque opera & industria in eo quæstu perpetuo occupata, magnam profecto habet præcellentis ingenij admiracionem. Magno igitur in pretio perpetuaque in gloria esse debet Ingheti Contardi Ciuis Genuensis nomē. quā illi cōciliat acerrima disputatio in vrbe maioris Balearicæ trecētis circiter abhinc annis cū doctissimis Hebrai-

cæ sectæ Antistitibus habita de summa relligiõe ac de Christiana lege litterarum monumentis quamvis rudis scribendi genere consignata. in qua Inghetus acutissimis & firmissimis argumentis, & media Theologia sumptis Christianæ doctrinæ veritatem confirmavit; Asturchumque, cui tum suæ sectæ homines primas deferebant, victum manus dare coegit; opinionemque menti penitus comprehensam inuito ac diu renitenti tandem extorsit. quare ille cum Ingheti disputatione & ingenio victus, tum lumine menti Diuinitus prælato, inueterato, ac cum lacte imbibito errore abdicato in Christi militiâ sacro fonte ablutus nomen dedit. quod idem complures eiusdem sectæ homines fecerunt, cum tanti viri exemplo inducti, tum Diuino Numine mentem dante attracti. Huius Contardæ gentis nobilis apprimæ ac peruetustæ, quæ perpetua Reipublicæ administratione olim floruit iacēs nomen, ac litterarum consenescentem gloriam longo interuallo ætate nostra Cæsar Contardus eximius Iurisconsultus rettulit, qui per arduas iuris ciuilis quæstiones acutissime & copiose tractatas & illustratas litterarum monumentis æternitati consecrauit. quæ ita probantur, vt nomen Contardi haud exigua cū ciuitatis nostræ gloria in Gymnasijs & forensibus iudicijs & iam nunc viuentis iactetur, & perpetuo celebre futurum sit.

MATTHAEVS SENAREGA.

MAtthæum Senaregam quamquam Facio & Bracellio professiōe coniunctū, tamē magna quædam alia sunt, quæ proprii elogij testimonio dignū faciant. neque enim in scribēdi tantummodo facultate, qua cum in historia, tum in omni genere excellit, id quod in homine ex domestica Pauli Manutij qualis quantique huius artis antistitis disciplina profecto minime mirum videri debet, sed in dicēdo quoque & in publicis rebus tractandis ac civilibus contentionibus, quæ longe diuersa laus est, incredibilem eloquentiæ vim exprimit. Accedunt eximia quædā, viuida sollertisingenij vis. quæ tanta fuit, vt prudentiā ipsam nō nisi diuturno vsu acquiri solitā ante annos representarit, ad hoc in negotijs ducendis & voluntatibus hominū sibi conciliandis mira lenitas. quæ virtutes ita in illo enituerunt, vt oculis omnium in tantam indolem conuersis adolescentiam vix ingressus ad Rempublicam gerendam grauissimo arcanarum rerum munere illi commisso vocatus eum se cum in legationibus obeundis, tum in sententia de magnis & arduis rebus exponenda ostenderit, vt illud plane constet, etate nostra pacis artibus, atque ad publicas & magnas res tractandas naturæ & fortunæ præsidijs instructiorem esse neminem.

Pendet ob ore tuo iuuenis Mathæe senexque,
 Verbaque non audent amplius ulla loqui:
 Concilio uenisse Deum te credit ab al. o,
 Sicque loqui gemmas, sic fluere ore charin.
 Patri conspicius te non tam laudibus ornat
 Quantum tu patriam moribus & studijs.

LVCAS CAMBIASIVS.

EA est Genuensium hominum belli pacisque artium gloria, ut non multū sit illis ad nomen suū illustrandum de alienis studijs accerendum. Igitur literarum scientiam, qua tamen laude omnino non caret, ac pingendi & fingendi artem, ceterasque eiusmodi facultates multis nationibus nō iniquo animo cōcedunt. quod idem ceteris claris populis, apud quos militaria & magnarum rerum gerendarum studia viguerunt, vñu venisse constat. Romani quidem adeo Philosophandi scientia ac Poetica & mechanicis artibus sese vñici a Græcis non indignabantur, ut grauissimi eorū eiusmodi rebus cum Græcis certare, atque adeo eas res omnino tractare, turpe sibi, ac maiestate Romana inferius ducerent. In eadē vestigia ingenij similitudine Genuenses incurrētes ea tantū studia coluerunt, quæ in Civitate sua in pretio & in honore esse videbant. non quod doctrinæ, & liberaliū,

ac mechanicarum artium studiis minus aptum esset illorum ingenium, sed quod sublimioribus curis intentæ mentes ad inferiora se se demittere non possent. Id quod ætate nostra manifeste declaravit Lucas Cæbiansius. quem pingendi arte ita constat excellere, ut siue admirabilem inuentionem & varietatem spectes, siue formandi & delineandi scientiam consideres, siue artem in colorando cõtemplere, in quibus rebus omnis pingēdi facultas exprimitur, eum esse illum statuas, quod hæc in arte nihil fieri possit absolutius, cū ne fingendi quidē laude careat, cuiusq; tabulæ ad veritatem ita adductæ sint, ut non ad naturam imitādo proxime accedere, sed naturā ipsam spīrādo & gestū agendo exprimere videantur. Egregium artificē Paulus frater meus eleganti carmine populari lingua cōscripto ornauit, quod in Latinum sermonem conuertit Rainaldus Corfus Corrigiensis mihi amicissimus, summaque humanitate ac morū suauitate præditus. Qui vir perhonorifico munere, quod est à supplicibus libellis, in præsentia fungens longeque maiore & ampliore dignus ad Pontificij, & Cæsariani iuris sciētiā haud minorē eloquentiā, politioresq; litteras ac multiplicem addidit eruditionem, miramq; in carminibus faciendis felicitatem. quas virtutes conitātur singularis prudētia, ac rerum vsus, & ad publicas, ac magnas res tractādas in primis aptū ingeniū. Ut virū præstantiorem, pluribusue, aut maioribus animi, & ingenij bonis ornatum Romana Aula habeat neminē.

Ingenium paritura nouum mille amplius annos
Distulit, ac magno tandem conamine sese
Exuperans natura uirum, manus inclyta cuius
Sæpe moram menti faceret, ueræ ne colorum
Sint facies, ueris seu tantum proxima, in auras
Edidit ætherias, de lucis nomine dictum
Lucam, qui patriæ lucem, lucem attulit orbi.
Scilicet & (propriæ quæ sunt cognomina genti)
Mutatam cogit se farier arte parentem.
Iure igitur summos inter procuresque Ducesque,
Qui bene de patria meruere, adscribit Vbertus,
Pone subit frater, Diuino nectare Musa
Quem Ligur in Syluis ultro imbuuit Apennini.

DE

DE IIS QVI AD MAGNAS
OPES POPVLORVMQVE
DOMINATVM
PERVENERVNT.



GERARDVS SPINULA.



Reiectæ impudentiæ, atque adeo nefarij
sceleris fuerit, putare in clarorum uirorū
memoria commendanda non longe pri-
mas uirtuti esse tribuēdas, aut vero quid
quam de omnibus humanis rebus cū illā
conferendū. Sed tamen negare non possumus, quin
fortune quoque amplitudo si minus gloriā pariat,
splendorem certe hominum nomini conciliet, ad eo-
rumque memoriam ab obliuione vindicandam plu-
rimum valeat. Iure igitur qui de Liguribus fortune
amplitudine floruerunt, quamquā res gestę aut nul-
lę, aut in obscuro sunt, prætereundi non fuerunt. in
quibus fuit Gerardus Spinula duarum nobilium vr-
bium alterius in Hettruria, alterius in Lōgobardis Lu-
cę & Terdonę dominus. Ex qua re præterquā quod
viri potentiā suspicere possumus, ciuitatis nostrę ina-
gnitudinem conijcere licet, cuius tanta esset priuato-
rum

urmeiuium dignitas tantæq. opes, vt celebres vrbes
Cæſaris conceſſu in Ditione fiduciaria haberent, in
caſque Prætores, & Magiſtratus cū imperio mitterēt.

M V T A T I O
BRANCAS AVRIA.

S Vmma quoque fuerūt Brancæ Aurix opes, atque
Seximia dignitas, qui maximam Sardinix partē Vr
bium, caſtellarum, vicorum, late patentium regionū
dominatu occuparit, ad tantamque potentiam ea in
inſula peruenerit, vt omnium rerum arbiter & mode
rator Sardis ipſis ſtudentibus Regis titulum a Cæſare
petierit, impetraturusque fuiſſe credatur, ni dum res
ſuo molimine grauis extrahitur, fato ſunctus eſſet.
Hic ille eſt Brancas, quē celebris nominis Poeta Dan
thes apud inferos etiam viuētem locat, cupiditate vl
ciſcendi doloris alte animo inſidentis ob inſignē ac
ceptam contumeliam in tantum furorem prouectus.
Dārthes enim, id quod incorruptis veruſtatis documē
tis conſtat, vir ceteroqui egregius vitio ingenij vehe
mens & impotens, ad hoc factionum ſtudijs & indo
mitis animi permotionibus ſæpe uſque ad inſaniam
rapi ſolitus, haud ſecum reputans, quāto cum pericu
lo magni viri lædantur, proiectę linguæ libertate abu
tens, quo perpetuo morbo laborauit, de Brancæ no
mine ac fama, quem neſcio quā de cauſſa oderat, de
trahere non deſiſtebat. cumque ſæpe monitus nullū
maledicendi modum faceret, Brancæ clientes tanta
verborum

verborum petulantiam re tandem coercendam censentes hominem in publico deprehensum male mulctarunt. quam ille injuriam cum factis nō posset opibus tanto inferior, verbis & stilo vlcisci studuit.

SINIBALDVS FLISCVS.

Nobili ac peruetusto Lauaniæ comitum titulo insignis gens Flisca, ad hoc perpetuo & continuo sacrorum honorum splendore in primis Italicarū præfulgens magnam semper Gennæ potentiam, atq; opes supra quā modicas possedit. quippe quæ per amplā Ditiōe, ac Castellorum & populorum dominatu non solū ceteros Genuenses populares suos anteciret, sed nemini Itolorum Procerum cum a summis Principibus discedimus, esset secunda. Quibus opibus in dies crescentibus factū est, vt Hieronymus & Sinibaldus fratres non iam proprijs nominibus, vt reliqui ciues, sed cū Comitum præfatione vocarentur, qui titulus nō tam a Sinibaldo est expetitus, quam omnium cōsensu illi datus, nemine repugante fortunā tāto ceteros antecedentem nominis quoque appellatiōe notatam & eximiam esse. quæ res adeo Sinibaldi ad nullam arrogantiam animum inflauit, vt nemo contra illo moderatior aut demissior esset, & in quotidiana consuetudine comior, ac suauioribus præditus moribus patriæ amantior ciuis, ab omni que ambicione remotior. Cumulat laudes bonarū artium perpetuum

petuum studium atque amor, litteratorumque hominum cōsuetudo, qua mirifice delectabatur, quosque liberalitate sua amplexus domi habebat, omnibusq. commodis fouebat. in quibus fuit Paulus Pansa cū omnis elegantis eruditionis, tum poetices laudibus celebris in primis nominis. Quibus rebus fit, vt tātæ opes tanta modestia, ac virtute cōiunctæ suo elogio dignæ fuerint. Neque de Sinibaldi laudibus aut gratia, qua omnibus æque charus fuit, quidquam detrahere debet Ioannes Ludouicus filius, lōge diuerso in genio adolescens, qui sese ac domum suam in irreuocabilem exitij casum præcipiti cōsilio demittere properauit.

ALBERICVS CIBO.

GENS Cibo cum multis stemmatibus, tum vero Pōtificatu Maximo perillustis in tātas opes creuit, vt clarissimis ac præpotentibus aliquot Italię familijs affinitate cōiuncta multas passim ditiones possideat. in quibus est vetus, ac celebris nominis Marchionatus Massæ, quem a matre nobilissima Malaspina hæreditarium acceptum Albericus Innocentij VIII. pronepos vna cum ceteris Ditionibus obtinet. quem Cesar cum nobilitate vtriusq. generis, tum meritis & virtutibus cōmendatum ampliore & splendidiore Principatus titulo auctum & ornatū in sacri Imperij Principibus numerari voluit.

THO.

THOMAS MARINVS.

AT neque ij, qui nostra ætate complures Genuen-
ses ciues ad insignes titulos & dominatus popu-
lorum ascenderunt, ita omnia fortunę debere, ac me-
ritis omnino carere sunt existimādi. Ingeniibus enim
opibus sua industria, solertia, vigilantia partis cū in o-
piam publicam subleuarint, maximosque exercitus
sustentarint, haud exigua illorum merita in Rempu-
blicam videri debent, iureq. illos amplis Ditionibus
a Cæsare maximisq. Regibus donatos. quos omnes
nominatim persequi non necesse habui, longū enim
id fuisset, Insigniores tātum commemorasse conten-
tus. in quibus primus ordine fuit Thomas Marinus
Ducatu Terrę nouæ in Regno Neapolitano a Cæsare
auctus.

ADAMVS CENTVRIO.

AT Adamus Centurio ad opes, quas immensas
accumulauit, prudentiam & consilium addidit,
& ad quæuis magna tractanda aptum ingeniū. Qui-
bus virtutibus simul Andrę Aurie affinitate subni-
xus præterquā quod Genuę plurimum potuit, mul-
taque eius fuit in omnibus rebus auctoritas, magnā
inijt a Cæsare & a Philippo Rege filio gratiam. Verū
summa grauitate vir ab honorum titulis abhorrens

L1 Marchio-

Marchionatu Aſtapæ opulenti in Hiſpania oppidi
Marcum filium inſigniri voluit.

NICOLAUS GRIMALDVS.

Nicolaus Grimaldus non magis opibus, quæ ſupra quam modicę fuerunt, quam liberalitate cõſpectus eſt, qua permultos ciues amplexus complurium laborantem fortunam ſubleuauit, afflictamque erexit, multosque ad commodum vitæ ſtatum & honeſtatem fortunæ perduxit. huc accedit liberalis cultus, ac perpetuus ſplendor cum in omni genere, tum in immanibus ſubſtructionibus in primis coruſcans, quibus Regiam magnificentiam haud dubie æquauit. Liberalitatem igitur & merita Grimaldi erga Rẽpublicã Philippus Rex grato animo proſecutus multis ditionibus, in primis vero nobilis & celeberrimi nominis vrbiſ Salerni cum inſigni Principatus titulo magna omnium læticia remuneratus eſt.

STEPHANVS SQVARCCIAFICVS.

EAdem ratio, eadẽque opes Squarcciaficis ad optimam Oriæ Ditionem in Regno Neapolitano viam comuniuerunt. quam ab Alberto patre Stephano filio traditam Philippus Rex in Antonij Auriæ foceris gratiam inſigni Marchionatus titulo nobilitauit.

GA-

GALEATIVS PINELLVS.

Nobili ac præclaro emularum virtutum certamine inter se contendisse videntur Cosmus parens, & Galeatius Pinellus filius; mutuoque splendore alter alterius nomen illustrare. Cosmi enim eximia animi moderatio & nostræ ætati cōspecta, & posteritati memorabilis in primis est. nam nemo in quærendis opibus castius est versatus, famamque & mentem ab omni sordium & auaritiæ labe intègriorem purioremue seruauit; & ijs opibus partis, quæ ad cultum honorifice tuendum sufficerent, & quarum adiumento ad multo ampliores breui peruenire facile posset, modū cupiditati salubriter posuit; nullaq. in re priuatæ ac ciuilis vitæ modum excessit, præterquam in ædificiorum magnificentia, sumptibusque in filiorum cultum in bellis, in Aulis Regum, in Gymnasijs magnifice tuendum largè suppeditādis. qua in laude perpetuæ & contestatæ gentili commendationi proximus fuit. Gens enim Pinella apprime nobilis turbulentissimis Ciuitatis nostræ temporibus procul ab omni fastu & ambitione, ab omnibusq. ciuilibus contentionibus remota cum nullo loco operam & industriam suam Reipublicæ subtraxerit, nullumque illius procurandæ aut munus vmquam intermiserit, aut laborem subterfugerit, non tamen aut ex malis publicis crescere vmquam studuit, aut per publicam priuatæue cuiusquam iniuriam in alionem potentiæ aut di-

gnitatis locum ascendere cōtendit. At Galeatium in paterno sinu, paternaque cura & diligentia educatū omnesque artes non modo liberō homine, sed summa fortunæ amplitudine dignas edoctum nō magis paternæ perample opes, quam suæ ipsius virtutes ac merita extulerūt. quippe qui omnia vitæ munera cumulate implevit; omnesque officij gradus erga propinquos & ditioni subiunctos, atq; adeo omnes homines, persancte & diligenter seruarit. nam propinquos & amicos liberalitate & hospitalitate, subiunctos vero æquitate, iustitia, charitate coluit, veritatis in omni vita retinentissimus: & Philippo Regi cellisimo fidelembello operam pluribus locis nauauit. Quæ merita Philippus grato animo recognoscēs Galeatium simul cum Ditione Turonensi ab illo parta insigni Marchionatus titulo eodē tempore ornauit.

*Dum Ligurum in superos pietas Galeate uigebit,
Dumque erit undisono Patria pulsa mari;
Gens Pinella tibi debebit, & inclyta nomen,
Virtutesque tuas, & bene facta colet.*

ARGENTINA SPINULA. VIOLANTIS
AVRIA. ELISABELLA FLISCA.
ALTERA ITEM FLISCA.

SPinula & Auria gentes nō sua tantum nobilitate
Sillustres sunt, sed a magnorum quoque Principū
coniun-

coniunctione haud parum trahunt splendoris : siqui-
dem Theodorus Palæologus Andronici Cæsaris fi-
lius Marchio Môtisferacis, & Matthæus Magnus Vi-
cecomes Mediolani Princeps harum familiarum affi-
nitatem appetuerunt, vt ea necessitudine vterq; la-
borantes res suas Genuensium Gibellinorum haud
mediocribus opibus, quorum capita erant duæ hæ
præpotentes familiæ, cōmuniret. Theodorus igitur
Argentinam Opicij Spinulæ filiam vxorem duxit. At
Matthæus Violantem Barnabæ Auriæ filiam Stephano
filio suo in matrimoniū dedit, felici futuræ prolis au-
spicio, ex qua tot Heroes ac summi fastigij Principes
prodituri essent, qui rerum gestarum gloria, clarissi-
maque fama orbem terrarum impleturi, magnamq;
Europæ partem, atque opulētissimas eius prouincias
imperio occupaturi essent. Ex eo enim cōiugio Bar-
nabas Vicecomes ortus est haud pudēdum materni
aui nomen referens. qui Viridam genuit, quæ Augu-
stissimæ genti Austriæ innupsit Leupoldo Alberti Du-
cis filio collocata. Is ex Virida Albertum & Frideri-
cum Tertium Cæsarem suscepit; Fridericus Maximilia-
ni Cæsaris pater fuit. ex quo natus est Philipp⁹ Hispa-
niæ Rex ac Celticæ Galliæ Princeps. ex Philippo ori-
sunt Carolus Quintus, & Ferdinandus ambo Cæsa-
res, ille Celticæ Galliæ Princeps, atq; Hispaniæ & vtri-
usque Sicilia, hic Hungariæ & Boemiæ Rex. Carolus
Philippum genuit opibus, potentia, amplissimisque
Regnis ceteros Christianos Reges longe antecedēs.

Ex Ferdinando orti sunt Maximilianus Cæsar ipse quoque Hungariæ & Boemiæ Rex, ac Carolus & Ferdinandus amplissimarum Ditionum domini. At nobilissimæ genti Fliscæ eandem Vicecomitum affinitatem Elisabella Flisca Lucæ filia Luchino Vicecomiti Mediolani Principi nupta suis moribus inauspicatâ fecit, quos aliorum scriptorum monumentis cõsignatos attingere ab instituto opere est alienum. Dignitatem eiusdem gentis auget altera Flisca, cuius nomen in obscuritate versatur. hæc fuit Hadriani Quinti soror præcelso Principi comiti Sabaudia nupta.

PAVLVS FOLIETA.

Gentis tuæ gloriam cælesti prope ingenio subsecutus es Paule frater, ipsaq. me fraterna pietas impium plane fecerit, si ea sola illi gloriæ obster, quâ tibi Poetices studium tam varie a te excultum cõciliat, atque ideo te elogijs nostris prætereâ, quod verear, ne plus illi ipsi pietati, quam veritati tribuisse videar. a quo metu me & egregia scripta tua vario carminû genere, & hominum, quibuscunque notuses, de te facta iudicia liberant. Illud enim constat, te inuentione, quæ cum in hac ipsa poetica, tum in vniuersa eloquentia, atque in omni scribendi facultate multo maximam proculdubio laudis partem occupat, ita excellere, ut ætatem nostram ingeniorum feracissimâ superes, veterum æques. Atque vnam eadem natura,

quæ

que munera inter nos ita partita est, vt se se Ducē tibi ad poetice, mihi ad solutam orationem pręberet, quę admodum tantam animorum similitudinem, & cōiunctionem nobis indidit, vt si quis oculos illos introspicere possit, dimidiatos dicat, eandē quoq; ingeniorum similitudinem & pręstatiā pariter dedisset. profecto in Historia nostrorum temporum conscribenda altissimum me glorię locum obtinere confiderem. quod naturę incommodum felicitate compensatur, qua tibi tanto superior sum, quanto ingenio inferior. Ea enim lingua scribo, quę tota Europa intellecta nomen meum omnium gentium notitia celebret, cum famam tuam angustis Ligurię finibus cōcludi necesse sit, eadem natura, cui reluctandum non est, te ad scribendum patrię lingua compellēte ab exteris hominibus aut nihil omnino, aut non satis commode percepta. quę tamen infelicitas eo in bonum vertit, eoque si non clariorem, at certe maiorem laudem tuam facit, quod is extiteris, qui acerrima ingenij vi docueris, nullam quamuis rudem & incompiā linguam eloquentię omnisq; generis ornamentorū non capacem esse. Postremo ita tibi habile ad Poeticen Natura ingenium dedit, vt te etiam ad eius mutam imaginem & æmulatricem artem, hoc est picturam idoneum finxerit, ad eam enim tu omniū, quę sunt eius artis, intelligentiam natura ipsa Duce sine Magistro peruenisti, vt non modo de egregijs arificū operibus certa & vera iudicia facias, sed ipsi summi

*Ergo tuis cedant folijs folia omnia quotquot
Idalium effundit, Pieriumque nemus,*

R A I N A L D I C O R S I.

*Alter in alterius uiuit sic pectore frater,
Mutuo ut ingenij lumine lumen alit.*

I N V B E R T V M F O L I E T A M
A V C T O R E M.

P O M P E I I A R N O L P H I N I.

*Dum folijs pascentur oves, dum sylua quotannis
Exurget folijs conspicienda nouis:
Nulla dies læto folia hæc s'foliabit bonore,
Exornat Ligures queis Folieta uiros.*

F I N I S.

Menda librarij.

pag. 9. Pyratarum, Piratarum. 11. operam, operam. 15. literarum, litte-
rarum. 45. HORTENSII, HORTENSII. 64. Alfonsi, Alphonsi. 68.
causas, causas. 81. Carreum, Carreum. 85. Clauum, Clauum. 147. flaman-
ti, flammanti. ead. cum, cum. 161. perculit, perculit. 184. vitro, vitro. 191.
multipli, multiplici. 237. muneti, muneri. ead. dadederunt, dederunt. adhuc
nonnullis in locis in curia librarij. n. littera inuersa est hoc modo n superiore
parte hiansi, inferiore clausa. 3. 5. 111. 115. 117. ead. 119. 148. 158.

INDEX NOMINVM.



<i>Elius Pertinax</i>	30	<i>Baptista Pinellus</i>	219
<i>Ansaldus Embria</i>		<i>Barptolemaus Facius</i>	241
<i>Ans.</i>	39	<i>Baptista Fulgosius</i>	244
<i>Ansaldus Pizo</i>	44	<i>Barptolemaus Fallamonica</i>	245
<i>Ansaldus Atria</i>	44	<i>Brancas Atria</i>	254
<i>Amicus Grillus</i>	67		
<i>Ansaldus Marinus</i>	70	<i>C</i>	
<i>Andreolus Marinus</i>	71	<i>Christophorus Columbus</i>	32
<i>Ansaldus Soldanus</i>	73	<i>Cassarus</i>	67
<i>Aegidius Buccanigra</i>	95	<i>Conradus Atria</i>	75
<i>Aurieta Atria</i>	97	<i>Christophorus Palanicius</i>	153
<i>Antonius Grimaldus</i>	98	<i>Cesar Fulgosius</i>	156
<i>Ambrosius Nigrinus</i>	134	<i>Clemens Roboreius</i>	191
<i>Arcelius Fulgosius</i>	145	<i>Carolus Dominicus Carrettus</i>	194
<i>Andreas Atria</i>	147	<i>Clemens Dolera</i>	203
<i>Antonius Atria</i>	155	<i>Cesar Contardus</i>	247
<i>Antoniottus Palanicius</i>	173		
<i>Augustinus Spinula</i>	177	<i>D</i>	
<i>Antonius Ferrerius</i>	199	<i>Esiderius D.</i>	17
<i>Albertus Clauarus</i>	206	<i>Dominicus Saulius</i>	233
<i>Aranus Cibo</i>	217	<i>Dauides Imperialis erat in prima cathedra post Galatium Rochum</i>	
<i>Angelus Iustinianus</i>	227	<i>E</i>	
<i>Augustinus Folietta</i>	230	<i>Manuel Caballus</i>	144
<i>Andalous Nigrinus</i>	245	<i>Elisabella Flisca</i>	260
<i>Albericus Cibo</i>	256		
<i>Adamus Centurio</i>	257	<i>F</i>	
<i>Argentina Spinula</i>	260	<i>Felix D.</i>	16
		<i>Fridericus Marabottus</i>	85
		<i>Franciscus Catalusius</i>	96
		<i>Franciscus Spinula</i>	115
<i>B</i>		<i>Franciscus Maria Roboreius</i>	177
<i>Baldwinus</i>	44	<i>Fabritius Carrettus</i>	139
<i>Blasius Axeretus</i>	54	<i>Fridericus Fulgosius</i>	169
<i>Baptista Fulgosius</i>	118	<i>Franciscus Marchesius</i>	214
<i>Britius Iustinianus</i>	129	<i>Fulco</i>	245
<i>Baptista Iustinianus</i>	139		
<i>Baltassar Blasius</i>	134	<i>G</i>	
<i>Bendamellus Saulius</i>	176	<i>Gulielmus Embriacus</i>	38
<i>Benedictus Lomelinus</i>	186	<i>Gulielmus Gabernia</i>	74
<i>Barptolemaus Cucurnus</i>	202	<i>Gandus Marius</i>	79
		<i>Gaspard</i>	

I N D E X.

<i>Gaspas Spinula</i>	104	<i>Iacobus Bracellus</i>	141
<i>Galeatus Iustinianus</i>	129	<i>Inghetus Comardus</i>	147
<i>Georgius Adornius</i>	140		
<i>Gudelmus Fliscus</i>	165		
<i>Georgius Fliscus</i>	165	L	
<i>Galeatus Roboreius</i>	191	<i>Ambas Auria</i>	55
<i>Gerardus Spinula</i>	253	<i>Lambertus Cibo</i>	66
<i>Galeatus Pinellus</i>	259	<i>Laufrancus Vfusmarius</i>	100
		<i>Lucianus Auria</i>	101
		<i>Lucas Fliscus</i>	111
		<i>Laurentius Folietas</i>	113
		<i>Laurentius Mutinus</i>	131
		<i>Leonardus Roboreius</i>	135
		<i>Lucas Fliscus</i>	165
		<i>Ludonicus Fliscus</i>	165
		<i>Laurentius Cibo</i>	171
		<i>Leonardus Roboreius</i>	191
		<i>Luchinus Vivaldus</i>	211
		<i>Leonardus Martinus</i>	239
		<i>Lucas Cambiasius</i>	90
		M	
		<i>Martinus Zacharias</i>	90
		<i>Megolus Lercarius</i>	105
		<i>Matthaeus Marruffus</i>	109
		<i>M. Antonius Carrettus Auria</i>	157
		<i>Marcus Vigerius</i>	200
		<i>Matthaeus Senarega</i>	249
		N	
		<i>Nicolaus V.</i>	21
		<i>Nicolaus Spinula</i>	78
		<i>Nicolaus Fulgofius</i>	112
		<i>Nicolaus Fliscus</i>	166
		<i>Nicolaus Grimaldus</i>	258
		O	
		<i>Opicinus Carrettus</i>	81
		<i>Oribobonus Iustinianus</i>	93
		<i>Oftianus Fulgofius</i>	141
		<i>Populus</i>	

H

<i>H</i>	
<i>Adrianus V</i>	
<i>Hugo Embriaeus</i>	
<i>Henricus Marius</i>	
<i>Hieronymus Riarius</i>	
<i>Hieronymus Grimaldus</i>	
<i>Hieronymus Auria</i>	
<i>Hieronymus Bassus</i>	
<i>Hieronymus Adornius</i>	

I

<i>I</i>	
<i>Innocentius III.</i>	
<i>Innocentius VIII.</i>	
<i>Iulius II</i>	
<i>Iacobus Marocellus</i>	
<i>Iacobus Leuantus</i>	
<i>Iacobus Fliscus</i>	
<i>Isnardus Guarcus</i>	
<i>Ioannes Fulgofius</i>	
<i>Ioannes Grimaldus</i>	
<i>Ioannes Iustinianus</i>	
<i>Ianus Fulgofius</i>	
<i>Ioannes Roboreius</i>	
<i>Ioannes Auria</i>	
<i>Ioannes Andreas Auria</i>	
<i>Ioannes Fliscus</i>	
<i>Innocentius Cibo</i>	
<i>Io. Baptista Palancinus</i>	
<i>Io. Baptista Cicada</i>	
<i>Io. Matthaeus Giber tus</i>	
<i>Io. Ioachimus Pass annus</i>	

I N D E X.

P		T	
Populus Genueſis	36.40.42.	Salagnus Nigrius	18
45. 48		Simon Buccanigra	94
Philippus Longus	44	Stephanus Mutinus	131
Paganus Auria	56	Simon Paſqua	183
Petrus Fulgoſius	60	Stephanus Iuſtinianus	225
Princiuales Flifcus	85	Stephanus Vuſumarius	252
Petrus Spinula	93	Strubaldus Flifcus	255
Petrus Auria	102	Stephanus Squarccioſicus	259
Philippus Auria	150	T	
Paulus Fulgoſius	168	Thomas Spinula	76
Petrus Riarius	196	Thomas Murchius	91
Philippus Calandrinus	202	Thomas Marinus	257
Pileus Marinus	208		
Paulus Centurio	223	V	
Paulus Folietia	262	Valentinus D.	16
		Vbertus Turrinus	44
R		Vbertus Auria	50.52
Romulus D.	16	Vbertus Turrinus	67
Rofcius Auria	30	Vbertinus Auria	75
Raphael Adornius	92	Vicecomes Cicada	151
Raphael Montaltus	120	Vincenſius Iuſtinianus	188
Raphael Riarius	196	Vbertus Spinula	203
Raphael Adornius	209	Violantis Auria	260
Raphael Fulgoſius	245		
S		X	
Syrus D.	16	Xylus IIII.	24
Simon Vignofius	58	Xylus Roboreius	191

Regiſtrum.

A B C D E F G H I K L M N O P Q R S T V X Y Z.

Aa Bb Cc Dd Ee Ff Gg Hh Ii Kk Ll.

Omnes ſunt quaterniones, præter Ll,
ſeſterniones.





